

COMMERCI LITTERARII

AD

REI MEDICAE ET SCIENTIAE
NATURALIS INCREMENTVM
INSTITVTI

Hebdomas prima.

Norimbergae a. d. II. JANVARII clb lccc XXXII.

I.



Elmstadii Excell. D. D. LAV. HEISTERVS edidit designationem plantarum, quibus hoc anno MDCCXXXI. Hortum academiae *Juliae* auxit. 8uo pl. 2. Pater inde Virum huncce, ad incrementa scientiarum natum, spatio duorum annorum duobus millibus plantarum hortum academicum locupletasse, et longe adhuc maiorem numerum seminum collegisse, quorum propagatio tamen ab iniuriis tempestatum, vndique ferme anno superiori saeuientibus, impedita fuit. Quanti aestimanda sit haecce industria, facile patet, si quis considerauerit celeberr. D. D. BOERHAAVE in historia horti academici Lugdunensis, indicis suo plantarum alteri praefixa, p. 31. non sine ratione depraedicasse HERMANNVM, post fata adhuc immortalem, quod anno a suscepta Botanices professione altero 1537. stirpes studiosis demonstrare valuerit, in horto a tantis antecessoribus iam exculto. Annexa est huic designationi *constitutio aliquot novorum generum*. Nimirum I. *Cannabinastrum*, ob folia ad cannabim aliquo modo accedentia. Ad hoc refert illud genus plantarum, quod Cl. Boerhaavio Cannabina, *Raio* aliisque cannabis spuria et J. B. cannabis sylvestris audit, eam ob causam, quod *Tournefortius* aliud prorsus genus hoc nomine salutauerit; duo genera vero diuersa vnum idemque nomen, ex sententia praestantissimorum recentiorum botanicorum, absque confusione sustinere haud valeant. II. *Perspicillum*, ob figuram capsularum ita dictum. Hoc constituunt plantae *Tournefortio* Thlaspidia nuncupatae, quia ante illum Cl. *Ruinus* plane diuersas, ad Thlaspi tamen propius accedentes, plantas Thlaspidii nomine

A

con-

consignauit. III. *Helleborastrum* A. vocatur Helleborus ferulaceus, vel Helleborus niger Hippocratis, a nonnullis ad Adonidis genus, ab aliis ad Ranunculorum agmen, ob fructus conuenientiam, relegatus, ab vtrisque vero tum forma petalorum angusta atque acuta, tum numero eorum vltra dimidium aucto, differens. IV. *Malueola* nuncupatur planta sub nomine Maluae africanae carpinii folio A. missa, et pro eadem, Alcea carpinii folio Flor. Lugd. Bat. aliorumque dicta, agnita, peculiari vero nomine donanda, ob folia ab Alceis diuersa, facie a maluis aliena, potissimum vero ob calycem simplicem pentagonum quinquefidum. V. *Ornithopodioides* Autori constituunt plantae, quae flores et siliquas habent ornithopodii, sed folia triphylla e. g. trifolium ornithopodii siliquis, et ornithopodium portulacae folio. VI. *Virga argentea*. Differt a Virga aurea floribus albis, sine dubio eadem est quam Cl. DILLENIVS in append. ad Cat. plant. Gissens. p. 142. *Conyzellam* nominauit. His addimus Cl. Autorem in ipso catalogo occasione Ericarum monere, illas flore dolioli forma *Ericoides* potius esse dicendas.

II. *Ex Litteris* D. D. GEORG. FRID. GVTERMANNI *ad d. 4. Decemb. 1731.* Dixit mihi medicus quidam, Medicis Stuttgardiensibus propositum esse colligendi atque typis mandandi Acta sua medica, ad modum Berolinensium.

Obseruatio de sceleto foetus, viis insolitis excluso. Ex communicatione D. JOSEPHI BIENER, Phil. et Med. D. Phys. Regii in districtu Slanensi et Rackonicensi in Bohemia.

Maria Strelin ex pago Woparn domini Lovvosicensis in districtu Litomericensi, ab vrbe huius nominis vno milliari distante, trituratoris vxor, anno aetatis 33. coniugii vndecimo, plerumque infelix puerpera, binos foetus successiue enixa, instante septimi partus tempore, initio Nouembris Anni 1716. per triduum multum laborauit inanibus pariendi conatibus, donec deficiente motu foetus, et doloribus parturientis, ipsa inter deliria et virium debilitatem mortem, suo et adstantium iudicio, expectaret; octauo abhinc die prodire secundinae, interea aegra frequentibus caloris et frigoris alterationibus corripiebatur, subinde tantum ardorem externe et interne sentiebat, vt tempore hyemali portam et fenestras ape-

aperiri petierit; nullus ipsi erat appetitus, somnus nullus, secessus rarus, sitis aucta, et dolores capitis atroces; tandem per muliebria fluxus saniei cum intolerabili foetore, et vnguibus foetus, obseruabatur. Post quatuor menses, quibus lecto se dimouere non poterat, aegra enormes cruciatus perpeffa, sensit vmbilicum sine inflammatione per modum vesicae attolli, mox sponte aperto, et hiante cute, aliquid duri, quod cum digito immisso tentabat extrahere, (quod contigit sub initium Februarii) vidit esse scapulam foetus a reliquo corpore et musculis separatam. Et licet duobus aut tribus transversis digitis ab vmbilico quatuor alia foramina et vlcera orta fuerint, per quae ossa minora artuum exteriorum prodierunt, tamen cranium notabilis magnitudinis et duritiei, cum reliquis totius trunci adhuc connexis ossibus, per illud foramen, per quod scapula extracta fuit, vna vice, alia vero artuum ossa per interualla, extraxit. Ab initio Februarii Anni 1717. vsque ad 16. Julii per vaginam vteri prorsus nihil excreuit; vlcera omnia erant perfecte sanata, excepto illo, per quod caluaria cum trunco, et scapula extracta fuerunt, quod labiis introrsum versis per tempus apertum erat, vt cauitas extremum auricularis digiti articulum admiserit. Medicamenta interna et externa nulla applicuit, praeter emplastrum ab Excellentissima Comitissa Herzaniana Milleschouio ex misericordia pauperrimae faeminae donatum. Vires tandem recuperavit prioribus paulo minores, fere tamen aequales, dum tria solida milliaria vno die iam pedes iuerit. NB. die 9. Julii excretio menstrua per triduum ex vlcere ad vmbilicum facta fuit, tandem vero per loca conuenientia, et vt relatum ex post meo genitori, adhuc aliquot prolium mater euasit. De hoc casu testimonium perhibet genitor meus FRANC. IGNAT. BIENER M. D. et Physicus districtus Litomericensis, et JOAN. GEORG. SCHMIDT Chirurgus eiusdem loci iuratus, nec non totus pagus Woparn.

Observations de Chirurgie, auxquelles on a joint plusieurs reflexions en faueur des Etudiants. Par HENRI FRANCOIS LE DRAN, de la Societé Academique des Arts, Chirurgien juré à Paris, Ancien Prevôt de sa Communauté, et ancien Chirurgien Maior de l'Hopital de la Charité, Demonstrateur en Anatomie dans le même Hopital. a Paris chez Charles Osmont 1731. avec Approbations et Priuilege du
A 2 Roy.

Roy. 8vo. Tom. I. Alph. I. pl. 8 $\frac{1}{2}$. praef. pl. 1. Tom. II. Alph. I. pl. 12. cum tab. aenea i. e. HENR. FRANC. LEDRAN Observationes chirurgicae, quibus iuncta sunt plura scholia, in studiosorum gratiam. Tomi II.

Priori tomo Celeberr. A. praemittit praefationem ad chirurgiae studiosos, in qua agit de antiquitate et necessitate observationum, earumque combinatione cum ratiociniis, ad excolendas artes, et in specie chirurgiam. Carpit praeterea practicos, vtut felicissimos, qui sibi tantum vixisse videntur, dum observationes suas cum posteritate haut communicauerunt, quae tamen, tum errorum manifestatione, instructionis loco inferuire; tum successuum comprobatione, audaciam corroborare possent. Ne itaque pari censura dignus fieret sollertissimus Dom. A. observationes suas publico inuidere noluit; quin potius eas observationibus b. sui parentis, iisque a confratribus sibi communicatis, locupletare laudabiliter suscepit, grauissime ferens inuidiam quorundam, qui soli sapere amant, neque tamen recordantur semetipsos iisdem vfos fuisse adminiculis, quae aliis denegant, et pristinam ignorantiam omnibus adhuc imperaturam esse, si omnes eadem secum sentirent; rationem insuper esse reddendam et Deo et hominibus. His notam subiungit Dom. A. qua indicat 1) successu temporis forte secuturum esse tertium volumen observationum, cui porro inferere promittit observationes aliorum, si quae secum communicabuntur, dummodo ad Chirurgiam spectent. 2) errorem essentialem ex vitio typographico ortum fuisse in tractatu suo, cui titulus: *Parallele des différentes manieres de tailler p.* scilicet 28. vbi l. 13. loco *au-dessus de la vessie*, legendum est *au dessous*. 3) monet omnia exemplaria suarum observationum chirographi tessera esse obsignata. Quod ipsas concernit observationes, sunt illae num. CXV. quarum primus tomus comprehendit LVI. alter reliquas. I--XV. respiciunt affectiones partium capitis externarum, faciei, oris et colli. XVI--XXVIII. vulnera capitis stricte sic dicta. XXIX--XLI. laesiones thoracis. XLII--LVI. extremitatum superiorum. LVII--XCII. partium abdominis. XCIII--CXV. extremitatum inferiorum. Omnes ferme observationes illustratae sunt scholiis, nunc generales, nunc speciales cautelas, vel diagnosin, vel prognosin, vel ipsam curationem facilitantes, suppeditantibus. Quamquam observationes prioris tomi hac vice tantum perlustrare suscepimus, facile tamen quilibet intelli-

get omnia, etiamsi notatu dignissima, angustos instituti cancellos
haud admittere, quare specimina potius exhibenda sunt, reliquis
tis superque commendantia. Prima statim observatio, tumorem in
capite recens nati compressione dissipatum proponens, occasionem
dat Dom. A. exponendi differentiam inter aneurysma spurium, ether-
niam cerebri. Quum p. 40. obs. VI. agit de extirpatione polypi na-
rium, differit primo de natura et differentia polyporum. Poly-
pus, inquit, morbus est eo difficilioris curationis, quo difficilior,
et quandoque minus possibilis est plenaria eius eradicatio; differen-
tia insuper quotidie inter distinctas eius species obuia, et diuersam
eorum naturam, molem, figuram atque originem declarans, impe-
dit certas regulas, methodum extirpandi determinantes, praescriptu-
rum. Observationes lectoribus nil suggerunt praeter ideas: ab in-
genio chirurgi dependet methodi electio in casibus obuiis. Casus il-
le, quem Dom. A. proponit, monstrabat in viro 30. annorum po-
lypum, sinistram narium cavitatem plenarie occupantem, atque mem-
branae pituitariae, super lamina spongiosa inferiore, nec non pariete,
ab osse maxillari atque palati in parte inferiori nasi coniunctim forma-
ta, expansae, adhaerentem. Spatio 18. mensium polypus tantum cepit
augmenti, vt, septum narium versus alteram cavitatem pellens, aeri
non, nisi difficulter, transitus superesset; laminam praeterea spon-
giosam ad alam nasi adigens, lacrymis transitum per canalem nasa-
lem praecludebat, vt inde saccus lacrymalis turgesceret, lacrymas-
que per puncta lacrymalia repelleret. Aegro iteratis venae sectio-
nibus atque diaeta praeparato, operatio suscipiebatur. Et, quum for-
ceps fenestratus *) commodè intrudi nequiret, propter adhaerentiam
polypi versus alam nasi, cultello separatio peragebatur, deinde ve-
ro iterata vice, ob mollitiem facilemque rupturam polypi, plura fru-
sta extrahebantur. Aeri via nondum patente, iudicabatur totum
polypum haud esse ablatum. Digitus immissus detegebat radices
polypi adhaerere versus vomerem parieti carnosum velum palati ter-
minanti. Quum forceps nil amplius auferre valeret, ne operatio
imperfecta ac ferme inutilis relinqueretur, setaceo, reliquum per
suppurationem consumente, succurrere visum fuit. Pro transitu
setacei facilitando forceps excogitabatur fenestratus valde planus, se-
mi incuruatus, quatuor circiter pollicum a clauo ad extremitates vs-
que longus, quo iterum portio polypi abripiebatur. Setaceum ex 12.
vel 15. filis contortum, alligabatur indici manus sinistrae, eo mo-
do,

A 3

do,

*) Gallice *pincettes fenestrées*; descriptionem et delineationem vide in Garengéot
Traité des Instrumens de Chirurgie, Edit. de An. 1723. p. 393. et 400.

do, vt facile iterum decederet. Naso intrudebatur forceps vsque ad parietem carneum, velum palati constituentem. Digitus setaceo instructus, dirigebatur per oris cauitatem, retro vuulam, ad altitudinem possibilem, et tunc forceps, polypi portioni residuae vim inferens, altera manu ad digiti vsque occursum adigebatur, eodem nodus setacei praeparatus prehendebatur, forcipeque retracto vna extremitas per nasum educebatur, altera per os propendens relinquebatur. Haec operatio ab initio aegroto quidem incommoda fuit, attamen ei mox adsueuit. Mane ac vesperi retrahebatur setaceum per os, postquam illa pars naso inhaerens suppuratiuo illita, et digitus index super vuulam, trochleae instar, substratus fuerat, ne velum palati irritaretur. Insuper per nasum saepius iniiciebatur decoctum hordei, nec non profundius intrudebatur turunda suppuratiuo pariter obducta. Haec methodus per 20. dies continuata magnam excitabat suppurationem. Ablato, illa mediante, residuo polypi, ex libero transitu aeris atque iniectionum diiudicato, loco suppuratiui adhibebatur aqua exsiccans, vitriolo atque aerugine impraegnata. Hac peragebantur iniectiones atque imbuebantur turunda et setaceum, mole nunc auctum. Tandem, mense praeterlapso, absoluebatur cura, et quidem absque recrudescencia, quam nec imposterum metuendam esse colligi ex eo potest, quod iam spatium 6. annorum Dom. A nil vltius ab aegroto rescuerit. Scholium docet, setaceum pariter proficuum fore, quando polypus ipsi superiori cauitatis parti, versus ossa nasi, adhaeret, quia inseruit directioni turundarum ipsi alligatarum. Setaceum porro vtilissimum erit, si extractionem polypi subsequitur enormis haemorrhagia. In casu hoc sanguis ad guttur defluens excitat tussim et sputum continuum, aegroto valde incommodum. Quo plus enim tussit, eo magis haemorrhagiam auget, simulque chirurgum impedit in iis, quae ad sistendum sanguinem requiruntur, peragendis. Vt itaque defluuium sanguinis ad guttur intercipiatur, setaceo alligentur duae turundae, sicca altera, altera aqua styptica imbuta, atque sic per nares educantur, quod celeriter peragi potest. Prior turunda sicca extractum per nares setaceum necessario subsequens, occludet hiatum fundi nasi, et sanguini via nulla amplius ad fauces patebit. Vltius protrahendo setaceum, prima turunda expurgabit sanguinem congruatum in naso collectum, altera vero turunda, ad pollicis distantiam setaceo alligata, et styptica aqua imbuta, adacta ad locum adhaesionis polypi, haemorrhagiam penitus sistet. Casus sequens VII. p. 48. explicat excisionem polypi scirrhusi. Qui huius census sunt, eorum euul-

sionem

sionem suscipiendam, praeter impossibilitatem, quam figura illorum inuoluit, suadere non audet Dom. A. ob haemorrhagiam considerabilem metuendam. Radices quippe suas latissime spargunt, eandemque duritiem, ac corpus ipsum, monstrant. Interim, aegrotto auxilium, ob metum continui augmenti, tandemque ex inueteratione subsecuturæ incurabilitatis, efflagitante, admonet chirurgum, qui curam huiusmodi polypi vna vel altera methodo tentare conatur, vt ante omnia prognosin, et sui, et chirurgiae aestimationem saluam reddentem, praemittat, cumprimis quia recidiua, etsi cura ex voto succedat, semper est metuenda. Operationem ipsam suadet peragendam esse absque ulla vi, et, si polypus nimis arcte adhaereat, sufficere, si tantum abscindatur, quantum possibile erit, reliquum vero suppuratione auferatur. Plenariam tamen huiusmodi naturae polyporum extirpationem non prorsus impossibilem esse, annexa relatione integri processus, Dom. A. probat. *Pag.* 84. *obs.* XII. in vulneribus gutturis, vbi epiglottis officio suo fungi nequit, commendatur peculiare instrumentum infundibuliforme cum tubo flexili, pro infundendis iusculis et tussi praecauenda, magis vero adhuc clysinata nutrientia. *P.* 109. percussiones capitis duplicis generis facit. Caput enim vel ipsum percutit corpus durum et immobile, quod illud laedit, vt accidit homini cadenti; vel corpus durum percutit caput, v. gr. fustis, lapis etc. I. si caput ipsum percutit, cerebrum semper patitur commotionem magis et minus considerabilem, violentiae scilicet aequalem, quia cerebrum agitatam versus corpus durum et retro pulsum per illud, subit vno momento duos motus contrarios; et in casu hoc cranium vel frangitur, vel non. Si cranium non frangitur, totus impetus percussione dirigatur ad cerebrum, et commotio aequalis est vi percussione. Si cranium fractum est, fractura vero tantum subsistit in fissura simplici et leui, commotio cerebri ferme aeque violenta est, quam si nulla prorsus fractura subsequitur. Si vero fractura vltius pergit, vel os in plura frustra diffringitur, prouti fractura interceptit percussione, ita commotio cerebri debilior redditur secundum proportionem magnitudinis fracturae. II. Quando corpus durum percutit caput, tunc vel percussio tam valida est, vt sola impulsio percussum prosterнат, vel percussus non prosterнат in momento percussione, et caput manet quasi immobile. Si corpus durum tam valide percutit, vt motus suus communicetur capiti et percussus prosterнат, necessario oritur commotio aequalis percussione, et quidem commotio insignis, si cranium integrum manet, vel nil praeter leuem fissuram oritur; commotio vero leuis, si cranium frangitur. In

utroque casu abolitio sensuum, accidens commotionis, tam cito suboritur, ut videatur illam solam percussum prostrasse: hoc accidens cito euanescit, si commotio levis est, perdurat vero, si commotio magna est, tunc enim verus est sopor lethargicus, necessarium consequens pressionis cerebri, vel extrauasionis vsquam factae. Si percussione prostratio non subsequitur, tunc levis tantum vel nulla prorsus commotio cerebri excitata est. In hoc casu, supponendo violentam percussione, os vel fractum, vel perforatum, vel contusum est, et tota violentia terminatur in loco percussioni obuius. Ex tribus hisce ultimis casibus, contusio cranii pessima est, quia raro cognitio eius possibilis, et pro gradu laesionis ossis, pericranium, dura et pia mater, afficiuntur. Diuisio vulnerum capitis ab Hippocrate stabilita, suppeditare potest subdiuisiones horum propositorum. Hanc suam theoriam Dom. A. diuersis comprobatur observationibus. *Pag. 199. seqq.* pari eruditione Dom. Autor exponit variisque observationibus illustrat diagnosin aequae ac therapiam abscessuum inter pleuram et extimam pulmonum membranam formatorum, nec non empyematum, qua occasione p. 248. respirationis negotium dilucidat. P. 315. seqq. rarissimam illam operationem, amputationem scilicet humeri in articulo scapulae, et quidem felicissimo successu peractam, sistit. Sed haec cum reliquis aequae peculiaribus atque vtilibus ex ipso fonte haurienda, ob spatii angustiam, lectori commendantur.

LIBRI NOVI.

I. Cynosurae materiae medicae continuatio secunda, ad Cynosurae materiae medicae Hermannianae intentionem conscripta, publicae luci exposita a JOH. BOECLERO, Phil. et Med. Doct. Botan. atque Chymiae apud Argentinenfes Prof. Publ. ord. Capit. Thom. Canonic. *Argentorati sumptibus Joh Beckii 1731. 4to alph. 5. Cl. A. iam 1726 ibid. sub eadem forma et mole publici iuris fecit tractatum, cui titulus: Dom. PAVL. HERMANNI Med. D. et Prof. Lugduno Bataui cynosura materiae medicae ante sedecim annos in lucem emissae, breuibusque annotatis exornata a Dom. JOH. SIGISM. HENNINGERO M. D. et Pr. P. ord. in Vniuersitate Argentoratensi, nunc diffusius explanata, et compositorum medicamentorum recensione aucta, curante JOH. BOECLERO. Sequuta est 1719. eiusdem pariter formae ac molis Cynosura materiae medicae continuata, ad cynosurae materiae medicae Hermannianae imitationem collecta, et in lucem emissae ab Aut. eod. Ibid. 1729. Praefatio continuationis secundae, tertiam quoque promittit, regnum minerale potissimum spectaturam.*

II. JOH. ANDR. LVD. MVLLERI Dissert. inaugur. *Syncopen quadantenus perlustrans, ventilata Ibid. d. 7. Julii 1731. pl. 8.*

COMMERCIUM LITTERARII
AD
REI MEDICAE ET SCIENTIAE
NATURALIS INCREMENTUM
INSTITUTI

Hebdomas secunda.

Norimbergae a. d. IX. JANUARIJ MDCCXXXII.

I.



Erolini publicam lucem vidit *Aetorum Medicorum Berolinensium in incrementum artis et scientiarum collectorum Decadis III. Volumen I* apud Godofr. Gedickium 1731. 8vo pl. 5. Praefixa est icon AVGVSTINI STEHLII, Archiatri aulae Electoralis Sereniss. tempore JOACHIMI Marchionis Brandenb., deficit autem memoria eius consignata. Contenta huius voluminis sunt I. nonnulla notata circa saponis alcalici confectio-

nem, praeprimis sceptica circa sal volatile inde educendum. p. 1-33. II. Peculiaris convulsione polymorphae casus in puella gallica Munchebergensi, ad fontem sacrum Freyenvaldensem restituta. p. 39-51. III. De epilepsiis gravidarum. p. 51-59. IV. Nonnulli casus chirurgici admodum memorabiles: scilicet 1) de efficacia Erysimi in tumoribus scirrhuso-cancrosis. p. 59-63. 2) De exemplo incontinentiae urinae ex difficili partu, atretae ex ruptura colli vesicae coalitae, eiusdem et aliarum graviditate, nec non sectionis caesareae feliciter institutae. p. 63-69. 3) Historia extracti globi plumbei per 30. annos in pede gestati. p. 69-71. V. Binae obductiones medico legales, quarum prima respicit homicidium ex raptu melancholico. p. 72-79. altera agit de suffocatis a carbonum vapore. p. 79. seq.

II. Ex Litteris D. EVSTACH. MANFREDI ad D. Pr. DOPPELMAYERVM Bononiae a. d. 2. Decembr. 1731. Quod postremis litteris tuis de instituti atque academiae nostrae Bononiensis commentariis abs me requiris, accipe. Editus est nuper a FRANC. MARIA ZANOTTO, qui instituto est a secretis, tomus prior commentariorum, in quo primum Academiae, ac totius instituti

B

histo-

historia ab utriusque origine, paucis traditur, dehinc res litterariae in academia pertractatae, siue ad physicam, siue ad mathesin pertinentes, enarrantur; postremo Academicorum dissertationes aliquot subiiciuntur. Observationes in hoc libro anatomicae, medicae atque ad historiam naturalem spectantes haud paucae; physicae pauciores; meteorologicae aut astronomicae nonnullae; magneticae nullae; meditationes vero physicae ac mathematicae complures. Si tibi Vir Ill. librum hunc comparare libeat, scito venalem esse Bononiae Juliis Romanis 16. Venetiis haud multo pluris profuturum opinor.

III. Iis, quae de *oleo Caieput* commentatus est D. D. GOETZIVS *Spec. I. p. 3.* addenda suppeditauit idem ea, quae in *historia moderna omnium gentium* a D. SALMON anglico idiomate publicata, a D. D. van GOCH autem in belgicam linguam translata T. I. n. 6. de insulis Moluccensibus cap. II. p. 605. legit, nimirum: *inter merces in Amboina prouenientes, aut aliunde illuc delatas, est etiam Kajoepoeth oleum, quod diaphoreticum et nervos corroborans dicitur, ut et iisdem viribus praeditum esse creditur, quae proxime ante nominato oleo Culilaban (Kolit-Layvan olie) adscribuntur, in luxationibus nempe, contusionibus, et affectibus paralyticis aequae ac arthriticis commendato.* Singularem efficaciam olei caieput nuper quoque expertus est D. D. TREVV in aegroto ex saeuissima colica et cephalalgia subito coeco facto, usu vero interno huius olei felicissime restituto, quem casum ille prolixius exponet in schediasmate de diuersis cardamomorum speciebus, in quo concinnando nunc occupatus est.

IV. Ex *Gallia* nunciatur, factum mense Octobri exeunte fuisse, ut in Comitatus Bigerrensis, (*Bigorre*) ad Pyrenaeorum montium radices siti, valle Baredgina, (*Baredege*) thermis et fontibus foteriis diuite, duo montes sibi oppositi nocturno tempore conuergerent, et inter illos situm vicum ita sepelirent, ut nihil eius conspici vel inueniri amplius possit. Nullum omnino praecessisse terrae motum, sed montes sponte taciteque coiisse. Fontes, post hunc casum, largius suas undas profundere.

V. *Hannouerae* nuper accidit, ut adolescens mendicus mortuus in platea reperiretur, isque medicis dissecandus permitteretur. Magnam admirationem haec incisio peperit, quum non solum in scroto eiusdem nulli testiculi inuenirentur, verum intus etiam nulli omnino delitescerent, nihilque illis analogum deprehenderetur.

VI. Publicae litterae testantur in zootrophio, quod prope arcem Principalem Durlaco-Badensem, *Carlsruhe*, alitur, simiam Indiae orientalis d. XIII. Decembris anni praeteriti enixam esse prolem masculam: hoc vero ibi locorum non adeo rarum videri, ex eo colligitur, quod ab anno 1701. ibidem simia Africana per quinquennium subsequens parem foecunditatem prodiderit.

D. D. JOH. JVST. FICKII observatio de *scabiei humidae curatione, a potu Théé nimio impedita.*

Iuuenis studiosus Holsatus scorbuticus, partim ob clima, partim ob victum mutatum, scabie humida per totum corpus corripitur, quae etsi rite tam externis, quam internis, tractaretur remediis, tolli nequitiam per longum tempus potuit. Inuestigans itaque in huius infelicitatis curationis causam, et quaerens, an Dom. Patiens errores forsitan committeret in diaeta, mihi respondit, se nihil omittere, quod curationis accelerationem promouere posset, imo per totum diem nihil aliud bibere, quam infusum Théé, et quidem in tanta copia, ut ante meridiem duos vel tres, et totidem post meridiem cantharos potaret, credens eo melius prodesse, quia hoc modo sanguis optime dilui et alterari posset. Cum vero illi remonstrarem, quod a nimia huius potus ingurgitatione ventriculus fortiter distenderetur, sicque eius tonus debilitaretur, ita ut reliqua assumpta esculenta legitime concoqui, et in chylum laudabilem mutari non possent, consequenter cruditates in primis viis augerentur, et morbi fomes indies incrementum caperet, ab huius abusu lubens destitit, sicque effecit, ut breui temporis spatio, iisdem medicamentis convenientibus, quibus antea sine ullo fructu utebatur, ad pristinam redigeretur sanitatem.

Dissertatio inauguralis de *Neruo intercostali*, quam Francofurti ad Viadrum an. 1731. d. 13. Jul. publico examini subiecit CAROLVS AVGVSTVS a BERGEN. *Francof. March. pl. 7½.*

Dissertatio §§. 51. absoluitur, tribusque constat partibus. Prima quidem de origine, progressu et fine nerui, ex sententia recentissimo-

tissimorum anatomicorum, agitur a §. 1. ad §. 30. Secunda, recensitis quibusdam dubiis, minus vere olim indicata nervi praedicti origo rectius traditur, a §. 30 ad §. 33. Tertia, actiones huius nervi physiologice, subiunctis variis morborum symptomatibus, exponuntur, a §. 33. ad finem. Quoad primam dissertationis partem, §. 1. nervi generatim definiuntur, quod sint fibrosae productiones cerebri, per subiectum cerebro corpus dispersae: tum ortus et progressus nervi intercostalis traditur, vtrunque ex sexto solo, partim ex V. et VI. nervorum paribus, eoque per septimum cranii foraminum par egresso, descendit per collum, in thoracem, abdomen, pelvim, toto ipso itinere cervicis, dorsi, lumborum vertebrae adcretus, variosque variis et diuersis omnino partibus ramos impertiens. §. 2. De huius nervi inuentione veterum omnes nihil litteris prodidisse; ratione vero sui progressus omnes vnum alterum secutos, neminem vero vel priorem, vel feliciorum in indagine verae nervi originis ipso BARTH. EVSTACHIO occupatum fuisse asseritur. §. 3. Reprehenditur denominationis huius nervi ratio, quod non a potiori sit sumpta, cum nervus hic, in transitu per thoracem, costarum radicibus accumbat, costaliumque nervorum propagines recipiat, reliqua et maxima sui parte per collum, abdomen et pelvim dispersa, citra ullam fere ad costas relationem. §. 4. Refert A. quod Argentorati in huius nervi originem inquirens, nexum eius tam cum Vto, quam etiam cum Vto et VIto paribus repererit. In exponenda vero istius nervi origine sibi progredi vix integrum esse ait, nisi utriusque partis historiam brevissimis praemittat, quod §. 5. 6. et 7. praestat. §. 8. et 9. originem intercostalis specialius scrutatur. §. 10. Canalem osseum pro transitu arteriae carotidis et nervi intercostalis describit. §. 11. nervi per canalem transitum exponit, ubi in specie notat, nervum, haud eadem cum arteria directione, viam per canalem absolvere, sed cursum mutare: ingressum enim canalis principium, lateri arteriae interiori; sub cranio vero egressum, eiusdem lateri exteriori, adpositum reperiri. Vbi vero truncus in duplices ramos diuidatur, efformando insulam, uti EVSTACHIVS delineat, haec rursus aliter se habere. §. 12. Nervus ex cranio exitum tradit, quomodo membranosa durae matris prolongatione ad paruum processum dicti canalis valide constringatur, quo nervus ad par vagum scilicet inclinatur, quod hic quoque egressum ex venae iugularis foramine, interposito duntaxat osseo isthmo, descendens, communis vaginae tutelam sibi adsciscat. Tum intercostalem, interiora versus incurvatum, ultra a latere arteriae soporalis externo de-

descendere, sensimque, pollicem latum emensum, intrare tertiam inter et secundam ceruicis vertebram collocatum ganglium, omnium, quibus donatur intercostalis, maximum, ceruicale superius dictum. §. 13. Digressionem de gangliis instituit. §. 14. nerui descensum, et quidem §. 15. per collum describit. §. 16. et 17. Nervos cardiacos et plexum cardiacum delineat, et probat, maximum intercostali cum pari vago intercedere nexum: atq; notat simul ex WILLISIO, in brutis hunc plexum fieri, maximam partem, a solo pari vago; vnde Anglus ille bruta inuoluntariis actionibus plus, quam animi passionibus, rapi credidit. §. 18. Iter nerui per thoracem profequitur. §. 19. Ad nervos mesentericos, seu intercostales superiores, vt et reliquos abdominis nervos transit; nempe §. 20. ad plexum hepaticum; §. 21. renalem dextrum; §. 22. splenicum; §. 23. renalem sinistrum; §. 24. mesentericum superiorem; §. 25. mesentericum inferiorem. §. 26. Scholion doctrinae de plexibus abdominis addit. §. 27. Intercostalis inferioris per abdomen transitum dilucidat, vbi rem attentione dignam censet, quod cum truncus intercostalis toto suo itinere a ceruicalibus, dorsalibus, lumbaribus, excipiat nervos, trunci huius explicati fines manifesto terminentur in ischiadici exordia, modo prioribus plane contrario. In cuius rei fidem Cl. NICOLAI Argentorati portionem nerui ischiadici praeparatam asseruet, in qua haec propaginum intercostalis insertio manifesto ob oculos ponatur. §. 28. Eiusdem nerui per peluim iter profequitur, VIEVSSENII delineationem reiiicit, EVSTACHII vero approbat. Quod vero natura neruum totum, pleurae et peritonaei interuentu, vertebris adiunxerit, haec ipsi causa esse videtur, vt firmitus aliquod fulcrum habeat, quo ipse truncus suffultus, omnes suas ramificationes in thoracis et abdominis pendula viscera transmittat. §. 29. Fines propaginum huius nerui proponit, eosque esse diuersos, omnesque eius modos haud cognitos dicit. Quosdam eius ramos terminari, sub specie papillarum, in intestinorum cauum, sub vaginis villosae tunicae desinentes, et sentiendi facultatem habentes, pene docere extremas plexuum mesentericorum propagines: alios viscerum substantiam penetrare, id quod plexus, vasa cingentes, fere omnes doceant: alios rursus vndique per membranas pleurae, omenti, peritonaei, distributos, ita in his membranis euanescere, vt has fere constituere videantur: neque adeo incongruum esse statuere, ait, vltimos artuum nervorum tubulos in membranas musculis intertextas ita desinere, vt, obseruantibus plurimis, nerui extremum, medulloso relicto, in

membranas explicari videatur. Parte dissertationis secunda §. 30. afferit A. neruum hunc minime suas ex Vto vel VIto pari, sed longe diuersas habere origines; modoque hisce, tamquam finibus suis, inferi neruis. Cuius rei rationes sequentes §. 31. affert: 1) omni neruorum origini contrarium esse, quod neruus, ex altero ortus, angulo inuerso, et quidem acuto, egrediatur, vt de intercostali praedicatur: nec neruum recurrentem per angulum inuersum, sed, propter adiacentem axillarem arteriam, per flexuram egredi. 2) par VIum, intercostali nondum emisso, longe gracilius esse, ipso prius emisso; vnde manifestum sit, illum ingredi par VIum, non egredi: idem forte pari Vto accidere, sed, prae grandi eius mole, vix augmentum in sensus cadere. 3) remoto trunci huius, intra cranium existentis, exteriori velamine, arachnoidea, euidenter oculo armato conspici, fibras eius vtriusque nerui penetrare membranas, dilatare quasi neruorum sexti paris filamenta, sicque intra eorundem interstitia subterfugere oculos. 4) nullibi in toto corpore inueniri neruum in origine tam tenuem, in progressu adeo crassum, quam ipsum intercostalem. 5) ipsi duo ramuli, a Vto pari dati, quum saepius adsint, saepius desiderentur, incertos quoque huius nerui in cranio natales indicant: quorum porro ramulorum, vt et alterius surculi, qui sexto inferitur pari, tanto semper sit incertior, quo minora fuerint corpora humana: quare etiam in tenello foetu, vtero adhuc incluso, huncce trium ramulorum cum Vto et VIto pari nexum reuera dari, valde dubitat A. 6) cum nullibi in C. H. arteriarum cum neruis adiacentibus contrarius obseruetur decursus, qualis in ingressu arteriae soporalis, et egressu nostri nerui per eundem canalem (§. 10. 11.) notatur, quod nerui actioni arteria vicina sic semper opposita sit: hinc intrare potius neruum hunc cranium, inferique partim Vti, partim VIti paris portioni, quae horum neruorum progressum spectat. Adeoque §. 32. longe verosimilius iudicat, neruum hunc oriri ex omnibus neruis, quos in suo vertebris accommodato situ, accipit a variis spinae, ceruicis, dorsu, lumborum, neruis, ita quidem, vt hic neruus intercostalis sit neruus medullae spinalis, tot radices habens, quot sunt rami, a vertebralibus in ipsum reflexi, cum gangliis communicantes; cuius fines superius intra cranium, sunt rami in Vtum et VIum par euntes (§. 8.) in thorace vero et abdomine plexuum, §. 16. 20-25.) et ipsius trunci vltimae propagines: in pelui, rami (§. 27. 28.) in ossis sacri neruos terminati. Parte demum tertia et vltima dissertationis §. 33. communia nerui intercostalis phaenomena expendit §. 34.

§. 34. Peculiaria eiusdem phaenomena tradit, nexum et decursum potius in antecedentibus traditum, quam interioram compagem spectantes. §. 35. Generalia nerui intercostalis sani phaenomena enumerat, a multiplici nempe eius in tot diuersas partes introitu, ad diuersa munia argumentando. Litem neruis liquida negantium suam facere recusat, hos vero suo ingenio abundare lubens concedit, id vnice asserens, omnes ab insufficientia rei male arguentes, et solidam C. H. theoriam negligentes, in cognoscendis corporis nostri origine, progressu et operationibus minus oportere esse felices. §. 36. Vsum liquidi neruei, speciatim nerui intercostalis, in nutritione corporis defendit, argumento inter alia sumto a tubulis mammarum lactiferis, in quibus VIEVSSENS detexerit neruos in mammis ita coalescere cum tubulis lymphaticis, vt exinde nouum prorsus vasorum genus, ipsi *lymphatico-nerueum* appellatum, exsurgat. §. 37. 38. Idem vlterius, et seorsim de neruo intercostali probat. §. 39. Particularia intercostalis sani phaenomena considerat, consensum partium, per quas idem distribuitur, illustrando. §. 40. Refert experimentum PETITI, quo primus ob nexum istius nerui cum Vtro pari, consensum illius cum oculo suspicatus est; ligato nempe canis neruo intercostali in collo eiusdem, vidit oculum fieri defixum, afflictum, lacrumantem, lippum, membranam semilunarem MORGAGNI, vltra solitum terminum, occupare corneam, visus organum caligine sensim obduci, pupillam dilatari, tandem plane, vt in gutta serena fit, immobilem reddi; relaxato vero neruo, nouum oculo rediisse fulgorem, quo ipso postea in aliis quadrupedibus tentato, eosdem constanter vidit effectus. Fidem vero denegat PETITO, narranti, se canem viuum, paribus octauis et intercostalibus in colli vtroque latere abscissis, in septimum vsque diem superstitem seruasse. §. 41. Ab eodem consensu deriuat, cur homo coelo sereno vel soli expositus sternutet? cur bruta non rideant? cur difficulter tussiant? negat vero, eidem neruo lacrumarum expressionem et fletum adscribi posse. Titillationem demum, qua homo in cachinnos soluitur, per nexum costalium neruorum cum intercostali fieri probabile esse ait. §. 42. Ex intercostalis cum ischiadico nexu consensum pedum cum toto corpore explicat. A plexuum propaginibus, vasa sanguifera, vaginarum instar, ambientibus, inter alia rationem petit, cur alius, ex praegressis quibusdam animi pathematibus, soluatur? §. 43. Neruum intercostalem diastoles cordis causam esse posse statuit. §. 44. Communia laesi intercostalis phaenomena examinat. §. 45. Sic vasa san-

sanguifera exterioribus neruorum inuolucris data, et gangliis interspersa, obstructa, laesa, clariorem multorum morborum, inprimis hypochondriaco-hystericorum, intellectum dare affirmat. §. 46. Particulares laesi intercostalis adparitiones describit; v. g. §. 47. symptomata erupturi dentis. Oculos fere semper laesorum viscerum proditores esse, exemplo scotomiae a ventriculo deprauato; coecitatis periodicae, in quodam, ex colica vehementi aluo soluta, sublatae: anxietatis praecordiorum in fletu. §. 48. Ex nexu intercostalis cum artubus inferioribus, per cruralem posticum, rationem variorum symptomatum dilucidat. §. 49. Laesiones C. H. ex plexuum abdominalium mala constitutione euoluit. §. 50. Consensum partium ex furculis nerui intercostalis, per peluin distributis, notat. §. 51. Epilogus.

LIBRI NOVI.

I. Helmontius Ecstaticus, siue visa medicaminum potestas ab HELMONTIO somniantem, reuisa a vigilante JOANNE HENR. COHAVSEN Med. D. i. e. Tractatus theoretico-practicus, arcanioris sophiatriae promus condus, continens duas diatribas, quarum prima visionem ecstaticam Helmontii, haecenus a nemine detectam, clarissime aperit; altera in praecipuas eius sensationes physico-chymicas sublimis nouasque reflexiones, omnibus ad arcana adeptorum aspirantibus vtilis atque necessarias, proponit, interspersis variis atque magnis remediis. Accedit pro supplemento sensationis vltimae Helmontianae de Hermetis aquina forma pontica, quae Elementa dissoluit; nec non Helmontii liquore igni-aqueo alcabestino, solvente catholico, dissertatio pyrotechnica curiosa, notis ab Autore illustrata. *Amsterdam. 1731. 8uo alph. 1. pl. 1.*

II. Archaeus febrium faber et medicus, siue exercitatio medico-practica, de vsu et methodo rationali, solida, certa et secura, tam in febribus intermittentibus, quam periodicis continuis administrandi febrifugorum omnium maximum corticem Peruuianum, seu Chinam-chinam. Autore JOH. HENR. COHAVSEN, Hildesio Saxone, M. D. Archiatro Horstmaro-Ahusano, et Dioeceseos Monasteriensis practico seniore. *Ibid. 1731. 8vo pl. 8. et dimid.*

III. Nouveau Voyage au tour du monde par Mr. le GENTIL. avec une description de l'Empire de la Chine, beaucoup plus ample et plus circonstanciée que celles, qui ont paru jusqu'à present, où il est traité de moeurs, Religion, Politique, education et commerce des peuples de cet Empire. Tome premier, *Ibid.* apud *Petr. Mortier 1731 8vo pl. 20. cum dimid.* Tome second pl. 15. Tome troisieme pl. 12. i. e. *Nouum iter circa orbem terrarum D. GENTIL, cum descriptione imperii Chinae &c. Tomi III.* Noua est impressio editionis 1724. publicatae: permulta ibi leguntur ad historiam naturalem pertinentia.

IV. *Ibid.* apud *Nic. de Wit* sub praelo sudat Pharmacopoeae Leouardienfis sexta editio reuisa et emendata in 12.

COMMERCII LITTERARII

AD

REI MEDICAE ET SCIENTIAE
NATURALIS INCREMENTVM
INSTITVTI

Hebdomas tertia.

Norimbergae a. d. XVI. J ANVARII cl. lccc XXXII.

I.



Elatum nuper legimus, cum in *novis litterariis Lipsiensibus*, N. LXXXXVIII, tum in *recensionibus historicis Ratisbonensibus*, N. LI. p. 814. constitutum esse illustrissimae Academiae Caesareae Leopoldino-Carolinae Nat. Cur. Domino Praesidi, nouum idque tertium edere volumen *Aetorum physicorum - medicorum*, siue *Ephemeridum Nat. Cur.*

quum insignis iam eruditarum pariter ac vtilium obseruationum numerus collectus sit. Quamobrem singuli Domini Collegae et Fautores beneuole admonentur, vt, qua fieri potest minima interposita mora, vel ad illustres Viros, Dominum Praesidem, BAIERVM, Altorfium; aut Dominum Directorem, ETTMÜLLERVM, Lipsiam; vel ad alios quoscunque Dominos, siue Adiunctos, siue Collegas, pro locorum opportunitate seligendos, mittant, quae conferre voluerint, symbola. Summum hoc illustris Domini Praesidis studium sicuti abunde testatum facit, nihil Ipsum antiquius habere, quam vt iis ex asse respondeat, quibus pro amplissimi muneris sui dignitate perficiendis datus est: ita comprobatum idem vltius exinde videmus, quod et procurandae Societatis commoditati studiisque prouehendis consulat. Exstans enim nobilissimae huius intentionis tessera est, quam nuperrime typis promulgauit: *ad bibliothecam et museum Academiae Imperialis Nat. Cur. liberaliter instruendum officiosa exhortatio atque inuitatio*. Cuius summa huc redit, vt primo de emolumentis, inde in commoditatem Sociorum redundaturis, exponat. Postmodum locus designatur tam laudabili instituto idoneus, isque Norimbergae, in aedibus, ad D. Catharinae coenobium.

C

perti-

pertinentibus, concessus, qui collectaneis, adhuc quidem pertinuis, hospitio sit non facile turbando. Hinc exorantur undique suppetiae, quae locupletando bibliothecam et museum exornando, quacunque demum ratione hoc praestare commodum visum fuerit, conatus suffulciant stabiliantque. De libris vero seorsim monetur, quod in primis desiderentur auctores Historiae Naturalis, botanici, zoographi et oryctologi, medicam quoque simul rem illustrantes, pharmaceutici, chimici et mathematici; praeterea hodoeporica, chorographiae et topographiae; denique, et prae caeteris, observationum, casuum et curationum medicinalium scriptores. His tandem aliquot subnectuntur conditiones, quibus intentionem suam vicissim declarat, ut cuius, ad utilitatem suam apparatu librorum et rerum naturalium uti cupienti, satis fieri posse existimat.

II. *Ex Sueviae libera quadam ciuitate*, transmissus nobis est conspectus scripti cuiusdam notabilis, quod praelo paratum est: eum totidem verbis exhibemus:

*Summaria historiae abortuum molarumque diuersarum
exclusarum.*

- pag. Abortus fieri nouum non est, sed haec abortuum historia
1. prae aliis notatu digna inuoluit. Matrona optimae aetatis, quae
 2. olim frigore suppressit menses primordiales, dein solenniter largos, molestas bis experta grauiditates, abhinc haemorrhagiam
 3. vteri passa, post tertio peperit; Quartum grauida, magis diuexata, irritis fere remediis, factoque incommodo itinere, ex
 4. affectu hysterico grauissime decubuit, sed euasit. D. D. DÜTTEL in consilium vocatus, laudatur. Nihilofecius nostra incidit in haemorrhagiam vteri, mitigatam quidem a temperantibus tonicis; sed membranis foetus proruentibus, nullo modo reponendis, tertio die post exclusus est foetus nondum quinque-
 6. mestrus, viuus, qui baptizatus moritur. Puerpera molam simul gestauerat. Quintam cognouit conceptionem ex pristinis
 7. molestiis, quae nitrosis, antispasmodicis, stomachicis, confortantibus, spiritui Bussiano atque anodyno, crocatis atque castoreatis, numquam plene cessit. Metus abortus suppeditauit consilium mittendi sanguinem, attamen sexta hebdomade abortus molimina inuasere, spasmi pertinaciter afflixere vniuersum corpus, grauissimis paroxysmis abdomen, pectus, caput et artus, diu, saepe et pessime, exagitantibus. Aegrota haemorrhousa atque hysterica, omnium rerum pertaesa, nauseosa,
- pientif-

pientissime se gessit. (*Medici piis aegris adstantes felices sunt tam pro*
 10. *aegrotis, quam pro semet ipsis.*) *Pathologia* has afflictiones deduxit
 11. ab emanenti largorum mensium fluxu, sanguine represso ad por-
 tae venam, et vasa gastrica, quae ex innumeris oriuntur capil-
 laribus, teste subtiliori iniectione anatomica, indeque orta ple-
 12. xus neruorum coronarii stomachici strictura, quae ob conne-
 xionem, remotiores quoque partes nobiles in consensum tra-
 xit, neque minus ab ira irritata fuit, et sanguinis circulum tur-
 13. bando haemorrhagiam concitauit. *Therapia* has turbas com-
 pescere, et grauidam foetumque roborare studuit, V. S. re-
 uulsoria, temperantibus, tonicis, analepticis, diluentibus,
 14. externis confortantibus, et diuertentibus. Cum verum sit
 axioma: *quod largae uteri haemorrhagiae uterum debilitent, atque ad*
abortus disponant, datae sunt pilulae balsamicae, continuatis an-
 15. tispasmodico-confortantibus, et gelatinosis. Me absente, phar-
 macopoeus alia, sed falsa opinatus, incongrua ordinauit. Alius
 16. vinum Tyrolense laudauit. Ego Stahlii effata sequi nondum au-
 sus, ulterius sanguinis diuersionem et attemperationem tenta-
 17. ui. Spe abortum praeseruandi decollata, per attactum orificii
 uteri interni, exploratum est, num reuera gesseret uterus, et
 18. cognitus fuit status grauidus; ergo iterum pilulae bals. oblatae,
 et spasmis hystericis obuiam itum est, non omissis pellentibus.
 19. Vt nil opis relinqueretur, Collegium Medicum A. consultum
 20. est, quod, absentibus quidem celeberr. Collegis compluribus,
 21. in diuersam abiit sententiam, passionis aetiologiam et curandi
 22. consilium. Itaque de mea ludebatur fama. Ego autem rem aequa
 23. lance ponderans, ratiocinia vtrunque reuoluens, illic nil valo-
 ris et certitudinis animaduertens, hic vero cumulatis speciosis
 argumentis meam omnium afflictionum aetiologiam confirman-
 24. tibus, et remedia adhibita, speciatim pellentia, approbantibus,
 uteri statum grauidum demonstrantibus, DEO confisus et cau-
 25. sae bonitati, obfirmaui mea animi sensa. Medici Memmingen-
 26. ses a meis steterunt partibus et consiliis. Miserae aegrotae, quic-
 quid in contrarium suadebatur, curam congruam adhibui, leniter
 pellentibus, balsamicis, analepticis, antispasmodicis, stomachi-
 27. cis, carminatiuis, nutrientibus, eupeptis, elixirio confortante
 28. D. DÜTTELII. Balnea quoque usurpari coepta sunt. Tandem
 29. parturiendi conamina aggressa, sustentata et promota, M. Decem-
 bri enixa sunt, sub enormi sanguinis torrente, molam membra-
 naceo-carneam grauem, aliam vesicularem grandem, a qua in-

numerae discefferant vesiculae , et postmodum foetum mortuum sed incorruptum.

30. Post partum morti proxima, adeoque vrgenti sanguinis arteriosi effluxui, animique deliquiis opem ferre necesse fuit,
 31. sed caute ac prudenter. Extremum vitae pericalum iugiter institit ob summam sanguinis pauperiem, et virium defectum. Mi-
 32. ro phaenomeno flatus sonori ex vrethra et vtero erumpebant.
 33. Vterus sanguinem profundere nondum desinens, pilulis balsa-
 34. micis, molam protrudentibus, depletus fuit. Mammis etiam
 35. in hoc exsucco subiecto prospicere opus erat. Febris per totam
 36. Europam tum epidemia etiam nostram acerbè detinuit. Anno
 37. 1730. ineunte maior conualescendi affulsit spes. Latitabat au-
 38. tem hectica, indicans temperantia, nutrientia, visceralia, to-
 39. nica, neruina: in puluere, emulsione, gelatina pharmaceutica,
 40. et domestica, elixirio, potu ordinario, balsamo, ac linimen-
 to, neruino; concessio tandem vini Hungarici et Neccarini vsu.
 Menses rediere quarto post abortum mense. Balneis domesticis
 vsa est adulto vere, pilulisque vterinis. Hoc anno 1731. ite-
 rum factae conceptionis, pristina sentire coepit incommoda, iam
 debellata, venae sectione, temperantibus, et praestanti linimen-
 to antispastico, it. Elix. bals. mola recens exclusa in bonum, quod
 DEUS praestet vltèrius, ac embryonem conseruet!

D.D. GE. FR. GVTERMANNI observatio de Tin- *ctura dulci coralliorum perlata.*

Quum metuatis, VIRI Excellentissimi, atque ad incrementa sa-
 nioris medicinae nati! vt cum obitu B. D. D. PACHHELBLII
 de GEHAG, eiusdemque thori sociae, interierit quoque notitia
 parandi *Tincturam coralliorum tonico-analepticam eximiam* in Spec. XXXIX.
 p. 307. laudatam, dolorem de iactura eius, si reuera facta sit, demul-
 cere paulisper, eamque quodammodo et in Vestram et in aliorum
 gratiam compensare studeo, sequentem perquam subactò Vestro iu-
 dicio, liberrimisque, si placuerit, ad proximi commoda vsibus tradens
 descriptionem: Rec. *coralliorum* elegantissima rubedine suffuso-
 rum vncias duas semis, quae tenuissime puluerisata *ceræ virginæ*
 albissimæ, in vase terreo leni carbonum igne liquefactæ, vnciiis dua-
 bus tribusue immisce, agitando massam super ignem spatula ferrea
 tamdiu, donec exsurrexerit macularum rubellarum copia, deinde
 adsperge parum *aquæ limpidæ*, eamque porro lenissime coque, vs-
 que

que dum corallia rubedinem exuerint et cum albedine commutaerint. Postea adice *sacchari Canariensis* optimi, itidem subtilissime triti, vncias duas semis, lenemque decoctionem continua, vt saccharum colorem induat ruffum. Adde insuper *margaritarum Orientalium* in pollinem laeuigatarum drachmam, quas quidem sine virium dispendio omittere poteris. Quo facto massam frigefactam committe vitro haud ita facile fragili, quod mensuram capit, ampliorique instructum est orificio, atque affunde *spiritus rosarum* bis aut ter cohobati libram vnam, obtege vitrum obturaculo cereo, duplicataque vesica firmato. Expone dein blandae digestionis per integrum mensis spatium, vitrum autem singulis agita, semel aut bis, diebus. Mense exacto tincturam decantabis, debitèque asseruabis ad *usum tonico-analepticum* in morbis tam acutis, quam chronicis et Herculeis praestantissimum, colore, odore ac sapore suauissimo quam maxime sese commendantem. Datur, vti essentia dulcis Halensium, quacum et virium ratione sat bene conuenit, saluberrimo cum effectu infantibus recens natis ad guttulas quatuor in lacte materno, atque obseruata aetatum proportionem ascendit dosis ad guttas quinquaginta pro adultis. In acutis tamen atque malignis minuitur ad guttas quindecim vel viginti, at eo crebrius, v. gr. singulis quadrihoriis, propinandas. Commodum vehiculum vndique praebet *aqua cerasorum nigrorum*, quam tamen aquam, licet aliis commixtam, matrem quandam, huiusque liberos, ex singulari idiosyncrasia, aegrè tulisse, ex qualicunque mea praxi hac occasione reminiscor. De mira huius tincturae, vna cum aqua quadam destillata vinosa magistrali, pilulis balsamicis, balneoque ex herbis appropriatis, in usum vocatae efficacia in *blande expurgando, roborando, et foecundando utero*, adeoque *tollenda sterilitate*, alio forsitan tempore plura.

Obseruationes Chirurgicae de Calculo renum, vesicae, urethrae, lithotomia et vesicae punctura; in quibus lithotomiae methodum, quam celeberrimus JOANNES JACOBVS RAV, Anatomiae et Chirurgiae in Acad. Lugd. Batau. quondam Professor exercuit, *tutissimam et felicissimam* omnium huc vsque inuentarum methodorum esse, variis experimentis et rationibus probat JACOBVS DENYS, ciuitatis Leidensis ordinarius chirurgus, Lithotomus, obstetricandi artem exercens, et coram obstetricibus prae-

legens ; qui addendas etiam curauit figuras ad viuum delineatas. *Lugduni Batauorum* apud *Ioannem a Kerckhem* 1731. 8uo. plag.. Tab. II aen. 12.

Praefationem huic libello praemissam, quum singula eius contenta ipsa suppeditet, hic parum mutatis, paucis additis, verbis excerptam, recensiois loco dabimus. In limine eius peritissimus Dom. Autor, necessarium duxit indicare, se nobilissimam Chirurgiae artem, cui ab adolescente animum libauerat, non perfunctorie, sed rite ac decenter tractasse, id est, multum diuque desudasse, tum in eius peritia solide acquirenda, tum in methodo secandi et operandi, quam a doctissimis Anatomiae et Chirurgiae Professoribus, domi forisque vidit et didicit, imitanda, parique, ac aliis contigit, felici successu exercenda : quae vero inglorius, atque eam ob causam dicta esse vult, vt maleuolis, quos nouit, ora occludat, odio et inuidia in se ample hiantia. Veniam deinde ab aequo lectore petit, si in scribendi genere, aut methodo proponendi minus concinne vel ornate egisse deprehendetur : nugae aut inania verba vitasse, veris autem dilucide exponendis, studuisse ait. Rationes postea adducit, quae his paginis euulgandis eum impulerunt, vt nimirum eorum, quae ex operationibus Viri, dum viuebat, clarissimi RAVII, lithotomique felicissimi didicerat, post fata autem laudati viri, dum in praxi sua eius methodum sequeretur ipse solertissimus A. multoties obseruauit, orbi copiam faceret. Quorum postremis vt fides magis constaret, Doctorum virorum artis peritorum, sibi vbique adstantium, nomina addidit. Ceterum breuitatis studio alloborauit, omittendo farraginem medicamentorum, quibus, nec tamen ex suo cerebro, sed aliunde decerptis, magna librorum spatia explere, multorum mos est. His praemissis, omnium in XII. capitibus, quibus hae paginae absoluuntur, contentorum sistit conspectum. Primo autem capite inueniuntur non tantum plurima calculi signa absque exploratione instrumenti, aut digiti opè conspicua, atque ex dolore, pressione, tumore, et vlcere eius, in qua calculus occultus latebat, regionis, veram calculi praesentiam manifestantia : sed et omnia fere calculi non praesentis, illum tamen mentientia signa, tum ex modo dictis, tum ex vrinae vitiis et contentis iudicata quidem, sed falso deprehensa, tandemque, ceu aliorum morborum symptomata, detecta : quae omnia, cum variis, iisque rarioribus, confirmata sunt obseruationibus, liceat vnam alteramue notatu dignam exhibere : Prima est illa pag. 14. quam celeberr.

RAV notauit in puero, quem a tribus calculis sectione iam antea liberauerat; qui vero, quinquennio elapso, de magno lumborum sinistri lateris dolore querebatur: quo ingrauescente tumor animaduertebatur; ex quo denique increfcente vlcus enatum fuit, magnam vrinae cum pure mixtae quantitatem, dum perrumperet, fundens. Hoc pure *Rauius* filamenta quaedam inungebat, matulaeque iniiciebat; puerum in illa quotidie mingere iubebat, vrinamque effundi, quoties de nouo lotium mittebat; post tempus aliquod hisce filamentis calculosam quasi materiam circumcretam esse obseruabat: quae calculum ex pure et vrina fieri, docebant. Altera est selectus propriarum obseruationum. p. 28. communicata, quibus sedulus Autor certo fidem adhiberi posse asserit, quando ex vrinae conspectu certam praesentiae calculi diagnosin, eruere, et ex eius colore, odore, crassitie, tenuitate, paucitate aut copia, de mole, figura, colore, molitie aut duritie calculi prognosin aut iudicium ferre vult. In secundo capite notantur quaedam signa et symptomata, vnde qualitas calculi vesicae aliquatenus praesagitur et scitur, an paruus, magnus, acutus, angulosus aut ramosus sit futurus; qualium calculorum delineationes, in quibusdam tabulis nitide expressas, exhibet. Tertium caput demonstrat, quando lithotomia non procrastinanda, et quando omnino non tentanda sit. Quartum notat diuersas qualitates vrethrae, vesicae ceruicis et vesicae, quas sedulus A. sibi olim notauit, quarumque cognitio Lithotomi maxime interest. In quinto capite rari exhibentur calculi, mirabile naturae productum, calculus crinibus obsessus, calculus calculo inhaerens, calculus vretheri accretus, vti delineationes demonstrant. Sextum caput in originem calculi renum et vesicae inquit, et quibus in regionibus magis sint vulgares. Septimum docet methodum detegendi calculum, digiti et instrumentorum ope, et difficultates indicat, quas saepe in indagine Dom. A. detexit. Octauum varias tractat lithotomiae methodos, simulque quarumdam incommoda tam in ipsa operatione, quam curatione. Maxima huius capitis pars adhibetur, vt Dom. A. demonstret *methodum altam* lithotomiae ante plurimos iam annos incoctam, dein omnino per aliquot annos neglectam et iam denuo adhibitam, licet ab ipso inuentore contemptam, in plurimis multis ob rationes impossibilem, in aliis periculosam, et tandem minus commodam ob difficultates, quas, in vulneris curatione, cum ceteris expertus quotidie est Autor. Dein probatur lithotomiam a Clarissimo *Rauio* inuentam, et a Dom. A. cultam, optimis niti rationibus, tutissimamque esse omnium reliquarum methodorum; praete-

praeterea illos omnes, qui adparatu alto, calculo liberari nequeunt, hac methodo posse curari; vulneris insuper sanandi modum in ea magis commodum aegro, breuiorem tutioremque, et minori cum adparatu fieri. Hinc cuique patet neminem se ignaris committere debere; quaeque sibi methodus sit eligenda. Neminem tamen adparatu alto calculo liberari posse non censet Dom. A. quin statuit fieri posse, sed non in talibus, de quibus ibi quaestio. Verum si instituatur in iis, qui a talibus incommodis immunes sunt, operationem tum diuturniorem, magis dolorificam, periculosiorem, difficilioremque esse, et longiori tempore egere, ut vulneri cicatrix obducatur, quam in ea, quam sibi elegit Dom. A. methodo. Nonum caput continet signa diagnostica felicitis operationis, et quomodo in variis casibus minus secundis, inter operandum se gerere debeat Chirurgus, addendo symptomata quaedam lithotomiam sequentia. Decimum agit de lithotomia in sexu feminino instituenda, et de puella vulgari puerorum methodo, calculo liberata, exemplum annectit. Undecimum vesicae puncturam sistit, eodem loco, quo ad calculum extrahendum Dom. A. incidere solet, ope instrumenti, cuius delineationem Tab. XI. habet, peragendam, quando in vrethrae initio, aut alibi, ibidem loci urinae excretio, calculi non retro pellendi, aut non facile extrahendi, obstaculo, adeo impeditur, ut ne gutta quidem euacuetur, et omnimoda urinae fiat suppressio. Media quoque indicantur, quibus aliquis a vesicae punctura liber manere queat. Vltimum caput docet, quomodo calculus in vrethra, diu aut a breui tempore haerens, urinaeque excretionem omnino, aut partim impediens, extrahi debeat, ubi, quouemodo vrethra optime incidatur, ut fiat euacuatio. Singula haec capita raris operationum exemplis corroborata, et doctissimorum virorum praesentia et autopsia confirmata, lithotomiam a solertissimo Dom. Autore ita excultam probant, ut magna inde elucescat Autoris prudentia et circumspectum iudicium: adeoque permultum ipsi in hac nobilissima arte debeatur. Restat adhuc paucis indicare, quod ipse Dom. A. sub finem praefationis innuit, hanc editionem suarum observationum ex vernaculo sibi idiomate in latinum sermonem versam esse, eaque, quae sentiat, fideliter continere et interpretari.

- I. Diff. de emendatione temperamentorum. Praef. D. D. JO. CHR. STOCKIVS. Resp. JO. WOLFG. HAAG. *Ienae*. d. 7. Apr. 1731. pl. 3.
- II. Dissertatio de Plethora, Praef. D. D. GE. FR. FRANCVS de Franckenau. Resp. JO. DAN. SIEMENS. *Hafniae* d. 9. Maji. 1731. pl. 3.
- III. Diff. inaug. de Matheos in medicina ac praesertim practica vtilitate. JO. GER. WAGNERI *Helmst.* d. 20. Sept. 1731. pl. 8.

COMMERCI LITTERARII

AD

REI MEDICAE ET SCIENTIAE
NATURALIS INCREMENTVM
INSTITVTI

Hebdomas quarta.

Norimbergae a. d. XXIII. JANVARIJ cl. lcccXXXII.

I.



Arisiis accepimus, auctoritate Regia nouam inibi, ad aedes St. Cosmi, d. 17. Decembr. a. pr. fundatam et confirmatam esse *Societatem Chirurgorum*, quae sexaginta iam ornata membris, exterorum quoque studii chirurgici cultorum accessione vltius amplificabitur. Scopus ipsi praefixus culturam obseruationum chirurgico-practicarum potissimum respicit. Expectamus

autem promissam nobis pleniorẽ de hoc instituto relationem: qua fortassis occasione de *Academia* simul *Medicorum*, in praxi cumprimis seu therapia expertissimorum, ibidemque pariter, si nouis publicis fides habenda, recens inaugurata, certiora nobis proferre licebit.

II. *Acta Ernditorum Lipsiae a. 1731. publicata*, sequentes conti-

nent articulos ad physicam et medicinam spectantes. *Mense Januario* recensentur HOMOBONI PISONIS CREMONENSIS, in academia Patauina medicinae practicae Professoris, methodus medendi. *Pa-*

tavii, typis Joh. Bapt. Conzatti; 1726. 4. alph. 2. pl. 9. p. 17. II.

Cours de Physique, hoc est, Cursus physicus, cum pluribus schediasmatis physicis jam ante publicatis, et excerptis criticis ex epistolis LEEUWENHOEKII; autore HARTSOEKERO. *Hagae Co-*

mitum apud Jo. Svvar 1730. 4. chart. aug. alph. 3. pl. 15. Tab. aen. 1.

p. 23. III. Binae consultationes instituti nostri. p. 30. IV. JOH.

FR. SCHREIBERI praemittenda elementis medicinae physico-ma-

thematicae p. 31. Conf. Specim. XIX. p. 150. V. Das Nord- und

Destliche Theil von Europa und Asia; i. e. Pars septentrionalis et

D

orien-

orientalis Europae et Asiae, quatenus comprehendit Russiam omnem cum Siberia et magna Tartaria, descriptione historico-geographica horum et superiorum temporum illustrata a PHILIP. JOH. de STRAHLENBERG, *Holmiae*, sumpt. Aut. 1730. 4^{to}. alph. 2. pl. 15. cum charta geogr. maiori et fig. tab. 21. p. 46. *Mense Februario* VI. Obseruationum meteorologicarum Lipsiensium continuatio, ad A. 1730. Auctore G. F. R. p. 76. VII. Exercitatio Angiologica, et de vasis vertebralibus noua obseruatio; Autore AVG. FRID. WALTHERO, Archiat. Reg. et P. P. Lips. 1730. 4. pl. 2 $\frac{1}{2}$. p. 85. VIII. A nevv-system of the spleen &c. h. e. nouum systema morborum splenicorum, vaporum et melancholiae hypochondriacae: vbi et omnes neruorum morbi, spirituumque deiectiones mechanice explicantur &c. Aut. NICOL. ROBINSONO Doctore Medico, Socioque Collegii medici Lond. *Londini* apud Bettesvorth, Innys et Rivington, 1729. 8^{uo} alph. 1. pl. 4. p. 89. IX. Em. Chr. Loebers gründliche Anweisung zu einer glücklichen Blatter-Cur p. 94. *conf. Spec. VI. p. 44. Mense Martio* X. Osservazioni anatomico fisiche di PIETRO SIMONE ROVHAULT, i. e. PETRI SIMONIS RVHALTI, Regis Sardiniae et generalis militaris chirurgi, Professoris chirurgiae Taurinensis, chirurgi iurati Parisiensis, et Academiae Regiae scientiarum focii, Obseruationes anatomico-medicae. *Augustae Taurinorum*, apud Joh. Franc. Mairese, 1724. 4^{to} pl. 14. X. Reponse di PIERRE SIMON ROVHAULT, i. e. PETRI SIM. RVHALTI &c. Responsum ad censuram a D. WINSLOW, Professore medicinae Parisiensi, et Academiae Regiae scientiarum socio, factum super suum commentarium, de circulatione sanguinis in foetu humano 1728. 4^{to} pl. 19 $\frac{1}{2}$. p. 125. XI. De vena vertebrali obseruationem alteram, prioris supplementum, communicauit AVG. FR. WALTHER Archiater Regius et P. P. p. 126. XII. Histoire de l'Academie Royale des Sciences année 1723. h. e. Historia Academiae Regiae scientiarum, A. 1723. cum commentariis mathematicis et physicis eiusdem anni. *Amstelod.* apud Pet. de Coup, 1730. 12^{mo}, chart. aug. alph. 1. pl. 8. tabb. aen. 19. p. 130. *Mense Aprili* XIII. JOH. JAC. NEVHOLD, &c. de inundatione capitis &c. p. 164. *conf. Spec. XXII. p. 174.* XIV. LAVR. HEISTERI, Med. Doct. et in Acad. Julia Prof. publ. Schediasma de studio rei herbariae emendando, cum Serenissimae Potentissimaeque Domus Brunsvicensis et Luneburgensis iussu professionem botanicam hortique academici curam fusciperet. *Helmst.* 1730. 4^{to} pl. 3. p. 167. *conf. Spec. II. pag. 11.* XV. Eiusdem index plantarum rariorum atque officinalium &c. p. 169. *conf. Spec. IV.*

p. 25. XVI. JOH. THOM. BRINII, Bergomensis, J. C. Philos. et Medic. de spiritibus animalibus, deque iis praecipuis, quae iisdem attributa, in animantibus, siue sanis, siue morboris contingunt, inquisitio physico-medica. *Patavii*, typis Joh. Bapt. Conzatti 1729. 4^{to} alph. 2. pl. 2. p. 173. XVII. G. W. WEGNERI observatio Halonis circa solem, Germendorffii d. 30. Maji A. 1728. facta. p. 178. XVIII. Quatuor irides simul visae Germendorffii ab Eodem d. 21. Aug. A. 1728. p. 180. XIX. M. FRID. OTTON. MENCKENII de vita, moribus, scriptis, meritisque HIER. FRACASTORII &c. p. 198. conf. Spec. XIII. p. 98. Mense Majo XX. MICH. ETTMVLLERI, philosophiae et medicinae Doctoris, in illustri Lipsiensi Academia Professoris ac practici, dum viueret, longe felicissimi ac celeberrimi, opera omnia in V. tomos distributa; Editio nouissima, Lugdunensi locupletior, Francofurtensi auctior, Veneta emendatior, omnium completissima et emaculatissima; textus SCHROEDERI, MORELLI et LVDOVICI integer adiectus; accesserunt notae, consilia, dissertationes NIC. CYRILLI, in Regia Vniuersitate Neapolitana primarii Medicinae practicae Professoris, et regiae Societatis Londinensis socii. Tom. V. *Neapoli* ex offic. typogr. Novelli de Bonis 1728. fol. alph. 38. pl. 5. et tab. aen. 1. p. 229. XXI. Decad. II. Actorum medicorum Berolinensium in incrementum artis et scientiarum collectorum et digestorum Vol. IX. et X. *Berolini*, apud Godofr. Gedickium 1729. et 1730. 8^{uo}. pl. 12 $\frac{1}{4}$. p. 233. Mense Junio nihil. Contenta semestris posterioris proxime sequentur.

III. *Guelpherbyti* solertissimus naturae scrutator D. D. BRÜCKMANNVS, ad continuandas epistolas suas itinerarias sese accingit, publicaturus thesaurum, quem ex variis a se factis itineribus collegit. Epistolarum iam nunc editarum numerus dodecadem explet, totidemque grossis Saxonice venit. I. agit de bibliothecis *Vindobonensibus* praecipuis. *Wolffenb.* 1728. 4^{to} pl. 1. cum tab. aen. II. de chrysocolle *Neosoliensi Hungarica*, pl. 1. III. de bellariis lapideis *Liptoniensibus Hungaricis* pl. 1. cum tab. aen. IV. de quatuor figuratis curiosis rupibus ad fauces *Hercyniae sylvae prope Ilfeldam* 1729. pl. 1. cum tab. aen. 2. V. de templo cathedrali *Viennensi* D. STEPHANO dicato. pl. 1 $\frac{1}{4}$. c. tab. aen. VI. de ouo gallinaceo figurato et terra *Vlrica*. pl. 1. c. t. aen. VII. de figuratis et aliis quibusdam curiosis lapidibus in *Electoreatu Hannonerano* obuiis pl. 1. c. t. aen. 2. VIII. sistit memorabilia *Bambergensia*. pl. 1 $\frac{1}{2}$. c. t. aen. IX. animalia rariora *viridarii Viennensis* EVGENII FRANCISCI, Serenissimi Principis Sabaudensis etc. pl. 1. D 2 X. dif-

X. differit *de terrestri cole. pl. i. c. t. aen.* XI. *de quibusdam figuratis Hungariae lapidibus. pl. i. c. t. aen.* XII. *de gigantum dentibus. pl. i. c. t. aen.* Idem clarissimus A. *Bibliothecam metallicam*, vt et *descriptionem omnium potus generum usquam vsitatorum* bibliopolis offert; quarum illa 16. vel 20. philyras, haec duo ferme alphabeta typis impressa conficiet.

III. *Ex Litteris Dn. Lic. JOH. SAM. CARLII ad D. D. JOH. CHRISTOPH. GOETZIVM.* In aula quadam ducem exercitus podagra decumbentem inuisens, autor ei eram suaeque, vt curam, debitae ac genuinae diaetae habita ratione, potissimum absolueret, ab omnibus medicamentis, anodynis praesertim, tam internis, quam externis, abstinendo. Quibus, vt sole meridiano clarioribus, et experientia suffultis, annuebat. Narrabat autem mihi hac occasione, amicorum quendam, tribunum nempe militum, Moguntiae nuper mortuum esse, postquam curam lacteam in arthritide infixata adhibuerat. Vnde noua mihi suppeditabatur obseruatio, qua curae lacteae difficultatem, et quam caute cum ea procedendum sit, addiscerem, aliosque edocere possem. Aliquot enim abhinc annis cum venerando et ingenuo D. D. BRVNNERO seniore, consultationem habui medicam, vbi inter alia curam suam lacteam magnis laudibus depraedicauit, quippe qua tanto cum fructu per quadriennium iam vsus fuerat, vt podagra, calculus, et haemorrhoides inde cessarent. Non equidem audebam eadem tentare, nec tamen etiam venerandi et experti huius senis experimenta in dubium vocare. Breui autem posthaec accidit, vt leui expiraret dysenteria. Licet vero id curae eius lacteae minus adscribere velim, cum aetas eius iam satis prouecta fuerit; vegeta tamen ipsius senectus aliquot adhuc annos illi polliceri videbatur. Interim celeberrimi clarissimique huius medici exemplo plures alii ad curam hancce subeundam inducti sunt, contrario quamuis cum effectu. Et ex his quoque fuit supra dictus tribunus, qui in florida sua iuuentute, sub armis genio liberius indulgens, non leuem ex arthritide suppressa contracturam quadragenarius incurrebat, parum ab aliis, nisi puluerum absorbentium nitroforum vsu, leuatus. De cura autem hac lactea audiens, totum se illi tradidit, nihil comedendo, nihil bibendo, nisi lac, pauca iuscula et carnes vitulinas. De omnibus quidem monebatur difficultatibus, sed nullae eum deterrebant, quin potius omnes cautelas, cum vsu interposito laxantium, absorbentium, etc. nec non abstinencia ab acidis, exaestuantibus, acribus, crudis &c. rebus, auide eum in finem arripiebat, ne spe sua lactea frustra

straretur. Quandoquidem vero plerumque fit, ut permulti magnorum ac clarorum virorum consilia et exempla sequantur: contrariari quidem decorum medici-politicum dissuasit; omnes tamen praecautiones tacite subnectere studui. Ordinarium itaque dilutioris infusi Thee aut Cafée potum, cum lacte temperari commendavi, unde etiam securo et utili potiebamur effectu. Ut taceam iam, eiusdem securitatis et efficaciae fuisse decocta lignorum, calide, parce, et cum lacte asinino, aut alio, temperata. Non possum non hic commemorare exemplum illustrissimi alicuius Comitis in podagram a maioribus haereditariam proni, cum avus eius admodum adhuc iuuenis ea iugulatus fuerit, quod praecipue cura lactea minus ad votum successerit: unde D. DOLAEVS suis curae lacteae elogiis per multas ab hoc exemplo desumptas cautelas addere debuit. Consultius igitur videbatur, seposita cura lactea, naturam aquis medicatis, purgantibus e diagr. et sim. externe autem saponi philosophico, spirit. vini camph. assuefacere; quieuit quidem sic podagra, at singulis fere mensibus recurrit colica haemorrhoidalis et nephritica, tam atrox, ut mors singulis paroxysmis imminere crederetur. Cum his tenerius hocce et cholericum temperamentum ab omni diaeta vegetabilium retrahere, et carnibus vinoque generoso assuefacere, nitentur; ne scilicet flatulentiae excitarentur, siquidem colicam spasmodicam flatulentam esse putabant. Cuncta autem denique rursus sedata 1) usu interno pulu. et essent. temperant. nitros. 2) quartali laxatione per inf. rhab. senn.; 3) scarificatione in pedibus circa aequinoctia; 4) fotu simplici calido pedum, curatiue ac praeservatiue adhibito; 5) diaeta ac animo temperato; aestuosa, pinguis, acria cum vegetabilibus permutando etc. Sic securam simplicitatem artificii ancipitibus oppono, eoque monstro, partim vile magni quid in se recondere, partim autem falsi remotionem ad verum pandere viam. Sed vnicum adhuc his confirmandis addam exemplum. Multi nimirum nuperrima hyeme obtingebant quartanarii. His miserum equidem, at securum impertiebam solatium: malum hocce ad proximum usque ver patienter ferendum esse. Autumni initium in quartana, verno demum tempore securum eius exitum proferre. Pro incrustando autem hoc consilio adhibebam virtutem in verbis et herbis. Exhibebam quippe, post digestiua et lenia laxantia, pro more meo, amara, praecipue quidem pilulas polychrestas veras, non minus autem etiam infusa, extracta, electuaria, decocta amara. Qui igitur lento sic gradu protrahere sese patiebantur, eorum res, post aequinoctium vernale, in vado erant; caeteri autem medicinam

languidam porrigere et accipere pertaesi, summum mox periculum indurationis abdominis, cachexiae, hecticae, mortis incurrebant. Quaeritur nunc, quamnam ingressuri simus semitam? vtrum lentam ad vitam, an celerem ad mortem? Binis tantum indiuidualibus exemplis rem illustrabo: incidunt in hanc febrem duo fratres germani annorum XL. et L. idque quidem ex animi motibus; medicus mox post digestiua, laxantia, propinat chinam. Febris turbatur, non sistitur; succedit hectica, ascites, mors. Numne credam, solum morbi ordinem eo tetendisse; an potius Chinam promouisse? Quatenus ex his obseruatio frequentior, et attentione dignior? Commendatur igitur merito et commendabitur obseruatio frequens, necessaria, utilis, contra raram curiositatem, et nec necessariam, nec vtilem in obseruatione. *Haec ille.* Notamus autem adhuc, ipsum b. Dn. Lib. Bar. de BRVNN curam suam lacteam descripsisse, multumque laudasse in Act. Phys. Med. Acad. Nat. Cur. Vol. I. Obs. CXXVII. p. 272. *Saponem autem philosophicum* esse tincturam Antimonii cum ol. iunip. saturatam, et leni evaporatione inspissatam; de quo vltius videri poterunt D. D. DIPPELIVS in vit. anim. morb. et medic. p. m. 93. nec non Autores in Specim. nostr. XXXIII. p. 181. iam commemorati.

D. D. GEOR. FRID. GVTERMANNI obseruatio de sero lactis medicato.

Vtilissima sane est methodus, ab Illustri Hoffmanno, quem Deus Oraculum medicum constituit, praemonstrata, acidulas cum lacte remixtas bibendi. Inter eos, qui meis consiliis vsi sunt, aegrotos, hoc anno iterum fuere aliquot, qui Selteranas aquas potarunt confusas cum lacte, et quidem caprillo vel bubulo, quia quadrupedum istud asinorum genus nostra tellus aut vicinia non alit. Quo igitur illis eam aquae soteriae quantitatem, quae praestando sperato effectui par esset, propinarem, atque in iusta copia id boni, quod lac, ambrosinum illud humani corporis tam sani quam aegroti sustentandi atque reficiendi nectar, in se recondit, vnde salubrem suam efficaciam nanciscitur, conferrem, ita tamen, vt potantes nimio acidularum et lactis haustu non obruerentur, simul autem caseosum atque inutile magma arceretur, id consilii inii, vt ad ductum modo laudati, neque vnquam sine honoris prooemio nuncupandi D. D. HOFFMANNI, primo

mo *Lac* in vase terreo leni igne *enaporari*, eiusque dein offae, dum refriguit, destinatam *aquae Selteranae* portionem *affundi*, atque hoc pacto *saccharum* illud *lactis verum* non adulteratum agitando *solvi et extrahi* curavi. Ita libra vna *aquae* huius *lacteae*, siue acidularum Selteranarum *sero lactis* impraegnatarum, constitit non modo ex integra fontis soterii libra, sed et ex aequali, vel, si placuisset, exsuperante, lactis laudabilis portione. Neque possum intermittere, quo minus optimum praedicem effectum, quem eminentius prae reliquis praestitit litterato cuidam viro iuueni, in Imperiali Monasterio V***. Prof. antehac malo hypochondriaco - flatulento, atque arthritico saepissime diuexato, atque admodum infirmato, nunc autem optime valenti. Alias *serum lactis genuinum dulce* impetrare consuevi sine evaporatione, sineque vllius ne minime quidem aciduli additione. Videlicet experimento e culina petito, *lactis* v. gr. *libras duas* in lebete leni igni exponi, et quando iamiam bulliet, *sex vel octo oua* gallinaea addi iubeo, ita sub blando ignis fotu oua cum lactis parte caseosa coeunt, atque sponte secedit ipsissimum serum omne atque dulcissimum. Simplicissimam hancce atque optimam lac coagulandi enchiresin olim mihi innuit Excell Dn. D. ALEX. CAMERARIUS, Prof. P. O. Tubing. Celeb. Quid Gallorum *Lait coupé* sit, cum etiam, quantum noui, non nisi per traditionem constet, modum illud parandi licitum erit adiungere, eumque ab illo, quem edocet Celeb. Dn. D. BOECLER, Prof. P. Argent. in *Cynosura materiae medicae continuata*, p. 794. sub nomine *Lenis Lactis Curae*, paulo discrepantem: Nempe *avenae atque hordei* in *aq. font. lot.* ana manip. *j.* super leni igne coquitur *c. aq. fontan.* *℥ij* ad remanentiam partis dimidiaae. Sic quoque coquuntur *℥ij. lactis*, et dum blande ebullit Lac, *pellicula*, in superficie subinde comparens, toties remouetur, donec vna lactis libra superfit, quae deinde confunditur cum decocto avenae et hordei per linteum colato, atque addito *saccharo*, q. pl. vsurpatur, vti cum sero lactis fieri decet et affolet.

Differtatio physica experimentalis *de igne*, quam Praeside D. D. JOH. JACOBO SACHSIO, Med. et Phys. P. P. Argentor. die 30. Aprilis A. 1731. publice defendit Joh. Phil. Grauel, Argentoratensis. pl. 5.

Cum experimenta, teste experientia, mirandas naturalium corporum vires legesque, (quas sedulo rimari Physici imprimis mu-

munus est) et ex illis pendentes effectus manifestent, celeb. Auctor thema physicum de igne in hac dissertatione proponens, experimentisque illustrans, et hoc sibi dictum credidit. Sequentibus autem illa absoluitur: Primo etymologiam et definitionem ignis exhibet §. 1. Ignem ratione qualitatum diuersimode se habentem, nempe vt calidum et lucidum, considerat, easque experimentis firmat §. 2. 3. 4. 5. Ignem ratione loci in subterraneum et suprater-raneum §. 6. ignem vero viuum in flammam, prunam et scintillam, quae vt species inter se differunt, §. 7. distinguit. Porro varias proprietates ignis actualis, et quidem septem, tradit: prima consistit in summa partium suarum tenuitate, motui celerrimo perquam apta. §. 8. Secunda in leuitate, qua ob eandem tenuitatem minori, quam alia corpora, gaudet pondere, §. 9. Tertia in mobilitate summa, qua ignis non tantum quoad suas partes celerrime mouetur, sed etiam propinqua corpora in similem motum abripit, §. 10. Quarta proprietas est elasticitas ignis, qua idem, modo in minus, mox in maius, volumen rapitur. §. 11. Quinta est vis in illo electrica, qua corpora perquam leuia et igni vicina attrahuntur et repelluntur §. 12. Sexta est calor, qui in organum nostri tactus sensibilter admodum agit §. 13. Septima et vltima proprietas est lux, quae sensationem in organo visus producit §. 14. Denique de causa interna ignis in genere spectati §. 15. et de causa principali externa ignis calidi et actualis, variis experimentis adductis, differit §. 16. Vltimo vero de interitu ignis, sicut de eiusdem ortu, varia per experimenta comprobatur §. 17. et 18.

LIBRI NOVI.

I. Des Herrn ANTOINE tractat von den Augen-Kranckheiten, i. e. D. ANTOINE Chirurghi Regii Gallici in vrbe Merii ad Sequanam, tractatus de morbis oculorum, in quo structura oculi anatomice et physice explicatur, et methodus curandi morbos eius sincere atque perspicue demonstratur. Accedunt variae et curiosae annotationes quorundam membrorum Academiae scientiarum Parisiensis, vt et D. PALFYN, lectoris Chirurgiae Gandauii, de vera constitutione cataractae, vna cum epistola curiosa D. de WOOLHOVSE ad D. PALFYN, et D. DOMINICI ANEL noua methodo curandi fistulas lacrymales; ob praestantiam suam ex gallica et belgica lingua in germanicam translatus, et praefatione, in qua docetur, quomodo atheus theoreticus ex structura oculi conuincendus, et existentia DEI demonstranda sit, auctus. Editus a JOH. TIMME, Med. D. et Pract. Bremens. *Bremae* apud Phil. Godofr. Sauermanni haeredes 1731. 8uo alph. 2. pl. 7. cum fig. aeri incis.

II. Die Religion eines Medici, i. e. Religio Medici, ex gallica lingua in germanicam translata, et praefatione aucta a J. A. R. Med. Doct. *Halberstadii* prostat in bibliopolio Christ. Frid. Schoppii 1731. 8uo pl. 4. et dimid.

COMMERCI LITTERARII

AD

REI MEDICAE ET SCIENTIAE NATURALIS INCREMENTVM INSTITVTI

Hebdomas quinta.

Norimbergae a. d. XXX. JANVARII clb lccc XXXII.

I.



Ndicauimus *Spec. XXXVIII. p. 220.* Botanophilum quendam de publico optime mereri cupidum consilium cepisse de herbariis viuis copiose adornandis et admodum tolerabili pretio comparandis, eiusque mentem vberius ibidem explicauimus. Vtilitas inde vberime redundatura amatores facile praedicebat, neque etiam spes fallebat. Paulo enim post, ex quo institutum hocce publicatum fuit, numerus tunc quidem praefixus possessores suos inuenit. Feliciter sic facto initio exemplaria nunc extraduntur iis, ad quos pertinent. Nostri est quaedam de labore peracto commemorare. Cuius volumini hic praefigitur titulus: *Herbarium vinum recens collectum, in quo centuriae quinque plantarum officinalium a Clariss. materia medicae scriptoribus, ET TMÜLLERO, HERMANNO, SAM. DALE et SCHROEDERO recensitarum, tum et nonnullarum sacris litteris, autoribus classicis, et oeconomico usu celebratarum, singularum magna diligentia, ut luculentiori plantarum cognitioni inservire possint, exsiccatarum, et methodo haftenus probata durabilium redditarum, in natura, quod vocant, repraesentantur. Ulmae apud Dan. Bartholomaei et filium.* Forma est ea, quae dicitur in folio: foliorum numerauimus 183. Quoduis folium ex charta nitida, a tergo caerulescente munita, constat, et comprehendit nunc duas, nunc tres, quandoque plures, si minores, plantas: singulis plantis adiectus est numerus, nomen plantae ex catalogo (de quo mox plura) petendum indigitans: insuper subiecta est schedula, vario hortorum vel agrorum conspectu aeri inciso exornata, pro nomine, si placet, adscribendo. Plantae ipsae satis apte sunt explicatae et in statu naturali

rali, quantum possibile, conseruatae. Concomitatur vnumquodque
 volumen *mantissa botanologiae iuuenilis*, in qua de necessitate, herbaria,
 quae vocant, *viua*, bono publico tradendi, deque ea conficiendi methodo, dilu-
 cide agitur. *Ulmae apud Dan. Bartholomaei et filium 1732. 8. pl. 5. $\frac{1}{2}$.* In
 hac, postquam necessitatem atque praestantiam herbariorum viuor-
 um inculcauit solertissimus A. exponit successum consilii, quod ad
 illa conficienda ceperat, eo quoque spectantis, vt experimentum
 fieret, annon homines non litteratos in auxilium hic vocare liceret:
 quo quidem ipso iam vsu satis spectato, in posterum continuatio-
 nem faciliorem fore cognouit, illique procurandae operam et stu-
 dium suum promittit. Addit praeterea: *varia emtorum intentio et*
conditio in concinnandis nouis istis herbariis non eandem inire iubet rationem.
Qui pauca mole, plures easque non nisi medico, vel oeconomico vsu, vel alio mo-
do singulariter celebratas plantas addiscere volunt, iis extradetur herbarium
viuum plantarum semi-millenarium exhibens, et ex asse illi simile, quod in
commercio litterario l. c. uberius delineatum fuit; idque pretio duorum
florenorum Rhenanorum cum semisse, vel vnius Thaleri cum sedecim grossis
bonis; Qui vero propriis manibus collecta herbaria viua hac occasione saltem
augere cupiunt, ii pro lubitu ex sequenti catalogo, quaecunque suas colle-
ctiones adhuc destituant, plantas, indicabunt, easque singulis plagulis sin-
gulas agglutinatas obtinebunt: tum vero singulae centuriae pretium vnius
floreni erit, vel sedecim grossorum. Millenarii vero, nouem florenorum.
Fere autem opus est, vt pro qualibet centuria plantarum expetendarum,
viginti adhuc supernumerariae praeter illas, nominentur; vt si forte ex il-
lis quaedam interciderint, id harum quibusdam redintegretur. Interim vt
de numero instituendae collectionis certius constet, a primo Februarii ad me-
dium Martii anni 1732. beneuolas expectabimus institutum hoc amantium
subscriptiones, praenumerato simul supra indicato pretio: Sicque eo, quo
par est, optimo adhibito studio, exemplaria vel herbariorum viuorum fa-
sciculi in fine Septembris eiusdem anni, adiuuante Deo, suis extradentur lo-
cis. Portoria vero tum litterarum, tum librorum istorum causa expendenda,
solicite suscipiant emptores omnium ordinum honoratissimi; quibus non dee-
runt amici et Patroni, quos huius instituti causa adire, ab iisque tesseras
accipere poterunt. His l. c. indicatis, etiam addit Dn. Dan. Bartholo-
maei et filium, bibliopolas Vlmeneses celebres. Quibus praemissis ex-
hibet Cl. A. catalogum ipsum alio tempore locupletiolem edendum.
Praesens vltra mille continet plantarum species, quarum nomina
suos simul indicant autores. Hunc sequitur methodus conficiendi
herbaria viua, qua tempus colligendi plantas, modus easdem exsic-
candi, agglutinandi et conseruandi docetur. Vltimo monet, no-
 mina,

mina, licet apta satis, ex arbitrio tamen danda non esse, sed semper consueta scriptoris cuiusdam Botanici celebrioris appellatione praecise utendum. Qui secus facit, is stupendum synonymorum plantarum numerum perperam auget, nouumque nouo in pinace locum ambitiosus petere, vel ei similis esse videtur, qui lingua vel idiomate omnibus ignoto locutus sit; praeterquam cum planta describenda noua, vel inter nouas et iam descriptas summe ambigua vocari possit. Ex litteris Cl. Autoris addimus mantissam supra memoratam seorsim venalem pro 7½. crucigeris vel 2. grossis saxonis, Botanologiam vero iuuenilem ipsam, in Specimine saepius citato nostro promissam, nondum esse absolutam.

II. Ex Litteris Dom. Lic. J. S. CARLII, ad D.D. GOETZIVM: Occasione Speciminis vestri XXIII. n. i. et ego oleo talci, per oleum vitrioli dulce et rectificatum extracto, aliam adhuc originem, quam ipsum oleum vitrioli, assignarem, spiritum nempe vini, qui est mixtura ex aqua et oleo. Interueniente acido et sale mixtio haec diuellitur, et oleum secedit. Chymia Stahliana haec fundamenta, et experimenta edocet et demonstrat. Ergo oleum hoc neque e talco, neque ex oleo vitrioli, sed e spiritu vini rectificato, qui est aqua oleosa, prodit. Conf. D. D. G. E. STAHL Experim. Observat. Animadu. chym. et phys. §. LXXV. p. 105. seqq.

III. Ex Litteris Dom. Lic. CHRISTIAN. FRID. JOERDENS Curiae Variscorum a. d. 1. Nouembr. 1731. ad Eundem scriptis: D. D. GEELHAVSEN in Specimine Commericii Litterarii XI. p. 85. mediante menstruo, ab illo sic dicto, Beeriano e talci pinguis puluere oleum talci verum parare docuit. De successu promisso statim dubitavi. Duo enim extrema sine medio nullam veram ineunt coniunctionem. Insuper in memoriam rediit, menstruum illud solum et sibi relictum in se oleum continere. Elaboravi vtrumque, illud nempe a D. D. GEELHAVSEN descriptum, et pro oleo talci vero habitum, et illud e solo menstruo, vel spiritu subtilissimo, digestionem et abstractionem mediante, obtinendum. Absolutis laboribus, hoc priori oleo per omnia simillimum deprehendi. Quare olei talci nomen ipsi tribui nequaquam potest. Hanc veritatem cuius diligenter facta praeparatione inueniet. Si Deus vitam et otium concedet, imposterum quaedam de mirabili illo menstruo aut spiritu, et quae circa olei talci praeparationem tentavi, communicabo.

Definitiones plantarum, quum summis auspiciis Serenissimi ac Potentissimi Principis ac Domini, Domini FRIDERICI AVGVSTI Regis Poloniarum et Electoris Saxoniae, Domini sui clementissimi, Africam occidentalem versus iter fusciperet, gratiosae Facultatis medicae indultu, Lipsiae d. 22. Aug. 1731. discipulis suis exhibet, perennem sui memoriam esse cupiens JOH. ERN. HEBENSTREIT, Neostad. Variscus, Phil. ac Med. D. Acad. Caes. Leopold. Cur. Socius, Respondente itineris comite, CHRISTIAN. AVG. EBERSBACH Schlesvvigo-Holf. Med. Stud. *Lips.* Litt. Joh. Christ. Langenheimii, 4. pl. 5¹.

Iucundum aequè ac vtile, imo necessarium est, diuitias naturae perlustrare cupienti, ut ordine quodam procedat. Hic sane hodegus est ille fidelis, qui nostris temporibus tot tantosque detexit thesauros, a veteribus praeteruisos. Memoriam hinc sempiternam merito consequuti sunt isti Viri, qui non tam sibi ipsis, quam etiam aliis, eundem compararunt. Hos inter non vltimum locum occupabit Cl. A. noster. Quatuor ferme praeterlapsi sunt anni, ex quo idem pari eruditione, dissertationem physicam, *de ordinibus conchyliorum methodica ratione instituendis*, Lipsiae quoque ventilauit, eaque *conspæctum genericum conchyliorum Horti Caspar-Bosiani* simul publicauit. Hocce specimine definitiones plantarum, ad euitandum homonymiae et synonymiae cacoëthes, firmare conatur. §. 1. pag. 3. *Definitio plantarum ipsi est actio mentis in plantam quamcunque obuiam, qua, cognito charactere, qui plantae uni soli et semper inest, illa, cum congeneribus coniungitur, a disgeneribus separatur, donec per scalam generum summorum, mediorum et infimi, peculiari aliquo et separato ab omnibus reliquis loco stare, et proprio suo generico nomine gaudere possit.* Difficultatem autem agnoscit, qua significantes apte terminos et notiones sat luculentas, de quarum valore inter plures constet, inuenire vix licet, indeque defectum deducit methodorum hactenus conditarum; attamen, ne omnibus viribus maius hoc opus esse videatur, tentamine aliquo; in notioribus generibus facto, exemplum parare decreuit. §. 2. p. 4. 5. Ipsas diuersas Auctorum methodos examinare supersedet Cl. A. quia in dissertatione *de continuanda*

nuanda RIVINORVM industria, in eruendo plantarum charactere, sub Praesidio Excell. LISCHWIZII habita, id fusius ab ipso actum fuit. De eo etiam conueniri inter plures arbitratur, floris primam esse debere in planta definienda considerationem, imo omnium eius partium, deinde fructus, et florendi modi, in corymbo scilicet, thyrso etc. et paulo post perianthii, et si qua alia fuerint, dummodo non extra floris et fructificationis limites sint: euitanda vero, quantum fieri potest, esse, quae ex habitu externo petuntur, signa. §. 3. p. 5-7. Hisce praemissis, per exempla rem ipsam clariorem reddit, et quidem primo genera summa seu classes ex floris compositione definit, deinde genera media seu ordines ex fructus fabrica diuersa constituit, tandemque genera subalterna et infima ex floris figura (terminis TOVRNEFORTIO vsitatis in monopetalis exposita) situ ac reliquis signis euoluit: vbique vero herbas et arbores simul, et quidem tabularum quasi forma, proponit. Quum autem non nisi ipsa connexio sufficientem ideam systematis a cl. A. propositi suppeditare valeat, summa tantum genera indicare, reliquarum vero specimen, particula aliqua cuiusdam tabulae transcripta, exhibere licitum erit. Incipit cl. A. §. 4. p. 7. ab ordine plantarum flore perfecto seu petalode, regulari, simplici, monopetalo. Sequitur §. 5. p. 11. ordo dipetalorum, quem ex nostratibus *Circaea* tantum atque *Stellaria aquatica* componunt. p. 12. maiorem paulo copiam comprehendit ordo tripetalorum, ad quem condendum inculcat hos neque cum hexapetalis neque cum stamineis esse confundendos. §. 6. p. 13. ad tetrapetalos progrediens, monet cl. A. difficultatem, quam monopetali quadrifidi, florem perfecte tetrapetalum mentientes, aliquando hic struunt, ex integritate fundi esse diiudicandam. Particula tabulae huius ordinis speciminis loco esto:

I. Semine nudo vnico, floribus in spica compacta, *Sanguisorba*; in spica laxa, flore herbaceo, *Passerina*; flore in summitate confertim herbaceo, *Alchimilla*.

II. Seminibus quatuor nudis, flore in spicam collecto, *Potamogeton*; verticillato, *Fontinalis*; solitario, *Tormentilla*.

III. Seminibus pluribus nudis

pappescentibus, flore in summitate confertim posito, *Flammula*; solitario, *Clematis*; solidis, *Thalictrum*.

IV. Capsula simplici &c. &c.

§. 7. pag. 16 proponit pentapetalorum ordinem, quem TOVRNEFORTIUS lubricis atque incertis passibus cum dipetalis, tripetalis, nonnullisque tetrapetalis, promiscue termino rosaceorum, tradidit. §. 8.

pag 19 ad hexapetalos proueniens, sententiam suam de plantis numero quandoque petalorum variantibus exponit, et leuem hanc anomaliam ad circulos turbandos haud sufficere, iudicat. §. 9. pag. 21. de polypetalis agit, omnesque numerum petalorum senarium transcendentes huc refert, et Dom. Autori ceteri, qui termino hocce in doctrina de tripetalis, tetrapetalis, pentapetalis et hexapetalis vtuntur, praecoci nimis saltu progredi velle videntur. §. 10. p. 22. *Plantas flore composito* aggreditur cl. A. Duo requiri, iudicat, ad floris compositi indolem: 1) perianthii communis praesentiam, 2) proprii absentiam. Alii componuntur ex *meris flosculis*, alii ex *petalis et flosculis*. Priores vel ex diuersi generis elementis fiunt, *flosculis scilicet irregularibus seu semiflosculis* radium, *flosculis regularibus* vero discum occupantibus: vel vnus generis partes agnoscunt, quas vel ex *regularibus*, si discus sit nudus, vel ex *irregularibus*, si flos sit excauatus, tantum fieri addiscimus. Tabulae horum §. 10. 11. 12. p. 22. - 27. exhibentur. Pag 26. seorsim annotatur flores ex flosculis irregularibus seu semiflosculis tantum compositos concuam; eos vero ex flosculis irregularibus, propriisque suis perianthiis instructis, conflatos, conuexam exhibere figuram, hincque facile integrum hunc ordinem in *classem florum concuorum et conuexorum* diuidi posse. Sed maluit cl. A. vere compositis suum seruare honorem, reliquis vero alium destinare locum. §. 13. p. 27. *flores ex petalis et flosculis compositos* recenset, quorum etiam, secundum RIVINVM, refert *Aconitum hyemale*, *Helleborem*, *Nigellam*, atque obiectionem TOVRNEFORTII remouet. *Nymphaea* an hic, vel inter polypetalos simplices, sit recensenda, dubius est; posterius tamen ei magis arridet. §. 14. p. 28. nouum ordinem condit cl. A. pro iis floribus compositis, quos *conuexos* appellari posse superius indigitauit, *aggregatos* vero nominare maluit, eosque definit, quod perianthio communi gaudeant, et in eodem thalamo quiescant, adeoque floris compositi indolem ingeniumque assequantur. Refert huc *Sphaerocephalum*, *Globulariam*, *Dipsacum*, *Succisam*, *Scabiosam*, *Eryngium*, *Staticen*. §. 15. p. 29. sequuntur *plantae flore irregulari*. Explicato irregularitatis termino, addit cl. A. *sicut non nisi simplices existunt, qui irregulares audiunt flores; ita et quotquot existunt, ultra hexapetalum numerum non excurrunt*, eo quidem ordine, vt monopetalorum classem, plantae verticillatae; tetrapetalorum, papilionaceae; pentapetalorum, umbellae maiorem partem expleant, dipetalo, qui iam inter regulares pauperrimus erat, hic penitus exspirante; sicut tripetalos praeter *Polygalam* et *Tradescantiam* (sic appellat *Ephemerum Virginianum repens Hermannii*) nulla est, hexapetalorum classe pauciora

genera comprehendente. Haec §. 16. 17. 18. 19. fusius explicat, tabulisque illustrat, speciatim vero §. 18. affirmat: *non alia ratione aut posse aut debere novas species umbelliferarum suis generibus subordinari, quam facto ex seminum figura iudicio, post cuius considerationem et flosculorum duplicis generis in eadem umbella, et perianthii ratio haud parum valebit.* §. 20. p. 42. in conspectum producuntur plantae flore imperfecto, *stamineo et amentaceo.* Agrostographiam, quae huc pertinet, intactam relinquere, quam mutilam tractare, eique alios circulos destinare maluit. §. 21. p. 44. agmen claudunt plantae, quae flore carent non fructu, et quae utroque destituuntur. Priores constituunt plantae *epiphyllispermae, Lunaria, Osmunda, Ophioglossum, Musci*; posteriores *Lichenes et Fungi.* Sed quum posteriorum ita late pateat ordo, abstinere, quam iliada in nucem cogere iterum maluit cl. A. Finem facit Epilogus. Haec pro generali tractationis conspectu sufficiant. Ex iis, quae cl. A. hinc inde in specie annotauit, potiora adhuc exhibebimus. Pag. 8. *Althea, Alcea, et Malua* a se inuicem distinguuntur, quod prima sit ad alas florida, secunda et tertia in summitate, illa laciniis ambesis, haec bifidis. P. 9. adiudicatur *Apocyno* flos planus, in medio quinque corniculis ornatus et reflexus: adeoque diuersum nomen mereri videtur *Apocynum* quod flore est *conuallium seu campanulato.* Characterem *campanulae* constituit flos *campaniformis* intus pilosus, capsula in tres fenestras per maturitatem hians. Secessum adeoque faciunt a *campanulis* medium, cuius capsula est quinquepartita; *Pentagonia*, quae flore est planiore; *Pyramidalis*, ob modum florendi; *Trachelium*, ob florem vere irregularem. pag. 10. *Abutylu Auicennae* adscribitur capsula multipartita corniculata; *Abutylu Ricini* folio vero capsula multipartita, intra calicem delitescens et compressa. Additur: non leuis est haec differentia, nouumque nomen imperabit. p. 18. *Spiraeam Hyperici* folio generice differre a *Spiraea Theophrasti* iudicatur, quia haec flore spicato, illa ad alas posito, gaudet. P. 20. *Narcisso-Lencojum syluestre* petalis notatur vnico ordine dispositis; alterum *triphyllum* dictum, flore coronato: dubii fortasse et hoc nomine characteris futurum. *Ibidem* occurrit *Ornithogalum*, flore non deciduo signatum. Quum vero praeter *spicata* alia sint *umbellata*, dubium mouetur, vtrum hoc ipso nomen mutatura? p. 21. distinguitur flore solitario, seminibus in conum collectis, *Adonis*; in discum positis, calyce tripartito, *Hepatica*: multipartito, *Ficaria*; calyce absente, *Nemorosa, Anemone*, vix dignae, vt nomine differant. p. 23. dignoscitur calyce squamato, disco conuexo, *Bupthalmum*; disco plano, *Chrysanthemum*; a quo semine lunato *Calendula*; alato *Caltha africana*;

cordiformi *Bellis capitis bonae spei* differunt. p. 24. de *Chironiae seu Centaurii maioris* flore radiato quaedam monentur. *Ibidem Asteri* semiflosculi integri; *Jacobaeae* trifidi, adiudicantur. p. 25. *Conyzae* species subdividuntur; et, quum TOVRNEFORTIVS *Balsamitam Tanacetii* speciem merito fecerit, non dubitatur *Matricariam discoido* eodem iure illuc pertinere. p. 32. *Nepethae* verus character describitur ex spica verticillata plurima, ex semi-verticillis facta, barbae medio lobo excavato et denticulato: *menthae* quoque species *verticillatae* ab illis *spicatis* separantur. p. 33. *Lathyri* flore solitario, ab illis qui in *spica* florent, separantur. p. 41. quinque petala galeam, sextum barbam quadripartitam constituunt in *Orchidibus*; sextum barbam in calcar desinentem in *Satyriis*. Plura addere spatium prohibet.

LIBRI NOVI.

I. Syllepsilogia historico-medica. h. e. Conceptionis muliebris consideratio physico-medico-forensis, qua eiusdem locus, organa, materia, modus in atretis seu imperforatis, item signa et impedimenta, deinde didymotokia seu gemellatio, superfoetatio, et embryotokia; et denique varia de graviditate vera, falsa, occulta et diuturna, nec non de grauidarum privilegiis, animique pathematis et impressione, raris et curiosis observationibus traduntur a D. MART. SCHVRIGIO. Physico Dresdensi. *Dresdae et Lipsiae* sumtibus b. Christoph. Hekelii fil. 1731. 4to alph. 3. pl. 16.

II. CHRIST. GODOFR. STENZELII, Torgauensis, artis salutar. et philosophiae Doctoris Facult. med. assessoris et chirurgiae in academia Vitembergensi Prof. publ. Medicina theoretico-practica, aphorismis in usum auditorum suorum comprehensa. *Francos. et Lips* impensis Gottl. Henr. Schvvarzii 1732. 8vo alph. 1 pl. 2.

III. Oeuvres philosophiques ou Demonstration de l'existence de Dieu, tirée de l'art de la nature, dans la premiere partie: et dans la seconde, des preuves purement intellectuelles, et de l'idee de l'infini meme. Par feu Messire FRANCOIS de SALIGNAC DE LA MOTTE FENELON Archeueque, Duc de Cambrai &c. nouvelle edition, où l'on a joint les lettres du meme Auteur sur divers sujets concernant la Religion et la metaphysique et les sermons. *Amstelod. apud Zach. Chatelain* 1731. 8vo. Tom. I. alph. 1. pl. 1. Tom. II. alph. 1. pl. s. i. e. *Archiepiscopi Cameracensis FENELONI opera philosophica seu demonstratio Existentiae Dei &c noua editio.* Quum prima pars ex physicis potissimum rationibus demonstrationes colligat, mentionem huius tractatus facere, a scopo nostro haud alienum esse censuimus.

IV. Dissertatio inaug. de harmonico morborum nexu, Praef. IVO. JO. STAHLIVS, Respond. JOH. MART. HERMISCH. *Erford* d. 18. Jan. 1731. pl. 4.

V. Dissertatio inaug. de infarctu pulmonum Praef. LAVR. THEOPH. LVTHER, Resp. MART. WILH. KOCH. *Ibid* d. 21. Febr. 1731. pl. 3. cum dimid.

VI. Dissert. inaugur. de medicina simplicissima summae efficaciae. Pr. FR. HOFFMANNVS, Resp. LVC. THEOD. PYL. *Halae Magd.* mens. Mart. 1731. pl. 5. cum dimid.

COMMERCI LITTERARII

AD

REI MEDICAE ET SCIENTIAE
NATURALIS INCREMENTVM
INSTITVTI

Hebdomas sexta.

Norimbergae a. d. VI. FEBRVARII clb lccc XXXII.

I.



X litteris *Petropoli* scriptis edocemur, D. D. JOH. FREDR. SCHREIBERVM itinere, quod in *Rus-*
siam suscepit, (*vid. Spec. XXVII. p. 209.*) con-
fecto, saluum et incolumen *Rigam* peruenisse,
vbi medicum primum agat Praetorii militaris.
(*Stabs-Medicus der dasigen Russischen Armee.*)

Ante vero quam illuc aduentarit, nouam ipsi,
Petropolim transeunti, honoris dignitatisque factam esse accessio-
nem. Nam aliquamdiu hic commoratum ab illustrissima, quae ibi-
dem floret, Academia scientiarum in amplissimum sociorum ordi-
nem receptum, et Professoris Honorarii titulo cohonestatum esse.
Atque hac illam occasione, specimen aliquod eruditionis et doctri-
nae suae non vulgaris editurum, suas de corpore et motu institutas
meditationes in conuentu Academico praelegisse; quas, typis post-
modum exscriptas, hunc prae se ferre titulum: JOANNIS FRE-
DRICI SCHREIBER, *Regiomontani, corporis et motus consideratio. In-*
stituta coram Academia scientiarum Petropolitana, cum III Nonarum Octob.
MDCCXXXI. in eandem reciperetur. pl. 3. Eaedem porro litterae
spem confirmant, quam de continuandis elementis ipsius physico-
mathematicis medicinae specimina nostra loc. cit. faciunt; asserunt-
que fore, vt nouus eorum tomus propediem luci publicae sistatur.
Indidem expressis verbis significatur, quod *Spec. XIII. p. 97.* innue-
ramus, eundem Virum celeberrimum in eo nunc esse, vt D. D.
FRID. RVYSCHII, Anatomici et Botanici apud Batauos Principis,
et sui quondam Praeceptoris, vitam memoriamque debitis laudi-
bus

bus prosequatur, et posteritati commendet, recensendo paulo fusius, quae ad vitam eius animique mores, tum et merita in vniuersam rem medicam praeclarissima, pertinent.

II. *Hala Saxonum* refertur a. d. 24. Decem. a. p. Dom. BENI. SAM. KNOLLIVM, Med. Candidatum, qui curandis aegrotis in orphanotrophaeo huc vsque praefuerat, abhinc profectum esse cum Dn. JOH. ERN. GEISTERO, Missionario Madrasensi designato, Tranquebariam scilicet petiturum, ut munere Medici missionis S. R. M. Danicae iussu fungatur, loco b. Dn. Lic. CASP. GOTTL. SCHLEGELMILCHII, qui mens. Nouemb. anni 1729. illuc abierat, anno autem 1730. breui post suum aduentum ibidem exspirauit.

III. Diarii litterarii, quod *Bibliothèque raisonnée des ouvrages des Savans de l'Europe* dicitur, *Amstelodami* apud Wetsteins et Smith impressi, Tomus VI. eiusque *Pars prior*, ea complectens, quae mensibus *Januario, Februario et Martio*, *Ann. praeter. 1731.* a clarissimis instituti huius Autoribus et Collectoribus recensita sunt ex omni eruditionis genere prostantia scripta, inter alia haec habet, ad medicinam et physicam facientia: et quidem Articulo quarto: DANIELIS VINCK Med. Doct. *amoenitates philologico-medicas etc. Traiecti ad Rhenum* apud Guilielmum Croon. *Conf. Commerc. litter. nostri Spec. VII. p. 53.* Articulo septimo *Historiam medicinae a rerum initio ad annum urbis Romae DXXXV. deductam*, studio JOH. HENR. SCHVLZII, Med. D. et P. P. Altorf. Acad. Nat. Cur. Collegae. Accedunt Tab. aen. Chronologica et indices. *Lipsiae* ap. Petr. Conr. Monath. 1728. in 4. pag. 437. Articulo octauo continentur JOHANNIS CAII, Britanni, *de canibus Britannicis* Liber vnus. *De rariorum animalium et stirpium historia*, liber vnus; de libris propriis, liber vnus; de pronunciatione graecae et latinae linguae, cum descriptione noua, libellus; ad optimorum exemplarium fidem recogniti à S. JEBB. M. D. *Londini*, impensis Car. Davis, in Vico, vulgo dicto Pater-noster-Rovv. 1729. 8uo. pag. 249. Accedit epistola dedicatoria et index. *Pars posterior*, quae *Aprilem, Majum et Junium*, comprehendit, nihil de iis tangit, quae ad forum nostrum spectant.

IV. In alio Diario litterario, sub titulo *Bibliothèque Italique*, *Genenae* apud Marcum Mich. Bousquet et socios prostante, eiusque Tom. IX. qui Acta litteraria, Mensibus *Septembri, Octobri, Nouembri, Decembri*; An. 1730. complectitur, Articulo quarto legimus

gimus continuationem dissertationis epistolaris a Comite quodam Anonymo, de charactere Italorum conscriptae; quam hic indicare, Lectoremque beneuolum eo ablegare placuit, eam ob causam, quod Excellentissimus Autor, quum Italiam in omni litterarum atque studiorum genere cultam in hoc scripto perlaudat, eum quoque ordinem tetigit, qui Medicorum est; hincque omnes, qui de physica, medicina, botanica, anatomia, chymia, praeclare meriti sunt, eruditos viros, suis quemque encomiis nominauit; quorum egregia scripta et edita, Clar. huius diarii Collectores in commentariis suis adiectis, fusius enarrant; vt videre licet p. 206. seqq.

D.D.ERN. GOTTH. STRVVII obseruatio de sudore
*particulari mediam abdominis regionem instar zonae ad pal-
 mae latitudinem perfundente.*

Vir ex illustrissimo stemmate XXVIII. forte annorum, tenerioris et imbecillioris corporis habitus, de incontinentiae vrinae quadam specie, ad diabetem fere accedente, conqueritur. Scilicet diutius protracto prandio detentus, etiamsi modice biberet, ad inuoluntarium vrinae effluxum praecauendum saepius sese surripere cogebatur. Nulla suspicio calculi, vel renis, vel vesicae, nulla hypochondriorum labes, atoniae sphincteris vesicae, vel viarum vrinariarum, causam solummodo in veneris frequentius exercitium reuicere poterat. Quippe iuuenulam vigorosam ante biennium in matrimonium duxerat, et proli masculae fuscipiendae intentus omnes veneris intendebat neruos. In consilium vocato succurrebat memoriae vsus *tincturae cochinillae*, quam antea in binis casibus incontinentiae vrinae, aliisque vrinae vitiis, proficuum expertus fueram. Commendabam hinc eam eo cum successu, vt vix 4. et 5. elapsis diebus vrinae fluxum ordinarium, et vires in ea retinendo redintegrales cum emolumento, laudaret illustr. Patiens. Sed en nouam querelam! Succedebat in media regione abdominis profusissimus sudor, ad palmae latitudinem in statione illam ambiens, reliquis corporis partibus plane siccis. Inusitati symptomatis nouitate commotus aeger grauiora metuebat, eandem vero tincturam vt continuaret, auctor fui suaorque, quae etiam illud incommodum, intra aliquot dierum circuitus felicissime leuabat. Si coniecturae locus est, retrogradum humoris serosi, per vrinarias vias frequentius extra voluntatem effluentis, cursum ad emulgentes venas, roboratis per tonicas vires co-

chinillae vreteribus deflexisse, illisque immodice distentis, et venae cauae in dorso, et arteriae descendentes truncum obruisse, eoque profusorem in ea regione sudorem excitasse, suspicor, qui deinde successiue per continuatum usum cochinillae, repressus fuit et leuatus. De sudore particulari in variis partibus corporis, in fronte, naribus, dorso, pectore, manibus, pedibus, vel etiam in vno tantum latere, variae apud auctores leguntur historiae, sed quae cum allata conueniant, nullae sese annotationi meae exhibent. Alias etiam erysipelatis sub zonae vel ζώνης nomine extant exempla, periculosis semper euentus allegata. Ante aliquot fere annos in matrona generosa 60. annorum illius typum obseruare licuit, datis lenioribus temperantibus pulu. et essentia alexipharm. intra octiduum optatissimo successu curati.

Miscellanea physico-medica-mathematica, oder angenehme, curieuse und nützliche Nachrichten von ic. Miscellanea physico-medico-mathematica, siue relationes iucundae, curiosae et vtilis historiarum physicarum et medicarum, nec non eo pertinentium technicarum et litterariorum, quae mensibus hyemalibus et vernalibus Anni MDCCXXVII. in Germania aliisque regnis contigerunt aut innotuerunt: exhibentes 1) breuia quaedam diaria meteorologica: 2) prolixas relationes de morbis tempestatum in hominibus et brutis: 3) constitutionem agri et vegetabilium: 4) varias observationes utiliores medico-practicas, physicas, anatomicas, et similia, juxta cum notabilioribus phaenomenis naturalibus animaduersis: 5) inuenta noua physica, medica, mechanica, optica, aliaque vtilia; ac denique 6) litteraria quaedam medica et physica. Cuncta accurato, quantum fieri potuit, ordine et connexionem, cum subiunctis inter ea reflexionibus, e commercio multiplici epistolico et relationibus virorum eruditorum, communicatis, collegit et edidit D. ANDREAS ELIAS BÜCHNER, Instit. Med. Prof. Publ. Facult. Med. Asses. Extraord. et S. R. I. Acad. Nat. Cur. Collega. Trimestre I. et II. An. 1727. Erford. typis et impensis Caroli Friderici Jungnicol, 1731. 4to.

Eorundem menses aestiui et autumnales, siue Trimestre III. et IV. An. 1727. *Ibid.* apud eund. alph. IV. pl. IV. Fig. aen. Tabb. IV.

Prodiit primo Vratislaviae hoc vtilissimum sane institutum ann. 1718. sub titulo: Collectanea historiarum physicarum et medicarum, eoque pertinentium technicarum et litterariarum; initium faciens a mensibus aestiuis et autumnalibus anni 1717. et in trimestria, sub nomine tentaminum, diuisum, quorum quatuor singuli anni continent. Primus autem eius Autor fuit b. D. D. JOH. KANOLDVS Vratislaviensis, cum sociis primum D. D. JOH. GEORG. BRVNSCHWITZIO et D. D. JOH. CHRISTIAN. KVNDMANNO, Vratislaviensibus Medicis; dein autem solus illud continuauit vsque ad tentamen XXXVII. seu Trimestre An. 1726. aestiuum, vbi morte praematura praeuentus, reliquas operas perficiendas et continuandas reliquit D. D. ANDR. EL. BÜCHNERO. Hic non solum Tentamen XXXVIII. seu Trimestre autumnale An. 1726. addidit An. 1730. sed nunc etiam residuos adhuc annos intra breue temporis spacium se editurum, indicem etiam vniuersalem in omnes antecedentes propediem exhibiturum, promisit, vt cum pluribus aliis instituti sui rationibus videre licet e praefatione tentamini dicto praefixa, quas vltius schediasmatibus peculiaribus impressis explicuit, et nos fusius retulimus in *Specim. nostro XV III. n. I. p. 137. XL II. n. V. p. 333. et LI. n. III. p. 403.* quo B. L. remittimus. Ad quae tamen sub huius recensiois finem vnicum adhuc monebimus. Plenariam interim in hoc opere contentorum, eorumque ordinis, sciagraphiam, pandit ipse titulus; farrago autem materiarum in eo obuenientium prolixior, quam angustum nobis praescriptum spacium permittit, requireret recensioem. Pauca proinde momenta, notatu dignissima nobis visa, tantum delibabimus, et denique elenchum virorum eruditorum, symbola sua huc conferentium, subiungemus. Sic *Pag. 1.* proponitur D. D. JOH. HIER. KNIPHOFII consilium de obseruationibus aërometricis ex accurata instrumentorum conspiratione imposterum emendandis. *p. 34.* notatur tumor cruris dolorosus, incongruo regimine et vomitorio lethalis euadens. *Pag. 37.* efficacia insignis oxyfaliū in febribus, quae iam in *Act. med. Berol. dec. II. Vol. V. p. 26.* laudantur. *Pag. 38.* Fractura sterni in annosioribus feliciter curata. *P. 46.* Cephalaea atrox hypopio soluta. *Pag. 47.* Spasmi pedum et manuum, cum lipothymiis hae-

morrhoidibus erumpentibus cessantes. *Pag. 48.* periculosa contusio
 pectoris, cum fractura costarum et claviculae, curata. *P. 57.* Marga-
 rita peregrina prope Coburgum reperta, e communicatione D. D.
 DONAVERI, a quo similis alia in Vogtlandia inuenta recensetur
Spec. nostro VII. n. II. p. 51. *Pag. 89.* Perutile monitum de ventila-
 tionibus sanguinis post leniorem hyemem non semper ad aequino-
 ctium usque differendis. *Pag. 89.* Tumor maxillae saepius recur-
 rens a maxilla per euulsionem dentis imprudentem laesa, et faucium
 collique tumor inflammatorius insignis in abscessum terminatus et
 curatus. *P. 90.* Vomitus quorumvis assumptorum octennis, a febre
 per electuar. chinat. suppressa, ortus, sublatus. *P. 91.* Febricitans
 delirans absque noxa insigniter refrigeratus. *P. 92.* Diarrhoea per
 totum decursum variolarum innoxia. *Pag. 94.* Febris tertiana tu-
 more doloroso indicis manus sinistrae in vetula soluta. Radicis Asari
 in febris quartana effectus multoties confirmatus. *Pag. 95.* Dysen-
 teria mense Februario. *P. 101.* Febris mesenterica inflammatoria
 lethalis in virgine, in qua hymenis existentia *p. 103.* confirmata.
P. 104. Febris polymorpha. *P. 106.* duplex secundina in gemellis
 duplicis sexus. VStio in pede in grauida graciliori ter in tribus ge-
 stationibus successiuis innoxie adhibita. *P. 125.* Grauida Erfordien-
 sis per aliquot menses nihil, vel perpaucum esculentorum et potu-
 lentorum assumere valens; similis ab omni alimento humido absti-
 nentis vid. in *Specim. nostr. XXVIII. p. 222.* *P. 152.* Pulvis anthel-
 minticus polychrestus. *P. 158.* Lethargica sexagenarii somnolen-
 tia pedum tumore, furunculis, et erysipellate per metastasin soluta.
P. 169. Intumescencia testiculi scirrhusa e sinistra febris medicatione.
P. 170. Partus duodecimestris. *P. 182.* Cura sympathetica peculia-
 ris. *P. 256.* calculi in naribus et sub lingua geniti et excreti. *P. 278.*
 Dysenteria mense Majo. Signum peculiare diagnosticum laesi
 cranii in vulnere frontis. *P. 293.* Tussis epidemica ferina infantum
 emeticis et anthelminticis curata. *P. 347.* Cinnabaris nativa in-
 signe expectorans. Efficacia essentiae galegae in tussi conuulsua,
 epilepsia, et promouenda excretionem purpuracea. *P. 349.* Purgan-
 tia post Febr. cessationem noxia. *P. 353.* VStio iuniorum utilis.
P. 407. Vermis per herniam intestinalem, pro apostemate habitam,
 prodiens. *P. 426.* Infusum foliorum vaccinii foliis subrotundis, non
 crenatis, baccis rubris, in affectibus pectoris perutile. *P. 436.*
 Calculus vesicae grandior ex vlcere vesicae feliciter autocratice ex-
 trusus. *P. 461.* Tabes lethalis e constrictione oesophagi. *P. 467.*
 Pluuia antecedens ouula erucarum fouens. *P. 522.* Gargarisatio
 repe-

repetita cum spiritu frumenti aquoso in principio congestionum et inflammationum anginodearum faucium efficax. *P. 524.* Spasmus maxillaris pusionibus ut plurimum lethalis. *P. 525.* Cura dysenteriae per Spec. diallap. Rhabarb. et Elect. Diascord. felix. *P. 526.* Cephalalgiae superstitiosa cura. Grauida libram piperis vna vice innoxie deuorans. *P. 614.* singularis quaedam vitrioli species. *P. 699.* Ruptura vteri in parturiente demortua. *P. 700.* Ruptura hepatis lethalis. *P. 701.* Menfes superflui et crebriores saepius praecursores impraegnationis. *P. 702.* Nummus aeneus deglutitus, pylorum claudens et exitum ingestis prohibens, mortis causa. *P. 703.* Odontalgia frequentior a globo plumbeo maxillae impacto, hoc post quatuordecim demum annos extracto, cessans. *P. 729.* Surditas in paroxysmis apoplecticis soluta, amissa loquela; haec autem rediens, redeunte surditate. *P. 733.* Pluuia chymica. *P. 739.* Barometra phosphorescentia et fragmentum lucidum tubuli vitrei quomodo fiant? Et denique *P. 742.* rupturae thermometrorum et vasorum destillatoriorum quomodo praecauendae. Sequuntur nunc nomina solertium naturae scrutatorum, qui ad huius anni collectanea materias suppeditarunt. *Altorfii* nempe D. D. et Prof. JOH. HENR. SCHVLZE, Acad. Nat. Cur. et Societ. Reg. Scient. Borusf. Socius. *Berolini* Dn. JOH. MICH. DOBLER opticus Regius. *Bilitii* D. D. KORTVM, Academ. Natur. Curiosf. *Bremae* D. D. JOH. TIMME. *Budissae* D. D. JOH. FRID. HENNING et D. D. FRID. LIEFMANN. *Caesareopoli* Dom. M. JOH. GEORG. BVCHHOLZ, Pastor et Rector, et D. D. DAN. FISCHER. *Cahlae* D. D. GEOR. GVIL. BEYER. *Coburgi* D. D. JOH. SEBAST. ALBRECHT. A. N. C. *Dresdae* D. D. CHRISTIAN. SIGISM. WOLF. *Eperii* D. D. JOH. ADAM RAIMANN A. N. C. *Erfordiae* D. D. JOH. HIERON. KNIPHOF. Dom. M. JOH. GVIL. THEODOR. LEICHNER, Advocatus O. Dicast. Elect. et Dom. Lic. PAVL. HENR. VOGEL. *Goldingae* D. D. JOH. GEORG. WEYGAND. *Graitzae Variscorum* Dn. M. JOH. GODOFR. BÜCHNER, Pastor Seebacensis. *Guelpherbyti* D. D. FRID. ERN. BRÜCKMANN, A. N. C. et S. R. B. socius. *Gunzenhusae* olim, nunc *Durlaci*, D. D. JOH. ALBERT. GESNER. *Hamburgi* D. D. JAC. LVDOVICI. *Hartzgerodae* D. D. J. E. MÜLLER. *Fauriae* D. D. SEBAST. ALISCHER. *Fenae* Dom. FRID. SIDELIVS, Facult. Phil. Adiunctus. *Isenaci* D. D. JOH. GVIL. ANDR. KELLNER, A. N. C. et D. D. JOH. STORCH, Pelargus etiam dictus. *Lignitii* D. D. BALTH. SIGISM. REIMANN et D. D. JOH. PETR. WAHRENDORF. *Lipsiae* D. D. et Prof. CHRISTIAN. MICH.

MICH. ADOLPHI. *Loebaniae* Dom. CHRISTIAN. TRAVTMANN Praetor urbis et A. C. N. *Luzini* Dom. M. DAN. SINAPIVS. *Moenchbergae* olim, nunc *Baruthi* D. D. JOH. ERHARD. DONAVER. *Norimbergae* D. D. JOH. CHRISTOPH. GOETZ, A. N. C. et b. D. D. JOH. CAR. ROST, A. N. C. *Neomagi* D. D. JOH. HARTMANN. DEGNER, A. N. C. *Peseneccae* Dm. Licentiat. SEYFFERD. *Ratisbonae* Dom. M. JON. MATTH. BARTH Pastor, et D. D. JOH. ADAM. GOERITZ A. N. C. *Rigae* D. D. JOH. BERNH. FISCHER. *Rinteliae* D. D. et Prof. JOH. HERM. FÜRSTENAV. *Seehusae* Dom. Lic. JOH. GEORG. SIEGESBECK. *Stolbergae* D. D. LIEBEGOTT MICH. CHALYBAEVS. *Sublae* Dom. Lic. HENR. CHRIST. WINTER. *Tiguri* D. D. et Pr. JOH. JAC. SCHEVCHZER A. N. C. etc. *Vinariae* D. D. JOH. CASP. MÜLLER. *Ulmae* Dom. Prof. DAVID ALGOEWER. *Vratislaviae* b. D. D. JOH. KANOLD. *Waltershusae* Dom. Licentiat. STORCH. *Weickersheimii* D. D. JOH. CHRISTOPH. BAEVMLEIN; ac tandem *Winzigae* D. D. GODOFR. OBST. Monendum vero adhuc, vt supra indigitauimus, restat: Verba *Spec. nostr. LI n. III. p. 403.* qui vero iam nunc praenumerarunt, nundinis paschalibus florenum vnum Rhenanum transmittant, accepturi totum annum 1729. sic intelligenda, vt praeter hunc florenum simul etiam 12. grossi dictis nundinis soluendi sint, de quibus iam in *Specim. XLII. n. V. p. 333.* dictum fuit; sicque vniversim *XXVIII. grossi* tunc expendantur.

LIBRI NOVI.

I. HENR. BASSII Med. et Chir. D. P. P. in Alma Fridericiana observationes anatomico-chirurgico-medicae in quatuor decades digestae, variis obseruatis rarioribus exornatae et solidis medicae scientiae principiis superstructae, cum fig. aen. *Halae Magdeb* 1731. prostat in officina Rengeriana. suo alph. 1. Tab. fig. 12.

II. Einige Engländer und Frankosen Ummessungen über den Steinschnitt nach dem Englischen apparatu etc. i. e. Anglorum atque Gallorum quorundam annotationes in Lithotomiam, secundum apparatus anglicum, adiectae sunt descriptiones et delineationes instrumentorum chirurgicorum a celeberrimis viris recensinentorum. Praefatione auxit et edidit JOH. TIMME. *Brem.* 1731. suo pl. 4. cum fig.

III. Dissert. inaug. exhibens vitae animalis considerationem theoretico-practicam Praef. FR. HOFFMANNVS, Resp. BALTH. LVD. TRALLES. *Halae Magd.* Mens. Apr. 1731. pl. 10.

IV. Dissert. inaug. de dolore cephalico. Praef. EODEM, Resp. MATTHIA BENZIG. *Ibid.* Mens. Mart. 1731. pl. 3. cum dimid.

V. Dissert. inaug. de dolore ex calculo renum, Praef. FRID. HOFFMANNVS, Resp. JOH. BERNH. DOBLIN. *Ibid.* Mense Majo 1731. pl. 3. cum dim.

VI. Dissert. inaug. de vera perpetui mobilis in homine viuo idea, Praef. EODFM. Aut. GEOR. WACHTER. *Ibid.* Mens. Maj. 1731. pl. 3. cum dim.

COMMERCIUM LITTERARUM

AD

REI MEDICAE ET SCIENTIAE
NATURALIS INCREMENTUM
INSTITUTI

Hebdomas septima.

Norimbergae a. d. XIII. FEBRUARII clb lccc XXXII.

L.



Lugduni Bataurorum Elementa Chemiae D. D.

BOERHAAVII in publicum prodire *Spec. XLIX*,
p. 385. iam indicauimus: nunc addimus eadem
Tubingae quoque impressa proflare. Titulus est:
Elementa Chemiae, quae anniuersario labore docuit,
in publicis priuatisque scholis, HERMANNVS
BOERHAAVE. *Tomus primus, qui continet historiam*
et artis theoriam, cum tabb. aeneis. Cum priuilegiis

Caesareo, Polonico et Saxonico. Lugduni Bataurorum sumptibus Joh. Ru-
dolphi Imhof. 1732. 4. alph. 5. pl. 13. tabul. aen. 17. Tomus secundus, qui
continet operationes chemicas, ibid. 1732. 4. alph. 3. pl. 4. Huius im-
pressionis singulas paginas eadem, quae genuinae *Lugdunensis*, con-
tinere aiunt. Charta, et magnitudine, et albedine non adeo defor-
mis est. Pretium infra tertiam partem constat, 4. scilicet florenis,
quum genuinam *Lugdunensem* pro 9. thaleris, seu 13½ florenis vix
comparare audent nostrae bibliopolae. Ad manus nostras quo-
que venit schedium, quo certiores redditi sumus *Halberstadii* etiam
in bibliopolio *Schoppiano* idem opus praelum denuo subiturum, at-
que futuris nundinis autumnalibus absolutum proditurum fore, et
quidem praenumerationis adminiculo, vnum thalerum cum 16.
grossis Saxonis seu 2½ florenos *Rhenanos* postulante, cuius leges in
peculiari schedula proxime diuulganda promittuntur. Quae ad
opus ipsum pertinent, alio tempore communicabimus.

II. *Stockholmio* nunciatur celeberr. Dom. Prof. CELSIVM
indefesso studio adhuc occupatum esse in elaboratione magni operis
G sui

fui botanici, *Flora Vplandica* nuncupati. Ab aliquot iam annis relationem de plantis cuiusdam insulae minoris, in qua 500. circiter species, et ex his plus quam 20. haecenus incognitas obseruauit, prodromi quasi loco publicauit, atque figuris illustrauit, eandemque Serenissimae Reginae obtulit, quae clementissime eam excipere, atque continuatione dignam declarare, haud dedignata est. Celeberr. D. Autor Theologiam quidem profitetur, Botanicam tamen eo usque excoluit, vt multos in eadem ex instituto versatos superet. Quemadmodum etiam de eruditione sua haud vulgari magnopere testatur officium Secretarii, ab Illustrissima Scientiarum Societate Regia Suecica ipsi concreditum, de quo conferatur *Spec. LII. p. 409.*

III. *Ex Litteris Dom. Lic. J. S. CARLII ad D. D. J. C. GOETZIVM.* Occasione medicationis in Syncope a VSne (*vid. Spec. XIX. p. 149.*) consuetudinem illorum adducere licebit, qui regiones vino feraces inhabitant. Hi nempe ante VSnem vinum chirurgi propinant, vt sibi illique animum addant; cui etiam spei effectus respondet. Aulici vero, altioris conditionis, et femellae infusum Cafée prius sorbillant, quod a syncope praeferuat. Minus tamen et his confisi lectulo aut grabato insidentes sanguinem mittunt, praesertim in VSnibus pedum deriuatoriis, atque peracta operatione statim recumbunt. Sic situs horizontalis praeoccupat turbas reuulsivas. Non possum non adhuc alia quaedam analepseos cellariae et culinariae experimenta subiungere, cum hodiernum mixturae analepticae officinales ditioribus et egenis sordeant. In pauperum nempe gratiam Syruporum Fl. Tunic. Ceras. Rubi id. et sim. sufficientem quantitatem in domo mea parari curo. Pauperculus igitur aeger aut moribundus mixturam analepticam desiderans culinam meam pulsatur, ex qua vini et aquae partes aequales, cum aliquot cochlearibus eiusmodi syruporum, iis mixtae porriguntur, quibus et palato et viribus consulitur. Sic simplicitas artificiis praeponderat. Quin in acutis etiam, versus crises et despumationes vergentibus, vinum optimum alexipharmacum et cardiacum curatori obseruatione deprehenditur. Quantum autem aliquot vini cochlearia pani intrita in declinatione morbi et saporis et labascenti naturae arrideant aegrosque reficiant, vix exprimi poterit. Nuperrimo curiosum mihi obtigit anno experimentum: Agonizauit nimirum omnium sententia senex aliquis e Palatinatu oriundus, diuturno morbo confectus. Misi illi *Q. E. vini Becherianam*: Et ecce ad se rediit & per trimestre adhuc vixit, stupentibus et sciscitantibus omnibus, qualisnam haec tin-

tinctura solaris fuerit. Haftenus eius verba. Circa haec autem mone-
re adhuc visum, de vini in Febb. malignis vsu nos iam *Spec. XIX. p.*
149. citasse *Cl. D. D. ROS. LENTIL. Miscell. Med. Pract. Part. I. p. 150.*
addi autem illis non sine fructu posse *Histor. Morb. Vratisl. Ann.*
MDCXCIX. p. 11., vbi inprimis *BARTHOLINI Histor. Anat. Cent. VI.*
Hist. 7.; et *DD. ACOLUTHI Observ. in Ephem. Nat. Cur. Ann. IV. Dec.*
II. p. 330. et Ann. VI. Obs. XX. testes et antecessores allegantur. Si
quis caeterum, quid *Q. E. vini Becheriana* sit? scire aueat, adeat
ille *b. BECHERI Psychosoph. p. 250.* vbi vires; et *Concord. Chym. Part.*
II. Sect. IV. Cap. 3 p. m. 287. seqq. vbi praeparationem eius, repe-
riet; nec etiam *Vigani Medullam Chym p. 15. 16.* aut *Glauberum con-*
centratum p. 9. et 828. frustra euoluet; Post Becherum autem instar
omnium legatur *Ill. G. E. STAHLII Mens. Octob.* commendans con-
centrationem siue dephlegmationem vini aliorumque ferment-
tatorum et salinorum liquorum, saluis vniuersis eorum viribus,
praesertim autem *Cap. VIII.* Experimenti denique circa *Essentiae vi-*
ni confectionem a. b. *DD. JOH. CHR. PACHHELBL. de Gehag* fa-
cti en! sequentem eius ipsius recensionem: Cum anno 1709. saeua il-
la ac insolita hiems per multos durasset septimanas, aliquot vini
mensuras igne Naturae frigido (conglaciatione intellige) concen-
trabam, vt e decem mensuris tres tandem restarent mensurae qua-
drantes, adeo autem generosae, vt accendi se etiam paterentur,
arderentque. Has infundebam phiolae, quam vitreo tunc occlude-
bam obturaculo, et cum luto ex albumine oui conquassato et farina
probe firmabam. Concreditus sic liquor Balneo arenae digereba-
tur eo vsque, donec sanguineus emergeret color, et multae simul
fundum peterent faeces: hoc enim facto refrigeratum filtrabam.
Huius tantum, quantum digitalis circiter (Fingerhut) capit, phio-
lae vitreae minori infundebam, vt sextam tantum huius imple-
ret partem; qua luto superius dicto rursus obturata, denuo in arena
lenissime digerebam. Abiit sic post elapsas 4. aut 6. septimanas in
sal rubellum pellucidum, nulla amplius residua humiditate; mentie-
batur autem lapidis aut salis huius odor ac sapor vinum Hispanicum.
Affudi ei denuo digitalem vini nostri concentrati ac digesti rubicun-
di, et rursus lutatum tractaui, vt supra. Cum autem ignis nimius
improuide subministraretur, post quatuordecim iam dies absoluta
erat coagulatio, et sal coloris spadicei (allzubraun) odoris vero ac
saporis empyreumatici (brünzel-einend) emergebat, vinum Hispanicum
tamen adhuc aemulans. Corruptum igitur ac inutile illud repu-
tans phiolam vitreo quidem obturaculo munitam, sed non lutatam,

in frigidiusculo neglexi loco. Sic materia contenta post aliquot septimanas in spissescentem oleaginosam, mellagini concentratori similem, facessuit consistentiam, coloris e spadiceo - rubescentis (braunröthlicht) Haec ille, de viribus huius Essentiae in observationibus suis *Specim. LI.* promissis vltiora passim narrans.

D. D. JOH. GEOR. HASENESTII Consiliarii et Archiatri Baruthini Observatio, tradens *morbi epidemici praeterita aestate Neostadii ad Ayssum grassati* historiam atque curationem.

Rumor non solum finitima, sed et remotiora, in nupera aestate occupavit loca, Neostadium nostrum morbo pestilentiali tentari: isque tantum hominum animis impressit metum, vt exterorum plurimi eo commeare timuerint. Neque dubito, Vos, Excellentissimos Commercii Litterarii Dominos Collegas, tali fama audita, certum et exploratum aliquid de vera morbi indole comperire, in votis habuisse. Atque libens Vobiscum communicassem illam notitiam, nisi diuersae multaeque occupationes, aegrotantium cum indigenarum tum exterorum causa suscipiendae, obicem mihi posuissent. Nunc autem, sepositis parumper negotiis ponderosioribus, fideliter historiam morbi tunc temporis epidemice, more *Febris malignae contagiosae petechizantis*, grassati, trado. Jam sub finem anni MDCCXXX. morbus dictus sporadice, et praecipue sub purpurae, tam rubrae, quam albae, schemate, maturante vere et aestate autem, sub petechiarum forma, hinc inde et mox per hanc illamue integram familiam, epidemice grassari, adstantesque miasmati maligno concipiendo dispositos, inficere coepit. Miratuque dignum fuit, morbum hunc familiam quandam numerosam, ex qua quidem nemo curae meae concreditus erat, adeo persecutum fuisse, vt etiam consanguineis exteris aegrotantes inuisentibus non pepercerit, sed eos domum reduces, nec non filium ante parentum aegritudinem peregre abeuntem, sanum et quatuor miliaribus distantem, inuaserit, omnesque solos (ceteris scilicet incolis a lue intactis manentibus) in lectum prostrauerit, nec non plurimos dictae familiae trucidauerit. Subiecta huius morbi erant cuiuscunque aetatis homines, sexus tamen virilis frequentius inuadebatur quam foemininus. Inprimis cholericis, et illi febris huius malignae incommodis exponebantur, qui inordinata victus et potus ratione, pra-

praecipue autem in praeterita diu durante hieme curta suppellectile
vsi, multum frigoris et inediae perpeffi, viscerumque labe corrupti
fuerunt; nec non qui multum ex viuis ad maturitatem in praeterito
anno non peruenientibus expressum vilissimoque pretio emendum,
ingurgitarunt; vnde multae impuritates et cruditates genitae et
retentae, aeri superuenienti cum inconstanti, tum propius acce-
dente aestate calidior, aestuosior, sordes in humoribus collectas
in biliosam acrem qualitatem mutanti, aptam suppeditarunt mate-
riam, qua in massa sanguinea eiusmodi tumultus febriles periculosi,
tenore *Aphor. Hipp. ij. Sect. 3.* fuerunt excitati. Grauitas artuum,
capitis torpor, languorque virium prodromi erant apud plurimos
irruentis hostis, qui, aliquot diebus post, corpus occupauit cum
horrore, et insequente aestu summo, cephalalgia, ossis sacri dolo-
re, auditus grauitate, labiorum, artuumque tremore, et deliriis,
iuncta nonnunquam, praecipue in sensibilioris constitutionis ho-
minibus, leuiori syncope, cardialgia etc. Saeuiebat insuper apud
hos vomitibus, vel saltem conatibus vomitoriis ad 8. dies duranti-
bus, torminibus et diarrhoea: apud illos, pectoris oppressionibus,
doloribus pleuriticis; et denique se penitus prodebat ex petechiis
efflorescentibus vel solis, vel purpura, eaque mox alba, mox rubra,
iunctis. Vrina primo septenario sanae vt plurimum erat simillima,
pulsu etiam post superatum primum aestum, apud plures naturali vi-
so; accedebant haemorrhagiae, praecipue apud pueros: apud
sanguineos et spongiosioris habitus subiecta autem soporosi affectus:
apud cholericos lethales saepe tendinum subsultus et conuulsiones.
Sitis raro intensa et apud plures in totum moderata. Recensita
symptomata autem non omnes vexarunt aegrotantes, sed deliria,
anxietates praecordiales, aestus plus minus vrgens, dolores dorsi
et ossis sacri, virium prostratio, auditus difficultas, et exanthema-
ta petechialia vel miliaria, communissima fuerunt.

Critica signa raro responderunt accurate diebus criticis; diar-
rhoea scilicet diuersa morbi tempora occupauit raro lethalis; conco-
ctionis tamen signa in vrina vt plurimum decimo octauo morbi die
in conspectum venerunt, hisque praesentibus fere aeger cum sani-
tate pristina in gratiam redire coepit, excepto vnico, qui crisin
talem, sine euphoria, continuantibus potius internis conuulsivis
motibus, expertus fuit, eamque insuper inordinato regimine ipse
turbans, vigesimo primo morbi die morti succubuit.

Sudor plurimos comitatus fuit aegros, qui, post septimum
diem demum accedens, leuamen reddidit, spemque reconualescen-
tia;

tiae; primis autem morbi diebus, et praecipue circa caput solum et pectus, erumpere incipiens, ut plurimum aegrotantem vsque ad mortem comitatus fuit.

Pueri et senes tanto, sub morbo hoc, non expositi fuerunt periculo, ac in virili aetate constituti. Petechiae et purpura post septimum diem in conspectum venientes, nil periculi aluerunt, citius autem visui se offerentes syncopen comitem habuerunt, non tamen, quantum sub mea cura mihi obtigit, lethalem.

Deliria diu durantia, iuncto tendinum subsultu, singultu, extremorum frigore, et mictione faecumque exoneratione in lectum inscia, indubitata erant mortis insequentis signa. Interim sancte hoc asseuerare possum, morbum hunc, vehementibus stipatum etiam symptomatibus, curatu adeo difficilem non fuisse, dummodo non aperte phthisicos inuaserit, aut (quod saepius eheu obtigit) morbi indoles non fuerit purgatione aut venae sectione incongrua per balneatores vel empiricos corrupta, aut pro deliriis inquietis, vel alui fluxibus, pessimo licet ausu, sistendis, opiatorum nec non calidorum et volatiliorum alexipharmacorum usu, inflammationes et anginae productae fuerint; siquidem talia nunquam innoxia mihi ordinata, omnes potius, paucissimis exceptis, sub exortis anginosi et inflammatorii affectibus, auctisque sub sopore deliriis, mortis traditi fuere faucibus. Mihi arriserunt, et, annuente summo Numine, felicissime cesserunt diaphoretica fixiora per integrum morbi cursum, cum aquis diapnoicis, aliquotque guttulis mixturae simplicis et spiritus nitri dulcis, peculiari enchiresi parati, additis, propinata, et sic etiam diuina assistente gratia, desperate decumbentes fuere restituti. Symptomata plurima cordi adeo non habui, solum causam proximam, ceu miasma biliosum acre volatile, attendens, omnia calidiora et vinum prohibui, calorem temperatum obseruare, aeremque externum omni diligentia vitare ordinaui; sitim decocto ex C. C. rad. scorzon. flau. cort. citri, sem. faenicul. ut et nonnunquam usu Julapii acidulati sedauit, caput sopore obnubilatum applicatis vesicatoriis in pedibus, serenauit; colli ardorem, nec non deglutitionem, si cui, (quod autem sub mea cura vix duobus obtigit) difficilior reddi ea videbatur, per oleum amygdal. d. syr. diamor. et aq. fl. acac. mixtum interius, exterius autem per Empl. de meliloto cum oleo bezoard. Wed. illitum, liberaui. Venae sectionem numquam, nisi in summe plethoricis, et hanc in primo tantum principio, imo magis praeseruatiōis ergo administraui, ceu quae semper, si non funesta euasit, curam tamen difficili-

cilio-

cilio rem fecit: id quod de mixturae simplicis propinata parum libera-
liore dosi in seignioris naturae subiectis, etiam aliis fixioribus dia-
phoreticis, immixta, obseruare mihi obtigit. Neque hoc reticen-
dum esse reputo, puluere ex antimonii diaphoretici, conch. citrat.
ana drach. j. ocul. cancr. praep. Nitri purif. ana dr. dimid. et camph.
gr. viii. parato, inque nouem doses diuiso, multos ante nominati
morbi nostri prodromis iam vere obsessos, fuisse, DEO benedicen-
te, praeseruos.

Durauit haec febris petechizans vsque in mensem Augustum,
quo ipso mense excipiebatur a dysenteria apud nos etiam epidemica,
cuius indolem proxime ero descripturus.

Differtatio medica inauguralis, de *Anodynis quibus-
dam spiritibus mineralium*. Praesid. D. HERM. FRID.
TEICHMEYER, pro Licent. habita ab Auctore, CAROL.
DAVID KIECHEL, *Almensi*. Jenae Mens. Martio. 1731.
in 4to. pl. 3.

In I. §. Dom. Aut. etymologiam vocabuli *ἀνόδυνη*, eiusque conue-
nientiam cum *Nepenthe Helenae* apud Homerum, indicat: varias-
que variorum circa Nepenthes significationem, autorum interpre-
tationes tradit. §. 2. ad generaliore anodynorum remediorum clas-
sem, specialius pertinere ait, *paregorica, hypnotica et narcotica*: §. 3.
definitionem anodynorum suppeditat, & *talia esse remedia* pronun-
ciat, *quae spiritus inquietos ad beatam disponunt tranquillitatem*. §. 4. e tri-
plici naturae regno desumi anodyna monstrat, eorundemque bre-
uem catalogum sistit. §. 5. omnia anodyna esse sulphurea, statumi-
nat, id quod ex eorum notabili et diu durante odore, partim suaue,
partim graue olenti, quem spargunt, iuxta et sensibili, quam dif-
fundunt, euaporatione, satis patet: Similiter omne sulphur esse
anodynum, stabilit; siue illud sit crassum, siue subtile; siue libera-
tum, siue aliis adhuc principiis immersum. De sulphuribus deinde
mineralibus, natiuis, item de sulphuribus vegetabilium et oleis ex-
pressis ac destillatis, singulorumque virtutibus, longum sermonem
instituit: quibus thesin suam corroborare studet; quod nempe ano-
dynorum omnium agens primum sit sulphur. §. 6. Dissidentis de
sulphuris existentia Beccheri argumenta in medium profert, iisque
examinatis, scopum dissertationis suae innuit, quo ostendere vult
mo-

modum elaborandi nonnullos liquores anodynos minerales e vitriolo parabiles: hinc §. 7. in scenam producit *spiritum vitrioli cephalicum*, eiusque praeparationem monstrat, variorumque Auctorum circa vitrioli solutionem opiniones et ratiocinia subnectit. § 8. de *spiritu naphthae* vel *spiritu vitrioli volatili*, eiusque processu et encheiresi loquitur: inque hoc negotio pergit vsque ad §. 11. inclusive, vbi de virtutibus huius medicamenti mentionem quoque facit. §. 12. meminit alius *spiritus vitrioli volatilis dulcis*, in Act. Med. Berolinens. descripti; et num talis esse possit, qualis laudatur, inquit. §. 13. superius memoratum spiritum naphthae, non esse remedium, nostris demum temporibus inuentum, sed dudum aliis iam innotuisse, pluribus adductis autoribus commonstrat. Junckerum equidem gloriam hanc illustri Hofmanno Halensi tribuere, sed à multis retro annis ab antiquioribus Chimicis collaudatam fuisse et cognitam remedii huius praestantiam, inprimis antepilepticam. §. 14. alium adhuc spiritum anodynum ex vitriolo parandum describit, qui *Liquor Dianae* D. D. Teichmeyero audit, et passim in scriptis eius citatus est: tandem §. 15. de vñsibus horum liquorum memoratorum specialibus differit, eosque bezoardicos, antepilepticos, carminatiuos, anodynos, resoluentes, defensiuos et paregoricos esse praedicat.

LIBRI NOVI.

I. *Medicinae compendium in vñsum exercitationis domesticae digestum* a JOH. de GORTER A. L. M. Med. D. et P. ord. Pars I. *Lugd. Batav.* apud Janssonios van der Aa 1731. 4. alph. 1. pl. 15. tab. aen. 2.

II. *Oratio de praxis medicae repurgatae certitudine*, publice dicta die 14. Jun. 1729. Auctore EODEM. *Ibid.* 1731. accedit eiusdem *Oratio de animi et corporis consensione mirabili tam in secunda quam aduersa valetudine*, publice dicta d. 12. Jun. 1730. 4to pl. 6.

III. *De gezuiverde Heelkonst, ter ondervvyzinge van den Leerende en konst oefenenden Heelmeeſter.* i. e. *Chirurgia repurgata pro instituendo docente, arteque pandente Chirurgo.* Auctore EODEM. *Ibid.* 1731. 8. maior. pagg. 796. cum tab. aen.

IV. *Spagyrische Chirurgie oder Wund-Ärtzney.* i. e. *Chirurgia spagyrica, quae omnes morbos cutaneos spagyricè et methodicè tractat, simulque citam, tutam et iucundam curam eorum indicat.* Sneebergae apud Car. Guil. Fulden 1732. 8vo pl. 14.

V. *Diff. inaugur. de cura partus modo enixi et lactentis.* Praef. FR. HOFFMANNO Resp. DAV. SAM. KOVLAS. Hal. Magd d. 17. Maj. pl. 3.

VI. *Diff. inaug. de differenti medicamentorum operatione secundum diuersam corporis humani idiosyncrasiam.* Praef. EODEM. Aut. VLR. SIGISM. NIMPTSCH *Ibid.* mens. Jun. 1731. pl. 3. cum dim.

VII. *Diff. inaug. de dolore et spasmo ex calculo fellico.* Praef. EODEM. Resp. ABRAH. NITSCH. *Ibid* mens. Jun. 1731. pl. 4.

COMMERCI LITTERARII
AD
REI MEDICAE ET SCIENTIAE
NATURALIS INCREMENTVM
INSTITVTI
Hebdomas octaua.

Norimbergae a. d. XX. FEBRVARII cl. lccc XXXII.

I.



Itembergae D. D. CHRISTIANVS VATERVS
Pathol. P. P. et Phys. prouinc. Saxon. nec non
Consil. et Archiater Anhalt. a. d. 19. Nou. anni
praeteriti Jubilaeum suum doctorale aequae ac ga-
micum celebrauit octuagenarius. *Ibidem* Filius
eius, D. D. ABRAH. VATERVS Anat. et Botan.
P. P. substitutus, Societ. Imp. Nat. Cur. vt et

Reg. Londin. et Berolinens. Socius, Dominic. II. Aduentus program-
mate anatomen publicam indixit, in quo successum imitationis in-
iectionum anatomicarum Ruyschianarum explicat. *Post tot, inquit,*
experimenta, ab aliquo tempore haud exiguis sumtibus facta, detexi tandem
viam, non minori cum successu vasa replendi. Testimonium ea de re ferre
poterunt illi, qui praeparata, ex quibusuis corporis humani et brutorum par-
tibus, propria manu a me confecta, ac inter ea integra cadauera, viderunt,
quorum non pauca in Clementissimi nostri Regis Gazophylacio, omnibus naturae
et artis miraculis cumulatissime ornato, locum obtinuerunt: monstrare
enim in Museo meo possum, piam matrem, tunicas oculorum, septum narium,
labra et palatum, linguamque, cuius vasa ad extremas usque superficiei pa-
pillas repleta, medullam dentis vitulini &c. omnia coccineo colore tincta. Cu-
tis humana in liquore seruata colorem carneum maculasque rubicundas, ac
sipurpura affecta esset, monstrat: exsiccata vero, tomentum refert. Visce-
ra quaecunque interna, liquori immersa, cruenta, quasi e corpore recenter
exsecta, apparent: siccata tanto rubore infecta, vt eadem e cera formata
esse iurares, nisi microscopium contrarium euinceret, per quod reticula, ex
myriade vasorum contexta, exhibent. Sed plura non addo, vt ostentationis

suspicionem evitem. Cui, quae a me dicta sunt, credere non placet, huic ego nil aliud dico, quam quod laudatus R V T S C H I V S: veni et vide. Videbit tunc quaedam ex meis, quae R V T S C H I I praeparatis ne tantillum quidem cedunt. Absit tamen, ut incomparabili huic Viro me propterea aequiparare velim.

II. *Lucernae* praelo committitur opus, cui titulus: CAROL. NICOL. LANGII Lucernens. Heluet. Phil. et Med. Acad. Caes. Leopoldino-Carol. Societ. Reg. Prussicae et Phys. Crit. Senens. nec non Reip. Lucern. Senatoris, Meditatiunculae forsitan non prorsus inutiles ac ineptae, circa genuinam animae rationalis sedem in cerebro humano, eiusque medio, quo iuvante illa I. species per nervos a sensibus externis ad cerebrum delatas immediate in se recipit, cognoscit et rite distinguit; II. Actus suae voluntatis pariter per nervos partibus subiectis in momento communicat, et citius ictu oculi exercet; III. Imaginationem, memoriam, aliasque animae functiones, ad quas hucusque spiritus concurrere solebant, elicit, prosequitur et peragit Qua occasione nonnulla proponuntur de passionibus animi earumque facili communicatione et coniunctione cum praedictis animae functionibus, quam ob causam quandoque tam stupenda ac enormia phaenomena et phases in nostro hoc paruulo mundo excitantur et apparent, nisi a quodam provido animae nisu tempestive et sedulo inhibeantur: In aliquale solamen et lenimentum languidi et aegrotantis corporis menti propositae, et ab ea aegre quidem, aut obiter tantum ruminatae ac perpensae: quibus subiungitur descriptio cultri lapidei ante-diluviani a me in altissimo monte Keyserstuol 13. Septemb. 1723. inuenti, inter omnes in toto terrarum orbe manu humana elaboratas antiquitates facile antiquissimae et rarissimae, cum accurata eiusdem cultri ac montis ipsius delineatione et periphrasi. 1732. Sumptibus Authoris, Typis Josef. Christoph. Rüttimann. Superiorum permissu.

III. *Parisiis* scribitur, anatomiam a Dom. WINSLOW praelo commissam (*conf. Consult. ult. p. XIV.*) atque huc vsque auide expectatam proxime in lucem prodituram esse. *Ibidem* Catalogus Bibliothecae b. D. D. DODARTI Archiatri regii primarii (*Conf. Spec. I. p. 2.*) auctionis iure vendendae imprimitur, curante GABRIELE MARTIN.

IV. *Excerptum ex Litteris Medici cuiusdam inclyti in Circulo Sue-nico ad D. D. J. C. GOETZIVM.* Pachhelblianae observationes post-

posthumae, vt cum mantissa de pilulis balsamicis in forma quadripartita, ac idiomate latino edantur, rogauero. Possem, si placeret, alteram iis subiungere partem, sub titulo: *Casuum medico forensium, atque observationum practicarum Dodecas una*, (aut, si permitteret spacium, dodecades duae,) intermixtis epicrisibus et porismatibus: recenset D. GEORG. IRENAEVS CALOANDER. En tibi seriem dodecadis prioris. I. Examen et iudicium medico-forense de grauiditate duarum foeminarum, quae in carcere se concepisse professae sunt, postquam mortis ob patrata delicta furtiua damnatae fuerant. II. Responsum medico-legale in causa stupri violenti. III. Aliud in simili causa. IV. Aliud ad quaestionem a Iudice propositam: an liceat decretam inuentionem et fustigationem exsequi in subiecto epileptico? V. Memorabilis historia abortus et molarum exclusionis. (*huius summaria Hebd. III. p. 18. seorsim iam exhibuimus.*) VI. Relatio et iudicium de morbo et extispiciis infantis octauo a partu die defuncti, cum consilio praeseruandi infantum conuulsiones. VII. Febris purpurata, quae hoc anno 1731. oppidum Mindelheim infestauit, exposita in epistola ad Ill. Dn. D. ZELLERVM, Consil. et Archiat. Würtemberg. VIII. Effractura cranii cum deperditione substantiae cerebri feliciter sanata, enarrata in litteris ad Excell. Dn. D. MAVCHARTVM, Archiatr. Würtemb. et Pr. P. O. Tubing. datis. IX. Steatomata palpebrarum curata. X. Consilium in phlegmatorrhagia inueterata latum. XI. Phrenitis lethalis diarrhoeae torminosae incongruo adstringentis vsu tractatae superueniens. XII. Ischuria periculosa cum accedente emphysemate praegrandi in puello sexenni breui sublata. Quod si bibliopola quidam sumtus huic libello impendere, ac aequum mihi laboris suiueque lucri praemium conferre vellet, post noui DEO vol. anni auspicia opusculum praelo committi posset, aut si quis diuendere vellet, non sine suo lucro, egomet sumtus lubens erogarem, atque hic loci imprimi curarem. Ad minimum quindecim, aestimo, adimplebit plagulas.

Hygieine siue Tutrix corporis humani, modum ostendens, quo homines absque medicamentis aetatem suam in statu naturali sano ac vegeto in seram vsque senectutem protrahere valeant. Tam ex veterum ac neotericorum auctoritate, quam ex propria animaduersione desumpta a JOH.

FRANC. PAVLO GANSER, Phil. et Med. Doct. inclytorum Ducatus Styriae Statuum Physico Radkerspurgenfi ordinario. In fauorem et vtilitatem vitae humanae prolongandae, accedente tractatu Animastico. *Lipstae* 1731. 8^{uo} Alph. I. pl. 15. cum pl. I. Tit. Ded. et Praef.

Quem hic producimus librum Cl. eius A. vtriusque Styriae Proceribus dedicauit, atque in tres distinctos tractatus digessit, quorum primus *de vita in communi* inscribitur p. 1. 118. Quum plantae atque animalia duo viuientium genera constituent, ad meliorem subsequens intelligentiam, nonnulla de *plantis et animalibus* §. 1. tamquam fundamenti loco, substernit, exhibendo ad mentem neotericorum summatim theoriam plantarum, vbi simul obiter indicat, num corallia plantis an lapidibus adscribenda sint. Similiter de animalibus quaedam praefatus, genuinam horum notionem suppeditat, et varias species recenset, quarum praestantissimam, hominem peculiariter contemplatur. Hinc tandem exponit §. 2. *quid sub nomine vitae proprie loquendo dici mereatur*, et §. 3. quaestiones discutit, *an vita possit prolongari, cur eadem nunc breuior sit prioribus temporibus?* phycas aequae ac morales rationes allegans, quae vitam hominis vel producere, vel breuiorem reddere possunt. Quoniam vero ad prolongandam vitam duo haec potissimum faciunt, prolis firmioris generatio, et debitum dein circa res non-naturales dictas regimen: igitur §. 4. 5. et 6. *praecepta* illa adstruit, *quibus custoditis soboles firmior procreatur*, repetendo ex physiologicis, quae ad ortum, conceptum et partum hominis pertinent; qua etiam occasione agitatam illam inter recentissimos phycos quaestionem, de animalculorum spermaticorum existentia, perpendit, eamque propterea negandam esse putat, *quod homo sic bis generari debeat, ex ovo in vermiculum, atque ex vermiculo in hominem*; deinde, *quod ex anatomicis constet, ouum quodcumque in se continere umbilici funiculum, per quem alimentum foetui suppeditatur, quo non indigeret, si vermiculus, postquam in ouum muliebrem se intruserat, totam substantiam oui per os assumeret, et ita excrederet*. Hisce expositis *de infantum in lucem editorum regimine* differit §. 7. in quo describendo satis est prolixus; lactis etiam materni rite constituti praestantiam eloquutus, nutricis insuper, cui aliquando, rationibus aliis id vrgentibus, dandus est infans, requisita enumerat, quamque seruet diaetam, praescribit. De reliqua infantum cura quoad rerum non-naturalium vsum porro dispiciens, regulas vtilissimas,

et

et rationi atque experientiae consentaneas inculcat. Sequitur hinc tractatus II. cuius argumentum est *recta viuendi norma*, et septem capitibus absoluitur, p. 118. - 504. quorum I. de aere docetur, et §. quidem 1. - 5. aeris theoria physica traditur: inde §. 6. de eiusdem vtilitate, atque anni temporum diuersitate, disquiritur, recensitis aeris salubris conditionibus, diuersisque, eius, pro diuersa viuentium et ipsius aeris natura, et qualitate, effectibus; ac regulis adiectis, ad quas vnus sibi quisque, pro sua corporis temperie, aerem eligere, eundemque arte atque industria temperaturae suae possit accommodare. Id quod Cl. A. noster quoad aeris qualitates, locum et diuersa anni tempora prosequitur, quorum posteriorum specialem adhuc considerationem annectit, quatenus inde corpus humanum afficitur. Capite II. *reliqua requisita ad sanitatem et vitam necessaria* traditurus, §. 1. de generali ciborum assumptione instruit. Multus hic est A. noster in explicandis emolumentis, quae temperantia suggerit, cuius rationes plurimas, physicas et morales, in medium affert. Deinde, quo modo circa cibi et potus assumptionem complexionis, aetatis, atque anni temporibus prospici debeat, edocet. Ad confirmandas vero leges hic praescriptas totum opus digestionis succincte euoluit, variis hinc inde quaestionibus de ordine, tempore cibum capeffendi, atque aliis his similibus, inspersis. Denique modum ostendit, quo alimenta, quoad qualitatem et quantitatem suam, temperanda sint respectu diuersitatis sexus, aetatis, loci etc. Singula sigillatim delibando. Hinc ad specialia descendens, §. 2. - 12. vsitatiores cibos eaque, quae condimenti loco adhibentur, ordine pertractat, vbique hunc morem seruans, vt primo genuinam rei ideam sistat, naturam dein et indolem vnus cuiusque seorsim et distincte explanet, postea salutares et noxios effectus euincat, et denique, sub quibus circumstantiis conueniat aut noceat, declaret; adiectis subinde vsibus quoque medicis. Cap. III. de potu ipsi sermo est. Praemissis, quae de illo in genere tenenda sunt, de eiusdem necessitate, vsu, noxa nimii, quantitate debita, tempore quo bibendum, et potus optimo genere, aqua nimirum, differit; speciatim §. 1. de potu aquae et eius qualitatibus agit, inquirens simul in originem falsedinis maris et fontium salforum, tum et aquarum mineralium etc. §. 2. de lacte, §. 3. de vino eiusque spiritu seu essentia, §. 4. de cereuisia et §. 5. de potu Thee, Coffe, et Chocolata atque vsu Tabaci; de quibus omnibus, vt modo diximus, exponit. Caput quartum *motum et quietem* spectat. Ex principiis itidem physiologicis, quae tamquam fundamenta substernit, deducit, quale

seruandum sit in corporis cum exercitatione, tum quiete, regimen, quae inde resultent emolumenta; et contra, quae damna, si motus aut quietis immoderatus sit vsus; adiiciendo, vt vbique, ita et hic rationibus physicis morales. Cap. quinto *excretorum et retentorum* rationem habet. Nonnulla iterum in genere praemonet de excretis et retentis, nempe comprehendi sub excretis humores etiam utiles, h. e. eos, qui naturae aliquam vtilitatem afferunt, et in substantiam hominis conuerti possunt; utiles humores inutiles reddi posse quoad qualitatem et quantitatem; et inutiles per accidens utiles, quatenus mala ex corpore eliminant. Speciatim vero de excretis et retentis alui et vrinae, §. 1. de excretionem et retentionem sudoris et transpirationis insensibilis, §. 2. de menstruo fluxu ac virili spermate §. 3. differit, et quae de singulis notanda veniunt, obseruat, eodemque modo reliqua etiam salivae, lacrymarum, mucinarium et ceruminis aurium excreta et retenta expendit. Cap. sexto circa *somnum et vigiliam* versatur. Philosophatus primum de somni causa et fine, somnum moderatum esse debere contendit, eiusque salutes effectus describit; ratione simul inde reddita, cur quaedam animalia per satis longum temporis interuallum, sed somno dedita, absque alimentis persistere possint. Somni vero iusto longius protracti noxas §. 2. euincit; enodatis vltius variis quaestionibus circa negotium somni occurrentibus, e. g. vtrum somnus pomeridianus sanitati conducatur, nec ne? cur quidam homines certa hora, aut etiam quidam citius, alii tardius euigilent? cur iacentes citius obdormiant? num tempore somni an vigiliarum melior in ventriculo fiat concoctio? quid sint insomnia? etc. De vigilia seorsim §. 3. exponit. Tandem Capite septimo *animi pathemata seu affectiones in genere* considerat, vbi §. 1. naturam passionum eruit; §. 2. demonstrat, animi affectiones sanitati aut obesse aut prodesse posse; et §. 3. illas ipsas ordine et numero recenset, indicatis vnus cuiusque effectibus, et quomodo iidem adhibendi, emendandi ac corrigendi sint. His denique succedit tractatus tertius, isque animasticus, agens *de ente creato naturali animato*. p. 504.-577. Scrutatus primum animae rationalis essentiam, de animae seu spiritus immaterialis operationibus, §. 1. exponit; inde §phis seqq. ad quaestiones hasce difficiliore respondet, 1) an vnica vel plures animae in vno eodemque homine dentur? 2) an anima rationalis sit inextensa, consequenter indiuisibilis et immortalis, et numquam annihilanda? 3) quo tempore anima iungatur corpori humano, et an omnes partes corporis ab ea informantur, atque in qua parte corporis humani resideat? 4) an anima in singulas corporis partes agat,

et

et omnes motus ab ea proficiscantur? et 5) an corpus humanum uiuat ex praesentia animae, quatenus ea iuncta est corpori? et demum moriatur, dum a corpore abscedit anima.

Quum omnibus fere notum sit, quantum vtilitatis in rem medicam et physicam ex meteorologicis obseruationibus redundet; nonnulli amicorum monuerunt, vt Norimbergae habitae obseruationes schedis hisce inferantur. Desiderio huic eo magis satisfacere possumus, quia curam earum celeberr. Dom. Prof. DOPPEL-MAIERVS humanissime in se suscepit. Singulis itaque mensibus easdem eo modo, quem sequens tabula indicat, communicabimus. Exhibentur autem in illa altitudines mercurii barometricae circa meridiem per mensuras minutissimas pedum vsu maxime receptorum, Parisiensis, Londinensis et Rhinlandici (diuisis lineis et scrupulis in pede Londinensi, more solito, in decem, in Parisiensi et Rhinlandico in duodecim particulas) vt plurimis curiosis labor hic sit commodo. Thermometrum, quod *Fahrenheitianum maximum* dicitur, gradus a statu aeris temperati, maxime hiemali hoc tempore, differentes, et quidem tanto plures, quo magis frigus se exserit, indicat, iisdem gradibus in quatuor partes diuisis, quo et ex voto in iis *ακριβῶς* obtineatur. Indicarunt autem praeterea alii, non inconsultum fore, si morbi singulis mensibus frequentius obseruati breuibus subnecterentur. Vt igitur et his obtemperemus, en breuem eorum, qui nuperrimo Januario obtigerunt, adumbrationem. Occurrebant nempe morbilli confluentes, haemoptyses, rheumatismi, catarrhi (quorum alios graues cephalalgiae, alios anginosi faucium tumores concomitabantur) et asthmata, quod obseruante D. D. WIDMANNO prae aliis femina quaedam, cum vitae suae iactura experta fuit. Haec, vtpote gibbosa, et ob debiles pulmones difficulter iam aliquatenus respirans, quum d. 24. summo mane in publicum prodiisset, et per maximam diei partem frigidum aerem inspirasset, tanto circa vesperam correpta fuit asthmate, vt nonnisi erecto corporis situ spiritum amplius trahere, neque sine instantis suffocationis periculo tussire, neque aliquid deglutire potuerit, quin potius, insecuta altera nocte, suffocata fuerit. Vir quidam, libera antea gaudens respiratione, postquam eodem die aeri illi frigidissimo per breue tantum temporis spatium se exposuerat, sequente nocte asthmatico paroxysmo, per singulas noctes adhuc reuertente, pariter correptus fuit. Variolae, per annum et dimidium continuo ferme apud nos grassantes, maximam quidem partem inducias nunc fecerunt: passim tamen, licet magis benigne, adhuc serpentes.

Observationes meteorologicae per mensem JANVARIUM
Anni 1732. Noribergae habitae a Dom. JOH. GABR.
DOPPELMAIERO Math. P. P.

Dies styl. corr.	Barometrum.			Ther- mom.	Ventus.	Tempestas.
	Ped. Parif.	Ped. Lond.	Pedis Rhin.			
	dig. lin. scr.	dig. lin. scr.	dig. lin. scr.	gr. part.		
I.	26. 10. 10.	28. 7. 0.	27. 10. 2.	16. 2.	N. O.	serena.
II.	27. 0. 2.	8. 2.	11. 7.	18. 2.	N. O.	nubila subnub.
III.	1. 11.	9. 6.	28. 1. 3.	23. 3.	N. W.	nubil. subser.
IV.	26. 11. 2.	7. 3.	27. 10. 6.	25. 0.	N. W.	nub. cum niue.
V.	9. 9.	6. 0.	9. 0.	27. 0.	N.	seren. nub.
VI.	8. 6.	5. 0.	7. 10.	29. 1.	N. W.	ser. sub. c. niu.
VII.	7. 3.	3. 8.	6. 4.	30. 0.	W.	nubila cum niu.
VIII.	10. 2.	6. 4.	9. 5.	31. 2.	N. W.	serena.
IX.	27. 1. 2.	9. 0.	28. 0. 7.	33. 1.	N. W.	subf. nub. c. niu.
X.	26. 11. 11.	8. 0.	27. 11. 4.	26. 0.	W.	pluuia perpet.
XI.	27. 2. 0.	9. 7.	28. 1. 4.	20. 1.	N. W.	nub. et pluuios.
XII.	2. 2.	9. 9.	1. 7.	17. 2.	N. O.	serena.
XIII.	2. 5.	29. 0. 1.	1. 10.	21. 0.	N.	subneb. ser.
XIV.	2. 3.	0. 0.	1. 9.	22. 0.	O.	serena.
XV.	0. 7.	28. 8. 5.	27. 11. 11.	24. 0.	N. O.	serena.
XVI.	26. 11. 5.	7. 5.	10. 9.	26. 0.	N.	subneb. serena.
XVII.	11. 2.	7. 3.	10. 6.	31. 0.	N. O.	serena.
XVIII.	8. 6.	5. 0.	7. 10.	33. 0.	N. N. O.	seren. subser.
XIX.	6. 8.	3. 3.	5. 9.	30. 0.	N. N. O.	nubil. c. niue.
XX.	7. 10.	4. 3.	6. 11.	26. 2.	N. W.	serena.
XXI.	11. 6.	7. 6.	10. 10.	27. 0.	N.	subser. nubila.
XXII.	27. 1. 9.	9. 5.	28. 1. 2.	27. 2.	N.	nubila serena.
XXIII.	0. 7.	8. 5.	27. 11. 11.	31. 2.	N.	subneb. serena.
XXIV.	0. 7.	8. 5.	11. 11.	34. 0.	N.	serena nubil.
XXV.	26. 11. 2.	7. 3.	10. 6.	37. 2.	N.	subser. nubila.
XXVI.	10. 6.	6. 7.	9. 10.	39. 2.	N. O.	subneb. ser.
XXVII.	9. 2.	5. 5.	8. 5.	42. 0.	N. O.	serena.
XXVIII.	6. 10.	3. 5.	6. 0.	43. 2.	N. O.	subn. nub. c. niu.
XXIX.	7. 8.	4. 2.	6. 10.	32. 0.	N. O.	ser. nub. c. pluu.
XXX.	7. 5.	4. 0.	6. 7.	23. 0.	N. N. O.	pernub. nubila.
XXXI.	7. 5.	4. 0.	6. 7.	19. 0.	N. N. W.	pernubila.

COMMERCI LITTERARII
AD
REI MEDICAE ET SCIENTIAE
NATVRALIS INCREMENTVM
INSTITVTI

Hebdomas nona.

Norimbergae a. d. XXVII. FEBRVARII cl. lccc XXXII.

I.



Atisbonae hortulanus doctus atque expertus Dom. DEHTLEFF (*THEOPHIL.*) SIMSON, singulari cura ac studio alit plantas peregrinas atque rariores, tum impensis Dom. HIER. LOESCHENKOHLII, mercatoris et rerum naturalium singularis aestumatoris, in ornatissimum hortum suum illatas, tum propriis sumptibus comparatas, et in horto Dom. JOH. LVD. BÜRCKELII educatas. Ex hisce anno superiori vergente florida conspiciebatur *Aloe* sic dicta *Americana Fuccae foliis*. Quam primum hoc D. D. TREVV annunciatum fuit, sollicitus ille erat, vt surculum floriferum et folia naturalia, nec non habitum totius plantae, viuis coloribus artificiosa manu depictum, vnacum historia plantae specifica impetraret. His acceptis, intellexit, hanc plantam illam ipsam esse, quam Dom. Lic. de SPREKELSEN in horto suo florentem vidit, atque pro *Aloe americana draconis folio serrato Commelini prael. bot. p. 67.* agnoscendam, sed *Tuccam draconis folio serrato reflexo* dicendam esse sustinuit, de quo *Spec. XVIII p. 140.* egimus. Monet autem hac occasione D. D. TREVV 1) quod icon Domini de SPREKELSEN ex omni parte conueniat cum *Aloe americana iuccae foliis arborecente Kiggelarii Commel. prael. bot. p. 64.* aequae ac illa Ratisbona accepta. 2) quod *Aloe iuccae foliis Volk. Fl. Nor.* sit *aloe americana tuberosa minor spinosa H. A. P. II. p. 37.* et *Aloe peregrina iuccae foliis variegata ex viridi et albo maior Eiusd.* sit *Aloe Zeylanica pumila foliis variegatis H. A. P. II. p. 41.* eadem minor Eiusd. vero, *Aloe Guineensis radice geniculata folio variegato Commel. prael. p. 84.*

H. A. l. c. p. 39. Sub nominibus quippe a se indigitatis has plantas accepit Excell. D. D. VOLCKAMERVS, experientiam vero alia illum docuisse ipse nuper affirmavit. 3) quod descriptio atque delineatio *Aloes americanae draconis folio serrato Commel. prael. bot. p. 67.* haud facile inter se conciliari possint. 4) quod *Aloe americana tuberosa minor spinosa*, supra memorata et in horto Excell. D. D. VOLCKAMERI considerata, si iunior, cum figura in *H. A. l. c.* exhibita, si vero adulta, cum illa *draconis folio serrato* maxime conueniat. Haec scilicet, vltra decennium iam vegeta, in caudice vnum pedem crasso, et tres quartas eius partes alto, sustinet folia tres pedes longitudine quandoque superantia, prope caudicem sesqui pollicem lata, et vnum pollicem crassa, mox vero paululum angustiora, atque deinde ad trium vsque pollicum latitudinem aucta, sed magis extenuata ex pallido laete virentia (*Sittig-grün*) atque per totam partem auersam leuiter exasperata, insuper, praeter mucronem extremitatis, in ambitu, cum primis a caudice ad medium circiter longitudinis vsque, paruis sed validis aculeis, in aliis frequentius, in aliis rarius, in nonnullis tamen prorsus non munita (*conf. tab. 16. Commel. prael. bot.*), ceterum vero Yuccam, seu quod, dempto extremitatis aculeo, idem fetme est, Draconem arborem habitu suo aemulantia. Cur autem saepius laudatus Dom. Lic. de SPREKELSEN plantam suam cum Aloe draconis folio serrato comparauerit, causa forsitan est, quod ille folia non solum per totum ambitum, sed etiam per costae partem externam et superiorem, leuiter serrata, vel potius crenata, conspexerit (ita sane illius Ratisbonensis apparent folia, non solum quae adulta facta sunt, sed etiam quae ex medio seu corde nouiter prodierunt, itemque quae stolones recens generati protruserunt; imo nonnulla quoque ipsius figurae Sprekelsenianae) cel. COMMELINVS vero in sua descriptione atque delineatione Aloes iuccae folio addere oblitus fuerit, in illa vero draconis folio et verbis et figuris exprimere studuerit. Accedit quod COMMELINVS huic radicem tuberosam, crassam et magnam; illi fibras plurimas intus albicantes, extus rubras, et quarum nonnullae vnciae crassitiem habent, tribuat; Ratisbonensis vero, et sine dubio etiam illa Sprekelseniana, tubera, illis yuccae vulgaris simillima, ostendat. Nondum autem sufficientes adsunt rationes, quae nobis persuadeant *Aloen iuccae foliis Commelini* speciem iterum differentem existere: fibrae quippe, quas tubera spargunt, exacte conueniunt cum descriptione Commeliniana: sub cuticula enim fusca et rugosa apparent illae purpureae, medullam albam fibrosam ac ferme ligno-

sam continentes. Patet inde plantam, de qua sermo est, facie sua aequae ad folia yuccae vulgaris, quam arboris draconis accedere, rectius tamen, ad euitandam ambiguitatem, hic occurrentem, appellari posse *Yuccam americanam foliis crenatis*. An vero *Aloe americana draconis folio serrato*, vel *Aloe americana tuberosa minor spinosa Commelini* vera etiam sit yuccae species, flos, a nemine adhuc descriptus, aliquando forsân comprobabit. Intercedit autem aliqua etiam differentia inter yuccam Spreckelsenianam et Ratisbonensem, quam huius historia specialis, tum ex relatione laudati Dom. SIMSONIS, tum ex autopsia concinnata, cum illa in Specimine citato exhibita collata, clariorem reddet. Ratisbonensis itaque ex caudice 4. pedes alto circa medium Septembris a. praet. protrusit scapum valde ramosum post tres hebdomades 2. pedum longitudinem aequantem (vidit autem quondam Dom. SIMSON eandem speciem fastigio suo ad 20. pedes elatam) et per integrum mensem floridum. Numerus ingens et densa congestio florum obstabat, quo minus computus accuratus illorum institui potuerit, facile tamen deprehendebatur illos numerum 400. excessisse. Magnitudo, et longitudine et latitudine laciniarum, paulo minor erat floribus yuccae vulgaris. Color omnium intus candicabat et splendebat, extus vero valde discrepabat: in aliis quippe tantum etiam candidus, in aliis vero prope petiolum vel apicem maculis et striis purpureis variegatus conspiciebatur. Alii nondum aperti, totiam ex carmesino eleganter rubebant, et aperti successu temporis purpuram induebant. Odor animaduvertebatur levis et liliorum aemulus, sole occiduo vix amplius perceptibilis. Interdiu, cum primis medias sole tenente vias, flores expandebantur, stellantemque referebant olympum; coelo vero nubilo et vespere ingruente, cymbala concaua conspicienda praebebant. An haec sufficiant pro diuersae speciei caractere? aliis diiudicandum relinquimus, hoc tamen monemus, nomen specificum eo forsân esse extendendum, vt species haecce commode appellanda sit *Yucca americana altissima foliis crenatis multiflora, floribus minoribus partim candidis partim purpureis*. Ceterum Dom. SIMSON suspicatur hanc yuccae speciem esse eandem, quam ABRAHAM. MVNTINGIUS (naauvvkeurige beschryving der aardgevvassen p. 663.) *Yuccam americanam filamentosam* appellauit, non obstante, quod addiderit, huius folia, vulgari seu gloriosae similia, in utroque ambitu longis filis, setas ex cauda equina mentientibus, esse ornata: quum insolitum sit folia eiusmodi consistentiae et structurae cernere filamentosa. Nullam saltem speciem vel natura vel pictura

vmquam huic similem illi obtulit. Quemadmodum etiam idem reliquas duas yuccae species, a MVNTINGIO ibidem expositas (quarum vnam *Juccam brasilianam stellato mucronato folio*; alteram *Juccam americanam obtusifoliam* appellat) nunquam, vel depictas vel descriptas, multo minus a natura ipsa productas, cernere potuit, nisi quod recordetur se easdem olim in itinerario quodam, bataua lingua conscripto, permultis vero fabulis referto, depictas sed vix descriptas offendisse, ex quo fortasse MVNTINGIVS notitiam earum hauserit. Hisce vltiori indagationi relictis, id vnicum adhuc monemus, flores yuccae nequaquam secundum DILLENIVM *app. plant. Gissens. hexapetalum*, sed, rectius notante BOERHAAVIO *ind. plant. alt. monopetalum* esse. Vberiores horti culturae Ratisbonensis prouentus recensendi, alii reseruantur tempori.

II. *Parisiis*. In congregatione Illustrissimae Academiae Regiae scientiarum a. d. 14. Nouembris a. pr. facta, Dom. FONTNELLE perorabat in laudem Illustrissimi Comitis de MARSILLY, vt et celeberrimi Dom. du VERNAY, Anatomices in horto Regio Professoris atque in Collegiis Chirurg. Reg. demonstratoris. Dom. BOLDVC differebat de diuersis generibus Salis amari quarundam aquarum mineralium sobolis. Dom. DV HAMEL de incremento arborum, et alius Academicus de anxietate praecordiorum.

III. *Gedani* sub praelo iam sudat, proximis nundinis paschalibus publicandus, tractatus, cui titulus: JOH. PHIL. BREYNII *Med. Doct. et A. N. C. et Reg. Soc. Lond. Sodalis Dissertatio physica de Conchyliis siue Testaceis polythalamiis, noua scilicet testaceorum classe. cui quaedam praemittuntur de methodo noua, Testacea in classes et genera distribuendi. Huic adiicientur commentatiuncula de Belemnitis Prussicis, tandemque schediasma de Echinis methodice disponendis. 4to. Conf. Spec. LII. pag. 413.*

IV. *Syluae Ducis*. Inaugurationem recens exstructi auditorii publici Lycei, ibidem conditi, A. 1731. celebratam Domini Professores, quilibet in sua facultate, oratione sollemni condecorarunt, et inter hos ad d. 23. Iulii Dom. DAN. MOBACHIVS QVAET *Med. Doct. et Prof. de historia Medicinae a mundo condito in hunc diem*, differuit.

V. *Petropoli* scribitur, nouam inibi, a. d. XIII. Decembr. officinam aulicam pharmaceuticam, cuius peculiaris sedes et domicilium aptissimum in platea *Postarum* dicta collocatum fuerit, instau-

stauratam esse ; in qua maxime concinno ordine instruenda , simul ac miro splendore exornanda , (nam omnia eius vasa ex optimo Porcellanae Sinensis genere elegantissimum in modum confecta sunt ;) Archiatrum Imperatricis D. D. de BLVMENTROST tantam curam operamque posuisse , vt omnium illa oculos in se conuertat.

D.D. JOH. SEBAST. STEVBE obseruatio *de exulceratione vesicae vrinariae et vteri.*

Femina huius loci LXIII. annorum , diu fluore albo , postea incontinentia vrinae vexata , mox foetidam plane materiam modo sanguineam , modo carnosam , mox albicantem non sine insigni dolore fudit , et tandem inter cruciatus maximos An. 1726. efflauit animam. In ea deprehendebamus sceleton naturale , et deinceps aperto cadauere intestina maxime inflata , in cordis ventriculo autem dextro ac arteria pulmonali polypos carnosos , vesicam vero vrinariam plane nullam. Vreteres paulo breuiiores in se inuicem quasi digressi , et ex illis sinister haud procul a rene ita dilatatus , instar ichthyocollae formatus , vt vesicae vrinariae defectum supplere videretur , vltimo pars fundi vteri admodum parua se nobis offerebat.

Dissertatio inauguralis medica , *de Matheos in medicina ac praesertim practica utilitate* , quam in Academia patria Helmstadiensi , a. d. 20. Sept. 1731. proposuit JOH. GERARDVS WAGNERVS. 4. pl. 8. *Stanno Buchholtziano.*

Antequam doctissimus A. ipsam argumenti sui tractationem aggredditur , primum in genere nonnulla praemittit a §. 1 - 6. quae partim dicendorum inseruiunt illustrationi , partim viam pandunt ad ipsam eorundem accuratiorem euolutionem. Nimirum §. 1. rationem instituti sui expositurus , refert , antiquissimis temporibus omnia eruditionis genera philosophiae nomine coniuncta fuisse , non apud Graecos solum , sed antiquiores etiam eruditos , Aegyptios Indosque , litterarum studia laudabiliter connectentes ; atque ex hac veterum moris contemplatione illud deinde conficit , vt et nos

illas artes, quae propiori nexu inter se cohaerent, et mutua sese commendant vtilitate, arctissime coniunctas esse velimus; hancque rationem suscepti in se thematis indicat. §. 2. docet, quid vocabulis vtilitatis, medicinae et matheseos denotet; cuius posterioris sensum §. 3. vltius explicat, monendo, sub matheseos nomine heic medicis non commendari Astrologiam, cui secta Jatro-mathematicorum olim studuerit, et de cuius origine paucis disquirat; praetereaue notando, mathematici atque astrologi nomen aliquando fuisse permutatum, et superstitiosum id hominum genus superstitiosis temporibus, et patrum etiam nostrorum memoria, nostraque adhuc aetate, reperiri. Transit hinc §. 4. ad considerationem vtilitatis matheseos communis, quam omnes inde in vniuersum reportant artes atque scientiae, culturam nempe intellectus, tanto magis expetendam in medicina, quanto haec ars magis salutaris est, plusque adeo ad salutem communem conducit, vt ad illam exercitandam bene praeparatas animae vires afferamus, olim iam illud perspiciente HIPPOCRATE. §. 5. ostendit argumentum praesentis dissertationis duplici modo exponi posse; ipsum vero eum ordinem elegisse, quem disciplinae medicae suppeditant. §. 6. monet, se in hac diatriba nullam esse curam habiturum definitionum de illis matheseos ac medicinae quas recenset partibus. Hisce praemonitis, ad rem ipsam procedit, et §. 7. enumerat matheseos in *anatomiam* merita, quae praeter mechanica instrumenta, quibus adiuuatur, ex hydraulicis nimium quantum creuerit, dum eius beneficio iniectiones peragere didicerit, quam artem mirifice excoluisse RVYSCHIVM constat. Anatomiae deinde per mathesin ita excultae commoda, in physiologiam redundantia, §. 8. refert. Quantum vero adiumento fuerit optice anatomiae, ad paruarum corporis humani partium figuras conspiciendas, §. 9. ostendit; quorum inuentorum vsum in praxi chirurgiae, partim generali, partim speciali, §. 10. declarat exemplo amputandi brachii, post vulneratam arteriam, cuius rei operatio tantum non penitus hinc sublata sit. Idem §. 11. in praxi morborum interna, ab exemplo venae portae deductum, euincit. Et tandem §. 12. siphonum meminit, quorum vtilitatem medicina forensis seu consultatoria et chirurgia iam experta sit. Ab his ad *physiologiam* descendit, §. 13. quae, quum omnes C. H. actiones mechanice explicet, non possit non vsum mechanices maxime necessarium eloqui. Exempli loco adducitur respiratio, cuius instrumentorum structura manifestat, inspirationem fieri thoracis amplificatione, et quale sit pulmonum in negotio

respirationis munus. Harum porro thesium vsum in pathologia commonstrat, definiendo prudentissimam medendi methodum in pleuritide spuria duplicis generis; adiectis cautelis practicis circa pinguum vsum externum. Vltcrius §. 14. docet, nullam totius doctrinae de musculorum motu cognitionem dari sine mathesi. Quis statices vsus fuerit, ex inuento transpirationis Sanctorianae, et resultante inde methodo compluribus morbis medendi, §. 15. comprobatur. Non minorem asserit vtilitatem hydrostatices, in exploratione pulmonum vel aquae innatantium, vel fundum petentium, §. 16. Optices autem in physiologiam merita §. 17-20. enumerat, vtpote cuius adiumentis non solum phaenomena visus, sed et modi, quibus variis imbecillitatibus visus suppetiae feruntur, perspiciantur; annexa eiusmodi myopsin emendandi ratione, quam ipsemet excogitauit, et experientia comprobata reddidit §. 18. Vnde porro §. 19. non esse dubium concludit, quin et presbyopsis, pari ratione prudenter tractata, corrigi possit, quam coniecturam exemplo quodam corroborat. Seorsim §. 20. declarat, opticis acceptam deberi anatomicarum botanicarumque minutiarum cognitionem, vt et morborum inflammatoriorum in partibus externis naturam, cui prudens curatio superstrui debet; quorum omnium vltcrior cura, si medici velint operam adhibere, speranda imo certo promittenda. Similiter de sensu auditus bene meritam esse mathesin §. 21. euincit; et §. 22. in acustices vsum inquirat. Ad hygieinem accedens §. 23. et 24. geographiae mathematicae et medicinae staticae vsus, ac emolumenta, quae inde in illam deriuata sunt, expendit. Pathologiae quantum luminis accenderint principia mechanica, modo vere mechanica sint illa, nec ex ingenio conficta, §. 25. adstruit, explicataque §. 26. genuina de morbis mechanice philosophandi ratione, seu pathologiae mechanica vera, natam inde medendi methodum rationalem §. 27. sistit. Pharmaciam, tum numero, pondere et mensura omnia distribuentem, tum in selectu materiae medicae atque eius praeparatione matheseos ope indigentem, §. 28-32. prosequitur; allatis exempli loco BOYLEI conaminibus, qui ad explorationem materiae medicae hydrostaticen feliciter applicuerit, cuius normam in pluribus adhibendam §. 29. inculcat. Gradum illinc ad Chirurgiam promouet §. 33-35. Allegatis primum luxationibus ossis humeri et maxillae sine machinis reponendis, ipsa mechanices in chirurgiam commoda enarrat, dum ope instrumentorum et machinarum, quae illa subministrat, morbi tollantur, et variae enchireses in operationibus chirurgicis varia ratione facilitentur atque

atque expediantur, in cuius rei testimonium machinam PETITI pro reponendo capite ossis humeri adducit, quam Cel. HEISTERVS ex principiis mechanicis emendauerit. Adhaec quantum hydraulica chirurgiam iuuerit ex amplissimo siphonum vsu, variis in casibus vsurpandorum, adstruit. De *Botanica*, quid meruerit optice, §. 36. significat. Tandem §. 37-39. *Therapiae* mentionem facit, fusius explicando, quantum arithmetica valeat in proportionandis ingredientibus, iisque definiendis pro iusta dosi, ad aetates hominum diuersas, robur aegri, morbi magnitudinem, varios medicamenta nunc fortius nunc secus parandi modos, et rationem medicamentorum nunc recentium, nunc obsoletorum, attemperanda. Denique §. 40. omnem fere melioris notae *praxin medicam mechanicam* esse asseuerat. Coronidis loco §. 41. breuem subnectit *anacephalaeosin* dissertationis, de varia eruditione, solidaque Auctoris sui scientia satis commendandae.

LIBRI NOVI.

I. CHRIST. GODOFR. STENZELII Torgauensis, artis salutar. et philos. Doctoris, Facult. med. Assess. et chirurg. in Academia Vitembergensi Professoris publici Medicina theoretico-practica aphorismis in vsum auditorum suorum comprehensa. *Francof et Lipsiae* impens. Gottl. Henr. Schvvarzii 1732. 8uo alph. 1. pl. 2.

II. D. Geor^g Ernst Stabi Königl. Preuß. und Churfürstl. Brandenb. Hofraths und Leib-Medici *Materia medica, das ist, Zubereitung, Krafft und Würckung derer sonderlich durch Chymische Kunst erfundenen Arzneyen*, 2c. i. e. GEOR. ERN. STAHLII *Materia medica, seu praeparatio, vis et operatio medicamentorum, inprimis chymicorum*, qua non solum primaria medicamenta ex sole, luna, Marte, Venere, Saturno, Ioue atque mercurio confecta recensentur, sed etiam alia ex mineralibus producta remedia adducuntur, insuper optima medicamenta ex vegetabilibus et animalibus desumpta, communicantur. Ob praestantiam suam ex latina lingua in germanicam conuersa, publicae vtilitatis gratia altera vice impressa, atque appendice specificorum aucta. Pars I. *Dresdae* apud Joh. Christ. Zimmermanni haeredes et Joh. Nic. Gerlachum 1731. 8. Alph. 1. pl. 1. *Uederer Theil der Materiae medicae*. i. e. *Materiae medicae pars altera*, qua optima praecipue simplicia, vt et in parte I. omissa, vel postea reperta, ex scriptis ipsius studiose collecta, lingua germanica manifestantur. *Ibid.* 1731. 8. pl. 12.

III. *Dissert. inaug. de Haemorrhagia viarum urinarum*. Praef. FR. HOFFMANNO, Resp. M. GODOFR. HFINSIVS. *Hal. Magd.* mens. Sept. 1731. pl. 3. cum dimid.

IV. *Dissert. inaug. de acidulis Veteraquensibus in Silesia vulgo Altwasser Sauerbrunnen*. Praef. EODEM. Resp. SAM. ROHNCKE. *Ibid.* mens. Sept. 1731. pl. 3.

V. *Dissert. inaug. de genuina chlorosis indole, origine et curatione*. Praef. EODEM. Auct. GODOFR. AVG. EMMRICH. *Ibid.* mens. Sept. 1731. pl. 4. cum dim.

VI. *Dissert. inaug. de Metastasi siue sede morborum mutata*. Praef. EODEM, Resp. SAM. SONTAG. *Ibid.* mens. Sept. 1731. pl. 6.

COMMERCHII LITTERARII

AD

REI MEDICAE ET SCIENTIAE
NATURALIS INCREMENTVM
INSTITVTI

Hebdomas decima.

Norimbergae a. d. V. MARTII cl. lccc XXXII.

I.



Norimbergae D. D. TREVV ante tres iam annos conari coepit *Anatomen vegetabilium* methodo Ruyschiana suscipere: quumque id feliciter Ipsi cesserit, haud ingratum publico fore existimavit, si encheireses, quibus utitur, fideliter cum illo communicaret. Hunc igitur in finem sequentem relationem, schediis nostris inserendam,

suppeditavit: Quam primum post cineres adhuc venerandus RVYSCHIVS specimina a se inuentae anatomes vegetabilium in publicum prodire iussit, ad tentamen imitationis instituentum me inuitabat, tum amoenitas, tum utilitas exinde detegendorum. Erant tunc ad manus folia Hederae arboreae. Recordatus, me olim iam prope riuulos quandoque offendisse folia arborum delapsa, ab inuolucris suis aequae ac parenchymate suo denudata, et nexum fibrarum suarum maxima ex parte manifestantia; causam praeterea in aqua macerante atque solvente latere, facile suspicatus, folia praedictae hederae in vas terreum conieci, et aquam superfudi. Media id peragebatur aestate, sed plura interueniebant impedimenta, quo minus suscepto operi debita cura inuigilarem, et aliquot decurrebant septimanae, ante quam examen mutationis instituere possem. Tandem autem illud suscipiens, putredinem iam dudum accessisse inueniebam, hincque irritum prorsus successum metuebam; aquam tamen puram affundebam, et omne, quod putredo consumserat, abluere. Hoc peracto, praeter spem complura in conspectum veniebant retia subtilissima, ex filis lignosis

K

can-

candicantibus pulcerrime constructa, et totum cuiusvis folii ambitum determinantia, sed a petiolis suis penitus soluta. Haec inter chartas exsiccaui, alia vero recentia folia, eadem quidem, sed curatius instituenda, methodo examinare decreui. Hisce igitur quotidie ferme recentem superfudi aquam, sed observaui, folia per aliquot septimanas in eodem statu permanere. Putredinis ergo aliquem, etsi non ultimum gradum accedere et cooperari debere, sic edoctus fui. Aquam itaque non amplius mutaui, frequentem tamen inspectionem haud neglexi. Hac ratione demum vidi cuticulam folii supernam et infernam ab aqua, per poros introgressa, eleuari, et a corpore folii penitus separari, vtramque tamen per totum ambitum sibi inuicem cohaerere, seu potius vnam alteri ibi continuam esse. Interiorem mutationem tunc quoque videre cupiens, folium quoddam exemi, facilique negotio vtramque cuticulam detraxi, simulque aquam totum illud parenchyma, viriditatem constituens, soluisse intellexi, sicque rete supra memoratum non solum integre conseruatum, sed etiam cum petiolo suo adhuc cohaerens, impetraui. Quum autem, hac incedens via, observaue- rim cuticulam folii vtramque integram abscedere, et non nisi in circumferentia cohaerere, tentauit an non fieri possit, vt ambas di- uiderem, et vna cum reti conseruarem. Extra aquam id minus succedebat; membranae enim solutae corrugabantur, atque lacerationes ineuitabiles subsequiebantur. Aliud ergo folium sinistra manu sub aqua, in vase contenta, detinui: dextra vero, ope cultelli, vulnus prope petiolum in ambitu, dextram respiciente, infixi, atque vtramque cuticulam in ipso cohaesionis loco, per totam peripheriam, absque vlla laceratione dissecai. Iucundissimum sic visui sistebant spectaculum ambae cuticulae, tenuissima membrana pergamena tenuiores, vna cum reti petiolo adhuc adhaerentes. Parenchyma membranis et reti adhuc inhaerens, digitis facile abstergebatur, et folium ita praeparatum in liquore suspensum conseruare nullam inuoluebat difficultatem; maiorem vero idem exsiccare, quia tenerrimae cuticulae extra aquam statim in rugas et plicas voluebantur inexplicabiles. Vt autem eam quoque superarem, sequentem excogitaui modum. Aqua nimirum repleui vas quoddam amplum et vix vltra duos pollices profundum. In hoc conieci folium iam praeparatum et probe elotum, cuius plicas in aqua facile rursus explicare potui. Porro adhibui quatuor frusta chartae crassioris, laevis tamen, magnitudine sua folium paulo superantia. Primum frustum ad fundum vsque vasis adegi, et supra hoc inferior-

rem

rem folii cuticulam explicui, hanc sinistra manu in situ plano firmiter detinui, dextra vero alterum chartae frustum, inter hanc cuticulam et rete, ad petiolum vsque, immisi, nec non reti, supra haecce expanso, tertium chartae frustum imposui, tandemque superiorem cuticulam, super hocce pariter explanatam, ultimo frusto cooperii. Hisce peractis, imum et summum chartae frustum vtraque manu comprehendere, et hac ratione omnes folii partes, optime explicatas, extraxi, easque intra haecce chartae frusta, ope chartae bibulae et accedentis compressionis, a maxima humiditatis suae parte liberaui. Ne autem, post plenariam exsiccationem, separatio folii a charta, vel ob aliquam viscositatem folii propriam residuam, vel gluten chartae humectatum, impediretur, humida adhuc chartae frusta cum siccis commutare tentaui, facilique negotio peregi, et post compressionem repetitam, exsiccationem tandem desideratam obtinui. Hisce indigitatis, monita quaedam addere, imitatores iuuabit. 1) Periculum faciens eligat folia crassioris structurae, v. gr. hederæ arboreæ, quercus, pyri &c. eaque iam adulta. Quamuis enim in tenerioribus res non minus succedat, maiorem tamen difficultatem, exercitio demum superandam, fuisse, experientia comprobabit. 2) Seligenda sunt folia recentia, nulla cicatrice, haud raro in iis conspicua, infecta: ad has enim cuticulæ cum reti adeo concretæ deprehenduntur, ut absque laceratione separatio neutiquam succedat. 3) Folia resinosa, pini, abietis, rosmarini, lauri, mali aurantiae etc. diuturnam exposcunt macerationem, antequam cuticulæ eleuentur. Ultra trimestre in his requiri experientia docuit. 4) Leui calore accedente, separatio acceleratur. 5) In separatione membranarum cultellus dirigatur inter membranam superiorem et rete, seduloque prospiciatur, ne cuspide fibrillae retis laedantur. 6) In foliis, quae tempore autumnali a petiolo sponte sua abscedunt, v. g. mali armeniæ, hederæ arboreæ, siliquæ seu ceratoniae etc. eo in loco, ubi folium cum petiolo cohaeret, omnis praecauenda est motitatio vel violentia, quia rete a petiolo facillime secedit. Iuuat itaque locum hunc sinistra comprimere, dum dextra membranæ et rete eluuntur. 7) Duo frusta chartae inter cuticulas et rete reponenda, ad illum locum quo petiolum tangunt, hiatum ut habeant, requiritur in illis foliis, ubi margo eorum petioli termino inferior est: alias enim integrae superficiei folii respondere nequeunt. 8) In exsiccatione foliorum tenerioris compagis, permutatio frustorum chartae siccae interpositorum, plus simplici vice ut instituitur,

experientia commendat. 9) Si folium praeparatum spiritui vini vel frumenti rectificato aliquamdiu committitur; idemque loco aquae in explicatione folii exsiccandi adhibetur, exsiccatio celerior et securior obtinetur. Si folii structura interna ex variis fibrarum seriebus, vt e. g. in opuntia, constat, hincque earum integritas compressionem recusat, absque spiritu vini, vel frumenti, rectificatissimi adminiculo, exsiccatio optata vix est speranda. 10) Num folia herbarum, quorum fibrae seu vasa nimis tenera sunt, pari modo examinari et conseruari possint, successu hucusque destitutus, affirmare non audeo. De fructibus atque radicibus vero quam plurimis nullum est dubium, postquam experientia testis est omni exceptione maior. Obtulit horum complures Illustr. RVYSCHIVS *aduersar. anat. Dec. III. p. 8. Thes. max. n. 27. 41. 50. 183. 200. et p. 31. lit. B. Thes. anat. post curas poster. nouo n. 60. 63. 81. 89. 115. 127. 133. 138.* Praeparavi et ego horum nonnullos. Notandum autem est, horum examen nullum quidem aliud menstruum, quam aquam, requirere, (vt saepius laudatus RVYSCHIVS *aduers. l. c.* ipse reuelauit) encheireses tamen in diuersis illorum generibus differre, quae vel aliis, vel alio tempore, recensendae venient. Nunc autem coronidis loco paucas adhuc subnecto obseruationes, ex foliorum anatome collectas. 1) Aquam poros foliorum facilius ingredi, quam egredi, vel potius pororum fabricam ita constitutam esse, vt humiditatem facilius admittant, quam emittant; id quod clare docet eleuatio cuticularum in maceratione. Patet inde ratio constantis viriditatis, et celeris, post pluuiam vel rorem, refectionis. 2) Cuticula folii inferior in quibusdam generibus, v. g. tilia, ceraso etc. tam tenera est, vt eam vix obseruare, multo minus separare potuerim. 3) Cuticula folii vtraque, cuticulae petiolum vestienti, continua est. 4) Facilis solutio illius nexus, qui fibras petioli ac retis in quibusdam foliorum generibus intercedit, demonstrat nexum hunc fieri per compagem teneriorem. Quum ergo sub autumnio folia ista de petiolis suis sponte decidant, causam in exsiccatione cuticulae atque compagis huius intercedentis, ob defectum nutrientis humiditatis subsequente, latere in aprico est. Eandem quoque causam dirigere spontaneam solutionem petioli a ramo suo, ratio suadet. 5) Compositionem atque directionem fibrarum petioli et retis, in quouis foliorum genere diuersam, causam esse vltioris praeparationis succi cuius plantae specifici, indigitat analogia corporum animantium. Quemadmodum enim Cel. D.D. RVYSCHIVS vbique fere in suis operibus, atque D. D. NICOLAI in Dissertatione

tione sua inaugurali, *de directione vasorum Argentorati 1725.* ventilata, aliique satis superque comprobarunt, diuersam succorum in corpore animali praeparationem atque secretionem, non nisi a diuersa vasorum fabrica atque directione dependere; ita eundem mechanismum in plantis quoque occurrere, perlustratio partium, methodo supra explicata examinatarum, manifestat, simulque viam pandit ad potentissimi, sapientissimi ac optimi Creatoris vestigia, in hisce quoque creatis, maiori illustratione intuenda: de quo conferatur JOH. CHR. BOHLIVS in *dissert. epistolica ad RVYSCHIVM de usu nonarum Cauae propaginum etc. p. 4.* et semper laudandus RVYSCHIVS locis citatis, et in responsione ad BOHLII *Epist. p. 4. 6. seqq.* Vtinam ergo complures manum admouerent accuratis et veritati innixis obseruationibus, ac symbolum suum ad systematicam cognitionem eruendam conferrent. Vtinam etiam quilibet encheireses, quas vel fortuna vel ingenium manifestat, publico haud inuideret! Vnus enim multa, multi vero plura praestare possunt; neque maior est gloria multa scire, quam multa docere. Tabula, quam adiecimus, folia exenterata, vel nondum depicta vel cuticulis suis adhuc praedita, continet.

II. *Dublino* a. d. V. Jan. nunciatur, honoratiores ibidem personas societatem iniisse agriculturam, artes et operas huius regni manufactas excolendi causa, cuius praesidium ipsum Viceregem in se susceptum voluisse, constituto insuper, qui ipsius vicarius sit, Primante regni, Episcopo Ardimachensi.

III. *Excerpta medica ex Diario litterario nono*, Bibliothecae Belgique, *Lugduni Batavorum* apud Joh. Luzac impresso. Anni 1731. *Mens. Julio Artic. 5.* Perillustres Vniuersitatis Lugduno-Batauae Curatores constituerunt Dom. HIERON. DAVID. GAVBIVM, qui Chemiam ibi doceret, (*Conf. Spec. XIII. p. 97.*) postquam illustris BOERHAAVIVS hanc Professionem miserat, amplioribus quippe honorum accessionibus munerumque dignitatibus merito suo auctus. Ille delatam sibi prouinciam publica et inaugurali oratione, *de chemia artibus academicis rite inferenda*, auspicatus est a. d. 21. Maii. An. praeter. Oratio haec typis impressa prostat apud Bibliopolas. *Mens. August. Artic. 2.* Domini Collectores huius Diarii litterarii, Chirurgiam repurgatam Dom. JOH. van GORTER, *Med. Doct. et Prof. Hardernicensis*, (*Conf. Hebd. VII. p. 56.*) ab se perlustratam sistunt,

eiusque contentorum exactam recensionem, sparsim adiectis annotationibus, communicant. Reliqua sequentur proxime.

IV. *Excerpta ex Litteris Dom. Lic. J. S. CARLII ad D. D. GOETZIVM.* Observatio D. D. STORCHII Spec. XVIII. n. II. p. 137. *de damnis pellentium in partu difficili*, a pluribus aliis Practicis iam suppeditata, a me etiam confirmatur. In plurimis scilicet partibus laboriosis temperantia potius antispasmodica, quam roborantia, adhibenda. Vnde in aulis methodo meae et monitioni assuetis solum pulverem temperantem semel, bis vel ter in moliminibus ad partum exhibent, interpolatis infusis Theae, Caffee, iusculis gallinaceis, quin Limonadae parum, vltimum tandem nifum hepatis anguillae tantillo promouentes. Hae siquidem sanguinem non adeo exaestuunt, vt aromata, myrrhata, etc. multum ad lochia nimia, febres puerperarum, purpuram etc. conferentia. Inde etiam in plethoricis, vbi abundantia elaterem infringit, deficientibus ad partum doloribus, vena pedis secatur, quam mox dolores subsequuntur. Consulto itaque mense vltimo haec ventilatio in pedibus plethoricarum administratur etiam ab iis, quibus venae sectio in pede medio gestationis tempore valde suspecta haberi solet.

Ernst Eusebii Richters, Med. D. Fürstl. Schwarzburg. Leib Medici und Land-Physici, Digesta Medica etc. h. e. ERNESTI EVSEBII RICHTERI, Med. Doct. Sereniss. Principis Svarzburgici Archiatri et Physici Prouincialis *Digesta Medica, seu decisiones Medico-Forenses, siue Edicta et responsa Juridico-medica, de varii generis quaestionibus et casibus, difficilibus, dubiis et raris, quae in praxi subinde occurrerunt, et ad Medicinam atque Chirurgiam pertinent, causamque vulnerationum attingunt, in emolumentum tum publici, tum eorum, qui arti medicae et chirurgicae operantur, nec non in usum Iureconsultorum et Practicorum luci exposita; annexa est series casuum propositorum et index accommodus.* Lipsiae et Budissinae, impensis David. Richteri bibliopolae 1731. 4to Alphab. 5. pl. I.

Dedicationi ad Serenissimum Principem Svarzburgicum GVN-
THERVM directae, Clariss. Dom. Autor se subscribit senem
vnius

vnus et septuaginta annorum. In praefatione ad lectorem causam exponit, ob quam hunc librum typis euulgari curauerit. Plures equidem, inquit, iam abhinc, et nuper elapsis annis, in lucem prodiiſſe auctores, qui de vulneribus, tam periculosis, quam lethalibus, scripta publicauerunt, simulque deprompta ex archiuis Academiarum celebriorum, et in his ordinis praesertim medici prudentissima enuntiata atque responsa annotarunt; quoniam vero in nullo ex illis obseruatum haecenus fuit, allegata simul fuisse responsa iuridica, pro et contra exhibita, nihil quoque de iis relatum, quae a causae patronis in eiusmodi casibus defendendi gratia acta fuere, quaeque a Fiscali contra ea moneri assolent: ego autem in praxi mea multos subinde, eosque difficiles et insolitos casus, ipsemet diiudicaui atque composui, responsa insuper, tam a Scabinis quam a Medicis, lata, una cum annotationibus quibusdam de vulnerum lethalitate collegi atque consignavi; suasu et rogatu fautorum et amicorum quorundam eo adductus fui, ut illa cum publico communicarem, quod tyrones fortasse, vel Iudices vel Aduocati, vel Medici exinde consilium petere, aut utilitatem capere possint; quibus ego obtemperaturus, assistente DEO, hunc laborem, hasque Decisiones Medico Forenses publicae luci exponere tentavi. Quodsi expectationi atque desideriis, uti spero, satisfecerim, calcar non tantum id mihi addet pluribus euulgandis; verum etiam, iucundum erit atque acceptum, quod tempus non perdiderim. Sin vero momus exsurgere, mihi obicere velit, quod genio ipsius labor meus non arrideat, liberum ipsi esto, dummodo non tantum carpat, verum etiam emendet atque corrigat: Tritum enim constat, et in secula constabit dictum: Laudatur ab his, culpatur ab illis, et inuenta noua adduntur antiquis. Praefationem sequitur series singulorum casuum et decisionum Medico-forensium, quos in nouem Decades dispescere placuit Dom. Autori: ex quibus, exempli loco, vnus tantummodo contenta dabimus. In Decade statim prima sequentes habentur casus: I. Contusio cranii cum fissura, per se et absolute lethalis. II. Capitis vulnus lapide factum, lethale. III. Melancholica pro fascinata habita. IV. Contusio occipitis cum duplici fissura, sphaerae lusoriae iactu facta, lethalis. V. Contusio cum laceratione muscoli temporalis, eiusque ossis fractura, lethalis. VI. Vulnus capitis ab ascia molitorum (*Mühl-axt*) inflictum, periculosum. VII. Quaestio: an verberatio manibus inflicta, vel calcatio pedum necessario mortem causari potuerint. VIII. An lue venerea laborauerit mortua, de qua quaestio monebatur. IX. De vulneribus externis in scipite. X. De contusione capitis sinistri lateris periculosa, iterum ab ascia facta, et quae sunt reliqua. Pollicetur insuper Cl. Dom. Autor, si DEVS vitam viresque concefferit, cum publico communicare sequentia scripta non ita

ita frequenter obuia : I. *de partu septimestri.* II. *de submersorum morte sine pota aqua.* III. *de pulmonum infantis in aqua subsidentia.*

LIBRI NOVI.

I. Spiritus animalis merens exul, iustarumque imputationum plenissime conuictus, aduersus Virum clariss. JOH. PHIL. BVRGGRAVIVM, iun. Doctorem Medicum Francofurti ad Moenum, qui eundem pristinis laribus auitisque sedibus, patrocinante sua cura restituere, et ab imputationibus, caeteroquin iustissimis, absolvere denuo, sed frustra conatus est. Sententiae Apollinis damnatoriae iustitiam denuo defendente atque confirmante ANDR. OTTOMARO GOELICKE, Medico, Professore ac Physico prouinciali Regio *Francofurti cis Viadrum* apud Joh. Godofr. Conradi 1731. 4. pl. 14. Ansam huic controuersiae dedit D. D. GOELICKE scripto quodam, cui titulus: Spiritus animalis ex foro medico relegatus, siue disquisitionum physiologico-pathologicarum Trias, qua fabulosae medicorum traditiones de spirituum animalium existentia, natura, proprietatibus, effectibus et adfectibus morborum enarrantur, totum systema vanitatis falsitatisque coarguitur, tandemque in perpetuum exilium illud relegandum esse, concluditur. *Ibid.* 1725. 4. pl. 15. cum dim. Prodiit enim paulo post JOH. PHIL. BVRGGRAVII, iun. D. M. Francof. ad Moenum de existentia spirituum neruorum eorumque vera origine, indole, motu, effectibus et affectibus in corpore humano uiuo, sano et aegro commentatio medica Viro cl. ANDR. OTTOM. GOELICKE imprimis opposita. *Francof. ad Moen.* apud Joh. Frid. Fleischer 1725. 4. pl. 12. cum dim. Huic D. D. GOELICKE opposuit alterum scriptum sub titulo: Spiritus animalis ex foro medico iuste relegatus, siue vindiciae disquisitionum physiologico-pathologicarum, commentationi medicae Viri clar. JOH. PHIL. BVRGGRAVII etc. qui eundem spiritum neruosum ab imputato crimine liberare, et in forum medicum reducere frustra conatus est. *Francof. cis Viadr.* 1728. in 4. pl. 6. Sed quum in lucem prodiret: Spiritus neruosus immerens exul, pristinis laribus auitisque sedibus summo iure restitutus ac ab iniquis imputationibus Viri celeb. ANDR. OTTOM. GOELI. KII etc. denuo absolutus, patrocinante cura JOH. PHIL. BVRGGRAVII. *Francof. ad M.* apud Frid. Wilh. Foersterum 1729. 4. pl. 10. cum dim.; secutum est a. pr. scriptum supra allegatum. Ceterum ad hanc controuersiam quoque pertinet VRSINI Währmunds M. D. Versuch patriotischer Gedanken über den von Vorurtheilen francken Verstand ic. i. e. VRSINI WAHRMVNDI specimen cogitationum sincerarum in intellectum a praeiudiciis aegrotantem, cum primis in therapia medicorum, cum breui consilio ad curationem eius spectante. *Berolini* apud Christ. Gottl. Nicolai 1727. 8. alph. 1. pl. 2. et Joh. Phil. Burggrafs vertheidigter Beweis von der Würcklichkeit der Nerven-geister ic. i. e. JOH. PHIL. BVRGGRAVII apologetica demonstratio existentiae spirituum animalium, obiectionibus D. D. VRSINI WAHRMVNDI opposita. *Francof. ad Moen.* apud Joh. Frid. Fleischer 1727. 4. pl. 3. nec non scriptum, testantibus nouis litterariis Hamburgensibus, a. pr. publicatum D. D. GOHLII (qui idem est ille Vrsinus Währmund) de insufficientia cerebri ad sensum et motum animale.

II. Dissert. inaug. *de vulnerum renunciatione.* Praef. PETR. GERIKE. Resp. DETLEV. GEOR. HVMM. *Helmstad* 1731. mens. Jun. pl. 4. cum dim.

III. Dissert. inaug. *de vomitu et miltu cruento.* Praef. D. D. JAC. SMITH. Resp. JOH. BENED. KOPETZKY, Bohem-Bidzov. *Pragae* 1731. mens. Aug. 4. pl. 19.

COMMERCI LITTERARII
AD
REI MEDICAE ET SCIENTIAE
NATURALIS INCREMENTVM
INSTITVTI

Hebdomas vndecima.

Norimbergae a. d. XII. MARTII clb lccc XXXII.

L



Rancosurto ad Moenum typis impressum accepimus operis amplissimi, *Lexici medici vniuersalis*, specimen, vnde quae vnusquisque, tum et omnis res publica medica, de praeclarissimo hoc molimine sibi polliceri possit, satis superque licet intelligere. Titulus operis hic est: JOH. PHIL. BVRGGRAVII, Jun. Doct. Med. Francofurti

ad Moenum, *Lexicon medicum vniuersale*, omnium verborum, praecipue vero rerum, ad medicinam et disciplinas illi famulantes spectantium, explicationem systematicam exhibens. Ita ut tam terminorum technicorum, quam inprimis ipsarum rerum in physica, anatomia, botanica, chemia, medicina, physiologia, pathologia et semiotica, cum generali, tum speciali, cum perfectissimis, quantum prostant, morborum historiis, diaetetica sanorum et aegrorum, methodo medendi generali, viribus medicamentorum, horumque officinalium inprimis tam enumeratione, seu materie medica, quam praeparationibus medico-pharmaceuticis, praxi medica, chirurgica, forensi, speciali: cum cautelis et observationibus selectissimis occurrentium potissima momenta, ordine alphabetico, exhibeantur, explicentur, illustrentur, ut vno obtutu, quicquid in vno quouis lemmate, ex omnibus medicinae partibus et disciplinis subsidiariis notari mereatur, systematice perlustrari possit: nec non primaria capita historiae medicinae, tam dogmatum nempe, quam ipsorum medicorum annotentur: ex veterum, recentiorum et recentissimorum probatissimorum Auctorum monumentis vbique fidelissime allegatis, tum propria indagatione, meditatione, experientia, cunctis ad rectae rationis trutinam sedulo pensatis concinnatum. Quae ratione bibliothecae medicae realis instar commode inferui-

L

re

re poterit. Figuris aeneis et indice locupletissimo instructum. Francofurti ad Moenum, sumptibus Friderici Dan. Knochii. Quum ipsa haec libri inscriptio abunde declaret, quid, et quomodo id peragendum sustineat cel. eius Auctor, ex adiecto huic specimini programme illa tantum excerpta dabimus, quae ad plenioram libri notitiam, eiusque comparandi modum scitu necessaria videbuntur. Significatur autem in illo, totum opus sex absolutum iri voluminibus in folio, sed valde mediocribus, ita, vt singula numerum 160. plagarum non excedant; quorum ultimo continebitur index instructissimus, ipsum librum vsibus quam plurimis, saepius forsan inexpectatis, aptiorem redditurus. Externae praeterea operis pulchritudini, siue chartae nitorem, siue litterarum elegantiam spectaueris, ita sollicite consulturum esse bibliopolam, vt ne quid facile amplius circa eandem iure desiderari possit. Initium autem edendorum horum voluminum ipsis nundinis Paschalibus A. 1733. factum, atque ita per quinque subsequentes annos continuatum iri, vt nundinis iterum cuiusuis anni Paschalibus vnum prodeat. Quod ad sumtus attinet, pro quouis volumine redimendo, illos esse duorum florenorum, aut semiducatus, si cui praenumerare placuerit, hac quidem lege, vt constituto praenumerationis termino, qui a die subscripta vsque ad primam mensis Septembris A. 1732. definitus est, pro primo tantum, pro secundo tantundem, et sic porro, erogent. Qui vero praenumerationis commodo frui noluerint, illos pro singulis voluminibus duos imperiales olim soluere teneri. His tandem subnectitur Catalogus fautorum, in nulla non celebrioris nominis vrbe, per omnem fere cultiorem terrarum plagam, reperiundorum, qui pecuniam praenumerandam colligere, inque eius fidem, vsque dum ipsum librum tradiderint, apocham reddere in se susceperunt. Quumque vnum horum quodque voluminum non vltra quinque libras ponderaturum sit, facile quoque erit de modico, quod ratione portorii soluendum veniet, pretio cum iisdem conuenire.

II. Ex Litteris D. D. JOH. FRID. GLASERI ad D. D. GOETZIVM Vienna a. d. 13. Febr. *Perscripsit mihi filius meus, Physicus Imperialis Barachini in Seruia, quod in confiniis Turcicis situm a Belgrado 27. miliaribus distat, a. d. 18. Jan. ea in regione, praesertim autem pago Maduega, non procul a Barachino, magicam aliquam ab aliquo tempore grassari luem. Mortui nimirum humati illaesis surgentes sepulcris viuos enecant, hique necati et sepulti similiter surgentes alios interficiunt; quod sequenti con-*

tin-

tingit modo: Mortui nempe dormientes noctu adoriuntur, sanguinemque ex illis exsugunt, ut cuncti tertio expirent die. Huic autem malo hucusque nulla medela inuenta est. Plurimis itaque breui tempore sic demortuis, iussu ab iis, penes quos summa illinc locorum potestas, ut accuratius hanc in rem inquireretur. Aliis propterea deputatis filius quoque meus, ut Medicus et Physicus, adiunctus est. Hi conuocatos iudices (praetores) et iuratos examinabant, variis, vere rem sic se habere, probantes argumentis, modum autem se nescire confitentes, nisi quod animaduicerent, homines perpauidos, temulentos, meticulosos et anxios e somno erumpere et quiritare, etc. Decreta hinc coemeterii visitatione, singuli atque omnes delegati, sepulcra ut aperirentur iubebant, sicque decem personas in sarcophagis suis, viuorum instar, penitus incorruptas, sandapilas vero, vestimenta et lintea sanguine florido madida, huncque e naribus, ore, oculis et pudendis profluentem, ac denique pristinos manuum et pedum ungues cum recentibus commutatos, reperiabant. Omnibus igitur his Vampyris (sic scilicet in iis oris vocantur) caput amputatum, cadauera postea igne concremata, eorumque cinis fluuio Moranae inspersus fuit. Secuit autem ea antea filius meus, ac cuncta viscera sana et illaesa, ventriculum vero et diaphragma sanguine plena, deprehendit. His festinanter ad me perscriptis, promisit ulteriora impofterum addere, prolixiore relatione ad Regimen nostrum et Collegium sanitatis transmissa. Nouam hanc antiquae in Hungaria et Polonia crebrius iam actae fabulae esse scenam, illi, qui in historia naturali non penitus hospites sunt, cognoscent. Annon autem hic morbus aliquis epidemicus orgasticus, imaginatio, meticulositas, superstitio, et sim. fermentatio etiam sanguinis in eiusmodi cadaueribus incipiens putredinosa plurimas sibi potissimasque vendicet partes, penitior edocere poterit singularum circumstantiarum peruestigatio. Dicuntur alias eiusmodi mortui feriales crediti Vampyri, ut et Vpertz; et plerumque tum masticatio linteorum (das Schmaßen) tum pulsatio sandapilarum et sepulcrorum coniungitur. Fusius vero de iisdem videri poterunt, praeter D. D. GARMANNVM de miraculis mortuorum, Dom. M. PHIL. ROHR. differt. Histor. Philosoph. de masticatione mortuorum Lips. d. 16. Aug. 1679. ventilata, et Dom. M. MICH. RANFFT diff. de masticatione mortuorum in tumulis Lips. mens. Sept. 1715. habitata, ac dein An. 1728. ibid. sub forma tractatus in 8. edita. Collect. Histor. Phys. et Med. Vratislau. Tent. XVII. p. 593. XIX. p. 82. XXXI. p. 221. XXXVII. p. 572 et D. D. A. E. BÜCHNERI Miscellan. Phys. Med. Math. Semestr. III. p. 488. Meminisse hac occasione adhuc licebit pulsationis sepulcrorum Heilbrunnae Sueuorum decenniis septimo et octauo praeteriti Seculi crebrius obseruatae, de qua singularia

multa legimus in epistolis b. D. D. JOH. MATTH. FABRI, Physici tunc eiusdem loci, ad b. D. D. SEPT. ANDR. FABRICIVM, Collegii olim nostri medici ornamentum, datis, quae etiam ansam ei suppeditavit conscribendi tractatum sub titulo sequente: JOH. MATTH. FABRI *Ενταφιαστικῶν Μνήματα*, s. de pulsatione sepulchrorum subterranea, eorumque refossione diascepsis, historica fide exarata, rationis et experientiae Medicae lumine illustrata, Juris tam diuini quam humani canone confirmata, adeoque concurrenter materiae de sepultura superpondio polyhistorico augmentata. Huius editorem expectantis et tria expleturi alphabeta autographam auctoris possidemus sciagraphiam; ipsum autem manuscriptum in scriniis nuperrime defuncti D. D. JOH. HVLD. WALDSCHMIDII latitasse, antehac nobis asseruit vir quidam pergravis ac clarissimus.

III. *Ex Litteris D. D. GOTTLIEB. HENR. SARWEY ad D. D. GOETZIVM Freudenstadt. a. d. 19. Nouemb. 1731.* Nascebatur Praefecto cuidam Würtembergensi, cuius familiae curam gero, anno 1730. d. 29. Septembr. prima lunae quadra, in signo sagittae ☐ ♄ et Δ ♀ venusta puella, matris suae vndecima proles. Haec sexto post natiuitatem suam die largos profundeabat quasi menses, sanguine nempe genuino per pudenda eius effluente, labiis simul tumescentibus. Anxiis inde, me absente, parentibus obstetrix pauxillum cuiusdam puluilli exhibuit puellae, quo alias ad haemorrhagias arteriosas utebatur; labiis autem tumidis nescio quid inunxit, quibus rursus cessauit fluxus. Ultra annum iam agit aetatem, elegans et bene valens filiola. Non equidem ignoro, reperiri eiusmodi casus passim in Autoribus, praesertim autem Ephemeridibus Naturae Curiosorum; rariores tamen cum sint, et hunc recensere non abs re esse putaui.

D. D. BIENERI Observationes binae de *podagra curata*, sententiae Stahlianæ correspondentes, causam nempe podagrae materialem plethoram et spissitudinem humorum esse.

Cum fuisset Saganae in Silesia cum Serenissimo Duce Saganensi Principe de LOBKOWITZ, retulit Perillustri Dom. de ARNOLD in praesentia Sereniss. Ducis, et Excellentiss. Domini Comitis ab ALTHAN Commendantis Brigensis in Silesia, Genitorem proprium à
dira

dira podagra liberatum esse ieiunio centum horarum, intra memoratum tempus nil edendo nec bibendo exceptis poculis aliquot Thee orientalis, quam curam semper reassumebat, quoties signa sibi imminenti podagrae sentiebat, iamque immunem sedecim et si adhuc vivit modo octodecim annis ab hoc ingrato hospite esse publice testabatur. Pari modo plethora imminuta fuit licet non per ieiunium centum horarum, stricta tamen diaeta, et podagra curata in certo mercatore, qui annue bis solenniter ea laborabat, dum sinistra fortuna eum creditoribus suis incarcerationum tradidisset, multisque annis in curia Litomericena in magna egestate detentus, statim primo anno à podagra liberatus fuit, neque recidivam perpeffus, qua propter gratus curiae Litomericenae, eam omnibus podagricis inter iocandum commendavit, beneficii obtenti haud immemor.

Dissertatio de materia ceracea, ejusque injectione anatomica, germ. von der Anatomischen Ausprägung mit Wachs, Præside GODOFREDO THIESEN, Med Doct. & Prof. publ. extraord. Respondente DANIEL LEOPOLD, Stega-Boruss. d. XI. Januarii anni 1731. Regiomonti typis Reusnerianis. 4. pl. 3.

In Praefatione differit Dom. A. de cultura artium atque scientiarum, nostris temporibus felicissima, in genere. §. 1. notat summo extollendum esse praeconio eorum conatum, quo sapienter omnino & studia sua et artificia recens comperta, non tantum in sui ipsorum, quam simul alterius, proximi scilicet, usus erogare, annuntur, speratque ex hac causa neminem fore, qui suum laborem improbaturus sit, quocum singularem illum C. H. vasa materia ceracea implendi pariter ac parandi modum, a plurimis maxima inter secreta hactenus celatum, in studiosae iuventutis, arti salutari deditae, commodum reuelare et publici iuris facere, nullus dubitavit, & postea addit, quid per hanc injectionem anatomicam intelligat. §. 2. primam inventionis laudem tribuit D. REGNERO de GRAAF, medico Delphensi, qui circa annum 1668. siphonem conficiendum curavit, quo spiritum vini, vel et alium quendam liquorem variegatum, iniicere calluit, quem, eodem tamen tempore, secutus est D. JOH. SWAMMERDAM, sed liquoris loco, ceram puram liquefactam, meliori cum

successu, in usum vocans, et in libro suo *de uteri muliebri fabrica* cap. II. totum suum artificium propalans. §. 3. indigitat ad quantum perfectionis gradum hanc artem perduxerit nomine immortalis FRID. RVYSCHIVS. Sed quum ille nullo scripto, in haec usque tempora, suam reuelauerit methodum, de occultis et incertis iudicare superfedet A. §. 4. explicatis incommodis, quae ceram puram, secundum SWAMMERDAMVM adhibitam, sequuntur, commendat Dom. A. compositionem materiae iniiciendae, multis experimentis comprobata, a nemine, quantum scit, typis publicis exscriptam, et sequenti modo parandam. *℞. Ceræ citrinae, therebinth. à vnc. ij. axungiae porcinae vnc. iv. mixtis et liquefactis, pro arteriis dilatandis, adde cinnabaris factitiae praeparatae, minii à vnc. j. pro venis autem implendis, cinnabaris et minii loco, admisce viridis aeris praeparati vn. j. applica ad usum.* §. 5. mentionem facit methodi, qua aliqui *stannum liquefactum, vel mercurium vivum* adhibere solent, huiusque notitiae cupidum ad MICH. BERNH. VALENTINI *append. Amphitheatri zootom. supplem. II. p. 27. 28. ablegat.* §. 6. describit syringam, ac tubulos, et pro vberiori formando conceptu D. CASP. BARTHOLINVM *in administr. anatom. specim. Sect. III.* consulendum commendat. §. 7. agit de partibus, quae hanc praeparationem non inconuenienter incurrunt, quas pene omnes esse explicat. §. 8. Ipsam iniectionem perficiendam inculcat, huncque in finem arteriam aliquam magnam esse aperiendam et probe eluendam, deinde vero eius aperturae tubulum alligandum, et denique materiam ceraceam calidam, ope syringae, tubulo in vase haerenti iunctae, non vna quidem vice, sed paulatim, leniter et circumspecta manu imprimendam esse docet. Simul autem monet hanc iniiciendi methodum, non ad omnes facere arterias, sed tantum ad maiores, minores enim et minimas vix ac ne vix quidem eam tangere, utpote in quem finem specialior artificii huius anatomici instituendi modus requiratur, cui in sequenti perspicue tradendo operam suam impendit Dom. A. quemque nos iisdem verbis exhibemus. *Specialiorem anatomicè vasa implendi modum, ut et ipsas encheireses tradere occupati monemus, ut arteriae vel venae ab omni cruore purgentur. Purgari vero possunt, si C. H. partes, praeparationi huic subiectae, per aliquod temporis spatium, aquae tepidae immerguntur, donec omnis elutrietur sanguis. Si vero ex paruulis etiam vasorum ramificationibus illum extrahere studemus, haec siphone itidem aquam tepidam intrare, quamque, illo remoto, iterum effluere sinamus. Repetatur aliquoties haec actio, quousque vasa dicta omni suo humore exonerata, ab aqua insuper, ne gutta supersit, per expressionem liberata, et sic ad ceram capiendam, apta visa fuerint. Quo facto*

par-

parenchyma, vel et alia C. H. pars, denuo tepescenti committitur aquae, fervida vero sensim affunditur, quo, ut par est, caleseat. Requiritur vero non sine ratione calefactum viscus, ne scilicet materia ceracea liquida, repente concreseat, adque extremitates vasculorum pervenire impediatur, hinc tam diu in aqua calente ulterius servandum est, quamdiu tota absoluta fuerit nominatae materiae injectio. Et haec est illa, a nobis tradita methodus, qua, uti dictum, sanguifera reliquaque in C. H. reperiunda vasa, quamvis sint minima, coronaria et capillaria nominata, materia ceracea luculenter impleri possunt, ut quodque illorum sui conspectum sponte prodat, imo exhibeat. His indigitatis, §. 10. opportunum judicat D. A. assertum suum per exempla illustrare, sed quum celeberr. RVYSCHIVS hoc jam praestiterit, provocat non solum ad opera ejus, et aliorum artis huius Antistitum gazophylacia, verum etiam ad D. BORETII, summo cum applausu in Regia Regiomontana anatomen docentis industriam. §. 11. docet Dom. A. quomodo praeparata a putredine ac corruptione liberari inque statu quasi naturali conservari possint; idque humida altera, altera sicca methodo. Illa conficitur, dum C. H. partes, vel vini vel frumenti spiritui (*Conf. Commerc. nostr. spec. IX. p. 68.*) parum camphorato, committuntur; haec vero absoluitur, quum parenchymata praeparata ac exsiccata, balsamo quodam appropriato obducuntur, quem in finem commendat vernicis compositionem a MICH. BERNH. VALENTINI *l. c. p. 28.* hoc modo communicatam: *℞ Ol. spicae ver. ℥j. camphorae vnc. j. Spir. salis ammon. vnc. §. M. calefiant, et calefactis incrustentur corpora, eadem semper facie externa spectanda.* §. 12. Obiectionibus respondetur illorum, qui haec praeparata curiosa quidem, nullius autem utilitatis esse dicunt, et sequenti paragrapho epilogus finem facit.

Morbi Mense FEBRVARIO Norimbergae frequentius observati.

Catarrhi, rheumatismi atque morbilli mense Januario oborti, adhuc continuant. Accessere tusses, febres catarrhales benignae, icteri, arthritides vagae, podagrae, nephritides, colicae, haemorrhagiae vterinae cum molis erumpentes, et, primae hebdomadis spatio, apoplexiae.

Obser-

Observationes meteorologicae per mensem FEBRU-
RIVM Anni 1732. Noribergae habitae a Dom. JOH. GABR.
DOPPELMAIERO Math. P. P.

Dies styl. corr.	Barometrum.			Ther- mom.	Ventus.	Tempestas.
	Ped. Paris.	Ped. Lond.	Pedis Rhin.			
	dig. lin. scr.	dig. lin. scr.	dig. lin. scr.	gr. part.		
I.	26. 10. 1.	28. 6. 3.	27. 9. 4.	22. 0.	N.	nub. c. niu. ser.
II.	11. 9.	7. 8.	11. 1.	23. 0.	N.	nubila serena.
III.	27. 0. 4.	8. 3.	11. 8.	28. 0.	N.	subf. nub. c. niu.
IV.	26. 11. 9.	7. 8.	10. 1.	26. 0.	NO.	nubila.
V.	27. 2. 0.	9. 7.	28. 1. 4.	26. 1.	NNW.	neb. subser. ser.
VI.	26. 11. 5.	7. 5.	27. 10. 9.	31. 0.	NW.	subnub. subf. ser.
VII.	9. 0.	5. 3.	8. 3.	35. 2.	N.	nubila subnub.
VIII.	7. 10.	4. 3.	6. 11.	34. 2.	NNO.	serena.
IX.	8. 10.	5. 2.	8. 1.	27. 2.	NO.	nubila, serena.
X.	7. 3.	3. 8.	6. 4.	26. 0.	NNO.	nub. subf. subpl.
XI.	27. 0. 5.	8. 4.	11. 9.	23. 2.	N.	pernubila.
XII.	2. 7.	29. 0. 3.	28. 2. 1.	16. 0.	NO.	subnub. serena.
XIII.	2. 10.	0. 5.	2. 4.	13. 0.	NNO.	serena.
XIV.	2. 10.	0. 5.	2. 4.	12. 2.	NNW.	seren. subser.
XV.	2. 3.	0. 0.	1. 9.	12. 0.	N.	subnub. serena.
XVI.	26. 10. 3.	28. 6. 5.	27. 9. 7.	11. 0.	W.	pernub. et plu.
XVII.	11. 5.	7. 5.	10. 9.	8. 2.	W.	nub. c. plu. subf.
XVIII.	7. 10.	4. 3.	6. 11.	7. 0.	WSW.	pernub. pl. nub.
XIX.	6. 9.	3. 4.	5. 10.	6. 0.	N.	nubila subnub.
XX.	11. 1.	7. 2.	10. 4.	5. 3.	W.	pernub. nub.
XXI.	27. 2. 0.	9. 7.	28. 1. 4.	8. 0.	N.	subf. nub. pernu.
XXII.	1. 9.	9. 5.	1. 2.	6. 0.	W.	pernub. subser.
XXIII.	26. 11. 11.	8. 0.	27. 11. 4.	1. 0.	W.	pernub. c. plu.
XXIV.	27. 1. 9.	9. 5.	28. 1. 2.	1. 0.	NW.	nub. subser. pl.
XXV.	4. 5.	29. 2. 0.	3. 11.	3. 0.	NNO.	serena.
XXVI.	3. 0.	0. 7.	2. 6.	6. 0.	N.	serena.
XXVII.	1. 6.	28. 9. 3.	0. 10.	5. 2.	N.	ser. subf. c. neb.
XXVIII.	0. 7.	8. 5.	27. 11. 11.	8. 0.	NW.	neb. pernu. c. p.
XXIX.	2. 0.	9. 7.	28. 1. 3.	7. 0.	N.	pernub. nub.

COMMERCI LITTERARII
AD
REI MEDICAE ET SCIENTIAE
NATVRALIS INCREMENTVM
INSTITVTI

Hebdomas duodecima.

Norimbergae a. d. XIX. MARTII clc lccc XXXII.

I.



Asilea accepimus, cathedram medicam obitu b. D. D. EMANVEL. KOENIGII, (*Conf. Specim. XLVI. pag. 364.*) vacantem, a. d. 1. Februarii nuperrimi per sortem obtigisse b. defuncti Filio homonymo, eo quidem ordine, vt Illi professiones anatomiae ac botanices demandatae fuerint: Senioris in facultate locum et theoreticenedocendi munus, D. D. JOH. RVDOLPH. ZVINGERVVS obtinuerit: dimissam vero ab hoc professionem practicam D. D. JOH. RVDOLPH. MIEG suscepit. Lectori beneuolo haud ingratum fore confidimus, si de hoc per sortem eligendi ritu pauca quaedam disseruerimus. In re nimirum publica aequae ac litterariae mos ibi obtinet, vt ad malas artes impediendas, fauorisque aut odii suspensionem amoliendam sorte fortuita utantur, hunc fere in modum: e. g. si Doctoris publici munus vacare coepit, non multo post publice significatur, de successore eidem dando nunc agi; quo facto Candidati, illud ambientes, Senatum academicum adeunt, nomenque suum ibi profitentur, expectantes, quo tempore eruditionis suae specimina, disputationem puta et lectionem publicam, edere iubeantur; hoc peracto, Senatus academicus et scholarum Antistites in unum coeunt, vt, quem muneri isti denuo praeficiant, deliberationem instituant. Ante vero quam id fiat, singuli fidem suam obstringunt, se non nisi dignissimo suffragaturos; dein ipsi hi Eligentes in tres ordines diuiduntur, quos argentei globuli, numeris 1. 2. et 3. distincti, et ab ipsis manicatis e culeo deprompti, iis assignant. Tum Electores primi ordinis seorsim conueniunt, atque ope schedae, nomen vnius Candidati gerentis globulumque dictum inuoluentis, sententiam ferunt: eodemque mo-

do secundo et tertio ordini adscripti pergunt. Hoc peracto, schedae euoluuntur, ut appareat, quis Candidatorum a quouis ordine plurimis suffragiis ornatus sit, et deinceps ternio pro ordinum numero constituitur, ita, ut primi Candidatus primum, alterius secundum, tertii tertium in electione locum occupet. (Si vero forte acciderit, ut duo pari suffragiorum numero gaudeant, sorte dirimitur, uter eorum ad ternionem admittatur.) Trium horum Eligendorum nomina singulis schedulis denuo inscribuntur, tribusque capsis argenteis inclusa in culeum coniiciuntur, cum in alio culeo itidem tres exstent capsae, quarum una nomen muneris continet, ceteris duabus vacuis. Tandem duo simul ex alterutro culeo globulum educunt, et publice aperiunt, claraque voce utriusque contenta exponunt. Cui itaque fortuna fauet, ut nomen ipsius eodem tempore, quo muneris titulus, compareat, munus petatum manet. Pari modo ceterorum munerum, summorum, infimorum, nouo successore donandorum, cura geritur. Id quod partim litteris nobiscum communicatis, partim ipsis oculis testibus edocti sumus.

II. Baruthi d. XXVI. Febr. viuere eheu! desiit vir doctrina et peritia praestantissimus D. D. HENR. ALB. CVNRAD, Sereniss. Principis et Marchionis Brandenburg-Baruthini Consiliarius aulicus et Archiater, ac Collegio nostro Medico adscriptus; (vid. Specim. XXXXVII. p. 371.) de cuius fatis et factis proxime plura.

III. Iis, quae de Vampyris ita dictis hebdomade superiori retulimus, subiungimus examen, Consilii bellici iussu, in pago Maduega a. d. 7. Januar. h. a. institutum, quod hunc fere in modum descriptum accepimus: Postquam ad Nos delatum est, in pago Maduega Vampyros, ita dictos, quosdam homines sanguine exsucto interemisse: iubentibus summis Praefectis quaestiones summariae de his institutae sunt, ad quas a cohortis Stallatherianae centurione, GORSCHIZ, Praetore (Hatnack) PARIACTAR et pedite Hungaro (Heyduk) illius pagi seniore, hoc responsum datum est: Omnes scilicet uno ore fateri, quod circiter quinque abhinc annis pedes eius loci, Arnoldus Paulus dictus, ex plaustro foenario praecipitatus interierit, qui viuis saepe enunciauerit, se prope Cossouam in Seruia Turcis subiecta, a Vampyro quodam vexatum, de terra sepulcri eius quaedam deglutiisse, sanguineque eiusdem se inunxisse, ut cruciatibus inde perpeffis se liberaret. Hoc vero defuncto, aiunt, viginti aut triginta diebus post, nonnullos questos esse, quod a dicto Arnoldo Paulo affligerentur, morte quatuor personarum assertum comprobante. Ad medelam igitur huic malo afferendam, autore ac suasore Praetore suo, in eiusmodi casibus iam versato, Arnoldum huncce Paulum, quadraginta circiter diebus a morte eius elapsis, rursus effoderunt,

enn-

eundemque non modo integrum atque incorruptum, sed et floridum sanguinem ex oculis, naribus, ore et auribus profundentem, quin etiam indusium, lintheamen et oculos cruore madentia, priscas vero redunias et ungues delapsos, eorumque loco recentes subnatos deprehenderunt. Ex quibus cum apparuerit, eundem verum Vampyrum esse, more suo cor eius palo transfixerunt, quo facto ipse altum clamorem edidit, multo sanguine simul ex corpore ipsius manante: illi vero eodem adhuc die corpus igne cremauerunt, cineresque rursus in sepulcro condiderunt. Idem illi affirmant, omnes a dictis Vampyris cruciatis atque enecatos quoque Vampyros fieri: quamobrem supra dictas quatuor personas eodem modo tractauerunt; quibus addunt, Vampyrum istum, Arnoldum Paulum non homines solos, sed et bruta inuasisse, sanguineque eos spoliasse, et quum homines carnibus harum pecudum vti fuerint, denuo accidisse, ut iterum aliqui Vampyri ibi prouenirent; siquidem trimestri temporis spatio septendecim, puerilis et prouectioris aetatis homines decesserint, quorum quidam, nullo praecedente morbo, duobus, maxime tribus diebus diem obierint. Pedes item Jouiza perhibet, nurum suam Stanuickam nomine, diebus abhinc quindecim sospitem atque incolumem cubitum inisse, circa mediam vero noctem cum ingenti et horrendo clamore, tremore ac timore expergefactam, et conquestam fuisse, quod peditis cuiusdam filius Milloe nominatus atque ante nonem hebdomadas defunctus, fauces ipsi compresserit; ex quo eadem nonnullos in pectore dolores sensit, atque in horas deterius se habere coepit, donec tertio die exspirauerit. His auditis, a meridie statim in coemeterium nos contulimus, sepulcra suspecta aperturi, et cadauera in iis latentia inuisuri, ibique sequentia deprehendimus. Primum femina viginti annorum, Stana appellata, (quae duobus abhinc mensibus morbo tridui decesserat, et ante obitum suum ipsa confessa erat, se sanguine eiusmodi Vampyri tinctam, quaeque consequenter aequae ac infans ipsius statim a partu extinctus, et a canibus prope dimidiam partem deuoratus, itidem in Vampyrum abierat) integra et putredinis expers a nobis videbatur, thorace vero aperto prodibat ingens copia floridi sanguinis vasa egressi, cor cum pulmone, hepate, ventriculo et liene sana deprehendebantur, cuticula veropedum et manuum, ut et ungues prisci sponte decidebant, contra ea recentes et paululum sugillati comparebant. Tum aliam feminam Miliza nominatam cernebamus sexagenariam in eodem statu constitutam, et post trimestrem morbum ante hoc trimestre defunctam terraeque mandatam, quae ab his hominibus autor huius temporis Vampyrorum esse dicitur, carne quippe ouium a Vampyris interfectorum pasta. Porro exstabat ibi pusio octo dierum, qui post sectionem pectus una cum corde recenti sanguine repletum, nonosque pariter ac antea dicti, pedum manuumque ungues habebat, cerebrum autem simile erat puri probe concocto; infans ipse nonagesimum iam diem in sepulcro iacuerat. Item peditis filius Milloe nominatus, sedecim annorum nona tunc hebdomada

terrae inclusus, et denique undecim personae, adultae aequae ac infantes, utriusque sexus, in eodem statu conspiciebantur. Examine finito, omnes et singuli Vampyri capite truncati, illudque una cum trunco combustum et cineres in aquam dispersi, cetera vero cadauera putrefacta, adeoque a Vampyrorum suspitione libera sepulcris suis reddita sunt. Actum die, anno et loco supra dicto.

(L. S.)

Büttner, subcenturio
legionis Alexan-
drinae.

(L.S.)

Joh. Flinkinger ca-
strensis Chirurg.
legion. Fürstenb.

JOH. JAC. MANGETI Med. Doctoris et Sere-
niss. ac Potentiss. Regis Prussiae Archiatri *Bibliotheca scri-
ptorum medicorum etc.* (vid. Spec. XXIV. p. 185.) Tomus
primus: Pars prima, continens Litt. A-B. *Genevae* sum-
ptibus Perachon et Cramer 1731. fol. alph. 6. pl. 9. Titul.
praef. et index omnium authorum pl. II. cum Tabb. ima-
ginum 2. Tomus primus: pars secunda, continens Litt.
C-H. *ibid.* 1731. alph. 8. pl. 14. cum Tabb. imagin. 5.
Tomus secundus: pars prima, continens litt. I-Q. *ibid.*
1731. alph. 6. pl. 6. cum tab. imag. 5. Tom. secundus:
pars secunda, continens litt. R-Z. *ibid.* 1731. fol. alph. 7.
pl. 14. cum tab. imag. 4. Totum itaque opus constat
alph. 29. pl. 8. et Tabb. imag. 16.

Vastum hoc opus 30. florenis aestimatur Rhenanis. Maximam
eius partem componunt observationes ex *Ephemeridibus Acad. Caes.
N. C.* atque recensione ex *Actis Eruditorum* Lipsiae publicatis aliis-
que a capite ad calcem usque exscriptae. Quoniam autem ipso sub
prelo animaduersum est, quantum opus euasurum esset, si eodem
modo pergeretur; delectus haberi deinceps coepit in observationi-
bus ex Acad. N. C. Ephemeridibus huc transferendis: unde fit, ut
multae auctorum, quorum nomina a C. D. E. et sequentibus inci-
piunt, observationes praetermissae sint. Sed *Acta Hassniensia*, quum
rarius

rarius obueniant, integra hic suis locis inserta esse, praefatio monet. Quid de consilio hoc toto, eiusque mutatione, hincque orta totius operis inaequalitate statuendum sit, lectoris iudicio permittimus. Si opera Autorum omissa quoad titulum solum addi deberent, supplemento haud mediocri opus esset. Caeterum confer. *Spec. cit.* iam dicta. Icones adiectae illae ipsae sunt, quae horum Autorum (sunt autem, praeter vnum Hippocratem, omnes Autori coetanei, aut saltem suppare) operibus praefigebantur, vnde nonnullae folii, aliae quartae vel octauae itemque duodecimae eius partis magnitudini respondent.

Disputatio medica de tribus impostoribus, I. Potu Theae et Coffee. II. commoda vita. III. officinis domesticis.
Praef. D. D. GEORG. DETHARDING publice habita a
CAROL. THEODOR. THESENDORFF, Gryphisvald.
Pomeran. Rostochi a. d. 7. Apr. 1731. plag. 4.

In prooemio Dom. Autor ansam dicendorum arripit ab illo *de tribus impostoribus* libro, qui huc vsque animos eruditorum diu multumque diuexauit, atque in diuersas sententias traxit, his affirmantibus, illis negantibus istiusmodi libri impressionem: huius autem, cum fama adeo dubia sit, disquisitionem tantum abesse, vt quicquam prosit, vt potius tempus perdat, aliis tribuendum contemplationibus magis vtilibus ac necessariis, inter quas non exiguum sibi vendicat locum attentio, qua cognoscendi sunt impostores bonis mortalium, a Creatore ineffabili liberalitate concessis, mirum in modum insidiantes. Facili vnumquemque artis vel officii, quo fungitur, peritum, negotio, reperturum, et, modo scapham scapham appellare velit, detecturum fore mille imposturas sub boni habitu incedentes. Itaque Dom. A. tanquam medicus, religiosum se aggredi laborem duxit, si sanitati et vitae hominum melius consuleret, eaque mala, quae a triga impostorum, in rubro memoratorum, metuenda habent, palam faceret, atque exponeret. Veretur tamen ne incassum laboret, dum credula hominum mens, ab astutia impostorum se fascinari amat. Haec praefatus ipsam Dissertationem exorditur, quae tribus membris, iuxta eundem impostorum numerum constat. Quoduis membrum duos habet articulos, vnum *de blanditiis*, alterum *de noxis* eiusmodi impostorum inscriptos. In membri primi, *de potus Theae et Coffee* impostura, eiusque Articulo I.

de horum potuum blanditiis, differens Aut. ad eas §. 1. refert *salutarem* vtriusque potus *effectum*, passim in bene valentibus, passim in aegrotantibus, obuium. Vsum eorum iustum et tempestiū omnino bonum, et in praeferuandis, et in arcendis variis morbis apprime salutarem et proficuum, praedicat: promiscuum autem vsum, matrem noxarum inde redundantium fieri edocet: §. 2. huic imposturae blandiri quoque ait, *morem Magnatum*, ad quorum exemplum credulus orbis facile componitur. §. 3. blanditiis annumerat, *ipsos quosdam medicos*, eiusmodi sorbillationum nimis gratiosos Patronos; vnde scandalum acceptum oritur; dum in exemplum licitarum ingurgitationum, saepius de die repetendarum, allegantur. §. 4. Ad censum blanditiarum, ad potuum calidorum frequentissimam abliguritionem inuitantium, pertinere ait, *pronocationem ad valetudinem integram, qua gaudent gentes, quibus potus isti familiarissimi sunt*, vt a morbis, ceteroquin plurimos homines insultantibus, nec in his oris infrequentibus, haud corripiantur. §. 5. ad blanditias non parum conferre ait, hanc egregiam scilicet, si robur eius attendatur, excusationem, *suauissimam* nimirum *huiusmodi potibus hospites reficiendi esse methodum*. Inde ad Articulum II. de noxis vtriusque potus pergit, et non exigua valetudinis damna expectanda monstrat a promiscuo vsum, nec habito respectu aut discrimine temperamentorum, sexus, aetatis, aeris, vitae generis, quantitatis; quibus accedit praua quotidiani vsum consuetudo: de quibus autem sanitatis detrimentis, certo inde secuturis, etiamsi a cordatioribus medicis moneantur, eo minus sibi persuaderi patiuntur Thermopotae, quo tardius ipsimet ea sentiunt. In membri *secundi de vita commoda* articulo I. de blanditiis acturus Dom. A. §. 1. quid ea intellectum velit, indicat, §. 2. blandiri huic ait, quod *requies dicatur merces laboriosae vitae*, haecenus perpeffae; hinc magni habenda sit, et ambabus amplectenda. §. 3. Alteram Sirenem dulce canentem, et huic imposturae fauentem, esse *tranquillitatem animi*, quam commoda vita in sinu foueat. §. 4. fascinare docet commodam vitam eo, quod *amici, honores, delectationes* facilius illa parari possunt. §. 5. ad blanditias porro commodam vitam insinuantes refert, *insitam, cuiusuis emergendi et commode viuendi indolem*, et studium eos aemulandi, quos hac tranquillitate vitae gaudere videt. Hinc autem illae lacrymae et noxae sanitatis metuendae, quas Dom. A. Articulo II. innuit; dum ab eiusmodi vita desidiosa corpus vel nimiam quantitatem humorum inducit, quae sub Plethorae nomine inter Pathologos venit, et fertilissima mater omnium inde propul-

lulantium aegritudinum, corpus, non sine discrimine vitae, instantium, ex quotidiana experientia deprehenditur; vel vitiosam qualitatem, quae sub spissitudinis nimiae titulo, non minora, nisi peiora ac prior, valetudini damna, ac noxas ferales minatur. *Tertium* quod attinet membrum, *de officinis domesticis insignitum*, ante quam sermonem de eo instituat Dom. A. quales blanditiae ipsis insint sanitati hominum imponere aptae, praemonet, non sibi mentem esse de remediis, quae medicae artis periti, siue clinici siue chirurgi, in usum tam proprium, quam aegrorum solatium, domi parata seruant; neque de illis medicamentis, quae arculis inclusa, medici ad medendum rus vocati, secum portant; neque de alio quopiam medicamine, quod ab vno vel altero possidetur, et longo usu atque experientia pro comperto ac salutari habendum est: sed sub vocabulo *Officinarum domesticarum* heic loci, intellectum vult apparatus medicamentorum aliunde vt plurimum comparatorum, de quorum usu et modo adhibendi schedulae typis impressae simul prostant et traduntur; id quod medicastrorum et circumforaneorum familiae negotium est. Et quum in comparandis talibus sic dictis *Officiis domesticis* error facile committi, atque vel propriae vel aliorum sanitati ex usu et dispensatione medicamentorum intus contentorum haud parum noceri possit: praeuenire his damnis studet Dom. A. indicando imposturas latitantes sub blanditiis huc inuitantibus, quas inter Art. I. §. 2. refert *autoritatem Medicorum*, quae talibus officinis patrocinari videtur, siue quod vnum alterumue medicamentum magnis elogiis commendauerint, e domo sua vendiderint, et typis publicis vulgo ostenderint; siue quod apparatus quorundam remediorum usu probatorum, cistulis arculisque incluserint, vt ad lubitum maiori vel minori pretio comparari, et in dissitas oras transferri possint. Inuidiae hinc esset, tales reiicere sollicitudines, in salutem hominum tendentes; oscitantiae vero, talem occasionem negligere et detrectare. Alterum blanditiarum momentum a Medicis quoque originem trahere §. 3. monstrat; quando vel officioso complacendi studio, vel ditescendi appetitu huic vel illi absenti remedia, sibi congrua et ad morbos ex varia diaeta metuendos arcendosue facientia, tradunt vel obtrudunt, et regimen sub usu illorum seruandum liberaliter, manuque propria addunt: quo blanditiarum genere in primis delectari feminae nobiliores solent, idque aegrotantium genus, quod Galli *Malades imaginaires* vocare consueuerunt. His non potest non placere, quod ad nutum quasi praesto sint, eaque praebeant, quae pro valetudine tuenda optari possunt: quodque per-

persuasum habent talia esse remedia, quae ad minimum sint innocua, unde futurum sperant, ut nihil fiat mali si optatum finem obtinere etiam non possint. Enimvero latere hic anguem in herba. Sensim enim hinc subnascitur *consuetudo assumendi medicamenta*, artic. II. §. 2. sub qua homines pessime degere, grauiter ostenditur. Maius autem pullulat ab eadem radice malum, *neglectus debiti temporis* pro morbis extirpandis. §. 3. denique sensim inolescunt huiusmodi hominibus habitus quidam contemnendi remedia medicorum, etiam probatissimorum probatissima: omninoque inuenti sunt tam male consulti, qui vocatum tandem medicum non alia medicamenta adhibere volunt, quam ex pharmacopolio suo domestico deprompta. §. 4. Tandem et haec noxa euidenter hinc pullulat, quod talibus confidenter addicti, *promptitudinem aliquam et quasi hospitalitatem induant, non adeo sibi, sed et aliis, siue amicis, siue non amicis, subueniendi istis remediis*, quae cistula sua includuntur: adeoque multitudo eorum, qui se medicinae, quam non didicerunt, faciendae ingerunt mirum in modum augeatur: quod quam sit Reip. noxium, et medicastrorum conscientiae onerosum, nimis parum perpendi assolet.

His annectimus dissertationem hanc in germanicam linguam tractatam, publicatam esse sub hoc titulo: Tractatus medico-historicus de tribus impostoribus, oder freymüthige Gedanken von denen drey berühmtesten Verführern des Volks 1) dem Betrücker des Thée und Coffée. 2) der Erwählung commodor Tage. 3) der Anschaffung derer Haus Apotheken; als wodurch viele tausend Menschen sich betrüglich um Leib und Leben bringen lassen. Zur Warnung und Vermeidung kurz und deutlich eröffnet von ANDRONICO. *Cosmopoli* 1731. zu finden bey Peter Martin Roman. 8vo pl. 5.

LIBRI NOVI.

I. Höchsthöthiger Unterricht von der Geburt des Menschen etc. i. e. necessaria instructio de partu hominis, quae nempe ante, in et post illum obseruanda sunt, qua obstetricibus et ad officium illarum adspirantibus, ut et omnibus probis coniugibus obstetricum ope adhuc indigentibus, breuiter atque perspicue demonstratur, quomodo in omnibus eo tempore occurrentibus accidentibus pie, prudenter, et apte se gerere debeant, ne matres et foetus negligantur, neque opitulantium conscientiae onerentur, sine admixtione terminorum latinorum singulari studio concinnata a JAC. MICH. KORNMANN. Lic. *Erfurti* impens. Joh. Geor. Zimmeri 1731. 8vo pl. 6.

II. Dissert. inaug. *de semine virili*. Praef. SIM. PAVL. HILSCHERO. Auctor. PETR. LIEBMANN KAEHLERO *Fenae* mens. Ap. 1731. pl. 2. cum dim. cum programme *de phosphoris* primo HERM. FRID. TEICHMEYERI. pl. 1.

COMMERCI LITTERARII
AD
REI MEDICAE ET SCIENTIAE
NATVRALIS INCREMENTVM
INSTITVTI

Hebdomas decima tertia.

Norimbergae a. d. XXVI. MARTII clb lccc XXXII.

I.



Iguero missam accepimus dissertationem physicam
Exc. Dom. JOH. JAC. SCHEVCHZERI, Med.
D. Math. P. Acad. Imp. N. C. Adiuncti, Socc.
Regg. Angl. et Pruss. Membri, cuius hic est titu-
lus: *Coelum triste ad Julias Calendas anni MDCCXXXI.*
typis Joh. Henr. Byrcklini. 4to. pl. 5 $\frac{1}{2}$. Potissimus
Cel. A. scopus eo tendit, vt fulmineam illam,
quae, nocte inter vltimum Junii et primum Julii media, per omnem
fere extensa Heluetiam, extrema quaeque portenderat, tempesta-
tem, sicuti post hominum vmquam memoriam maximam, ita etiam
attentione atque accurata descriptione dignissimam, exactiori
paulo contemplationi subiiciat. Quum vero praecedentium et
subsequentium mensium obseruationes meteorologicae multum af-
fundant lucis, cum illustrandis, tum confirmandis dictis; illas quoque
trahit, adeoque breuem quandam totius elapsi anni 1731. meteoro-
graphiam exponit. Satis iam aliunde constat, quantum vel hac
modo in parte summo huic viro debeat scientia naturalis: ipsa vero
praesens dissertatio nouum eiusdem argumentum est, omnibus
omnino gratum et acceptum futurum; quotquot curae habent haec
doctrinarum studia. Inuenies enim heic summa cum industria at-
que accuratione institutas obseruationes de grauitate, calore et
frigore, ventis pluuiarumque quantitate, medicas item et agrarias;
videbis pulcerrime inde explicata et illustrata naturae phaenomena,
et, quod inprimis illas commendat earumque vsum maxime prae-
clarum edocet, assignata vbique diuinarum perfectionum vestigia,
N ita

ita vt et teleologiae horum naturae phaenomenorum insigne deprehendas specimen. Ipsa deinde satis prolixè descripta fatalis illa tempestas multa suggeret, quae ad pleniorè aliquanto naturae atque indolis fulminum intelligentiam faciunt. Denique peculiarem adhuc attentionem sibi vendicat historia luis pecudum illique medendae methodus, quam ad finem fere elegantissimae dissertationis tradit. Nullus dubitat Exc. Dom. A. asserere, esse illam optatissimi successus, et ipsa experientia probatam, vnde non ingratis lectoribus nostris operam fore credimus, si eandem totidem verbis recensitam heic exhibeamus. Ita autem habet: *Mense Decembri grassabatur lues inter equos, boues, vaccas, in praefectura Belfortensi, Canat dans la Generalité de Moulins, Principatu Montisbelgardeni, exorta sub lingua, vel ad eius latus, vesicula seu pustula, cui ni succurritur illico, abit illa in carcinoma, quo lingua erosa cadit, et bestia spatio 24. horarum perit. Aggreditur haec lues indiscriminatim nunc hoc nunc illud stabulum, hoc illud iumentum, etiam absque communicatione mutua. Edit, bibit, officiis suis defungitur animal, donec lingua cadat. Quapropter vt succurratur mature, bis terue de die iumentis inspicienda est lingua. Optimo autem cum successu προφύλαξις loco quotidie eluitur os aceto infusionis piperis, allii, salis. Vel exhibetur bestiae sequens remedium: theriac. drachm. iij. caryoph. cinnam. ana dr. j. piper. grosso modo contus. dr. ij. zingib. dr. j. bacchar. iunip. dr. ij. nuc. mosch. n. j. affund. vini rubri mens. j. diger. per 5. vel. 6. hor. Pustula autem iam exorta est illico cochleari alioque instrumento argenteo disrumpenda, membrana abstrahenda: dehinc eluendum est os et vulnus aqua communi, vel aceto forti supra memorato, tandemque hoc fricandum vitriolo Cyprio vel coeruleo; vel sumitur vitrioli uncia una, soluitur in mensura dimidia aceti fortis, addita mellis libra dimidia, super ignem. Huic aceto intingitur linteam, eoque baculo circumligato fricatur vulnus, usque dum prodit sanguis. Caeterum eadem quoque dissertatio in germanicam translata linguam prostat, hoc insignita titulo: Beschreibung des Wetter-Jahrs MDCCXXXI. besonders aber des traurigen Himmels &c. ibid. 4. pl. 4. In qua adornanda Cel. eius A. parum aut nihil ab illa latina recessit: nisi forsan id notandum putaueris, quod in hac germanica tabulae ampliōres, et, loco corollariorum dissertationis, nonnulla de vsu harum obseruationum confectaria adiecta sint. Vtrique vero, et huic germanicae, et illi latinae, duae postmodum accessere tabulae, aeri incisae, eademque inclyto Bononiensi instituto sacrae, quarum altera differentias altitudinis barometri, inter montem Gothardi et Tigurum, earumque vices; altera medias barometrorum altitudines, in mensuris Parisinis, vno*

in conspectu videre licet. Consimili argumento est *opusculum, tempestates anni praeteriti meteoras continens*, quo lucubrando Virum cl. JOANNEM RVDOLPHVM ZIEGLERVM in Gymnasio Tigurino Collaboratorem Classicum, iam occupatum, ex schedula ibidem typis expressa, cognouimus. In hac nimirum omnes et singulos, quicunque huic operae, ex tempestatibus vel meteoris, vel temporum successiuis, siue proprio, siue alieno, saltem haud dubio studio litterisque fide dignis, iam obseruatis et in posterum obseruandis, inseruire poterunt, rogatos vult, ut quicquid obseruationum eiusmodi, non pertaesi laborum, scribendo dignum existiment, quam promptissime transmittant, certissimeque persuasi sint fore, ut, quas fecerint, impensae sarciantur, iisque, qui huic operae se commendauerint, suo tempore publicandi huius opusculi exemplar dono praebeatur. Ipsimet pro hac causa studium interponimus nostrum, accepturi lubentissimi, si qui, nobis propiores, nostra uti opera, nobisque committere voluerint, illuc transferenda, quae collatu non indigna iudicauerint, symbola. *Indidem accepimus: Vernunft-mäßige Untersuchung des Bads zu Baden zc. i. e. rationalis disquisitio thermarum Badensium, earumque proprietatum et effectuum. Auctore JOH. JAC. SCHEVCHZERO, Med. D. Math. P. etc. cum et sine figuris. Tiguri litteris Marci Rordorfii 1732. 4to. pl. 8 $\frac{1}{2}$. titul. et Ded. pl. $\frac{1}{2}$. cum tab. 2. in fol. cuius plenior notitiam alii tempori reseruamus.*

II. *Amstelodamo* accepimus, D. CASPAR. COMMELINVM, Medicinae Doctorem et Botanices Professore diu celebratissimum, Acad. Nat. Curios. membrum spectatissimum, anno aetatis quarto et sexagesimo a. d. XXVI. Decembr. anni praeterfatis concessisse; cuius vitam et scripta proxime enarrabimus.

III. *Rintelii*, quae academia est Hassio-Schauenburgica, D. D. FRANC. ZIEGLER, Scaphusa-Helueticus, ad professionem medicam secundariam haud ita pridem vocatus, muneris sui auspiciis d. VIII. Cal. Febr. cepit, oratione solemni habita, *de usu mechanices in arte salutari*. Ad quam audiendam Rector illius Academiae D. FRANC. VLRICVS WALTER, S. S. Theol. D. linguae Graecae Prof. et Eccles. Reform. Pastor programme inuitauit, cuius fere simile est argumentum.

D. D. CHRISTIANI DEMOCRITI Animadversiones in *Tincturam Antimonii* D. D. SCHNEIDERI, (Conf. Spec. *XL I.* p. 322.)

Nunquam sine formidine oppositi chymicus quispiam, licet expertissimus, de suis experimentis, si vel absque omni praescripto sibi obtingant, dixerit: *Anis umquam etc.* Infinita enim iam seculis nostris Alchymicis vel in schedis latent, vel oretenus propagantur, quae nusquam in rerum natura fuisse tibi forte persuadeas, quia nec in GLAVBERO, KVNCKELIO, BECHERO, STAHLIO, nec aliis leuioris fortis chymicis, qui venales prostant, lucem aspexerunt. En! ergo in dictorum fidem, totum lectori arcanum, quod D. D. SCHNEIDERVS in admirationem trahi desiderat. En etiam plura, quae forte ipsi de hoc duplicato subiecto incognita sunt, et tamen plurimum ad penitiorem inquisitionem regni mineralis facere possunt.

Rec. Cadmiae natiuae et mineralis, non quae ex furnorum vstoriorum et fusoriorum lateribus separatur, sed quae in agro *Leodiensi* et *Aquisgranensi* terra effoditur, vulgo *Gallmey* dicta, libr. 1. in puluerem redactam, et tantundem antimonii crudi bene triti, commisce in mortario probe pulueres, et aliquot minutarum spatio habebis puluerem illum, qui datus est D. D. GOETZIO, salinum, non tantum in spiritu vini rectific. sed et ipso vino et aqua solubilem, diuersi tamen coloris solutionem exhibentem. Cui comper- tum est, limaturam martis et sulphur commune, vel antimonium crudum, commixta et leuiter aqua irrorata, etiam, licet lentius, in vitriolum abire, vel falem praestare; eundem forte effectum suspicabitur, sed fallitur, cum hic vitriolum saltem martis prodeat, in destillatione acidum sulphuris fundens vt commune, in concreto vero vitriolico ex cadmia et antimonio aliud plane se sistat salis genus, cuius phaenomena rara iam pandemus, in quantum propriis manibus et oculis iam anno huius seculi quinto *Berolini* lustrauimus. Vigebat tum temporis, et totius adepturientium, vt ita loquar, turbae in dicta vrbe manibus terebatur chaos istud satur- ninum, mercurius duplicatus, materia quae se ipsam soluit et lauat, benedicta viriditas, vitriolum non vulgare sed philosophicum, et quae sunt alia sacra nomina Alchymistis decantata, quae omnia hic ex amussim quadrabant, et spem alebant, aut hic aut nusquam aurei velleris spolia reportanda fore. Erat tum mihi a laboribus chy-
mi-

micis homo laborum chymicorum experientissimus, qui iam cum patre suo per multos annos rapinae huic splendidae inhierat, et suasor mihi erat, ut manibus eius et directioni meae subiectum hoc admirandorum plenissimum subiicerem; annuebam eius desiderio, et meae etiam curiositati satisfactor summus lubentissime suppeditabam. Commisimus ergo primo praedictos commistos pulveres retortae, et destillando extraximus circiter 7. vnc. vsque ad libr. dimid. liquoris spissi et oleosi, qui sub finem destillationis in collo retortae in concretum album salinum abibat. Id sublimatum siccum cum liquido confusum, ut dictum, pendebat praeter propter semi libram, vterque vero puluerum libram aequabat: prodiit ergo ex substantiis siccis quarta pars in liquorem resoluta, qui liquor nec odore nec sapore vlla vestigia acidi sulphurei et mineralis, sed liquamen saltem falsum praebebat, in omnibus solutioni salis ammoniaci vulgaris sapore correspondens, sicut et sublimatum siccum penitus salem ammoniacum sapore et pondere specifico mentiebatur. Caput mortuum in fundo retortae inueniebamus viuide, ad indolem sanguinis, rubicundum, id quum affusa aqua solueremus, solutio illico emergebat viridescens et lucidissimo smaragdo similis, quae praebebat vitriolum prorsus smaragdinum, spei plenum, et ipsos oculos exhilarans. Vitriolum istud philosophicum, (quis enim tale non credidisset) denuo ex retorta vrgebamus, et idem rursus spiritus cum sublimato se sistebat. Soluta iterum capite mortuo, idem prodibat vitriolum smaragdinum, quod destillationi commissum, tertia etiam quarta vice, in liquorem eundem fatiscebat. Subducto igitur calculo, videbamus non sine stupore philosophico, vix octauam partem horum puluerum, prorsus ab initio siccorum, in terra rubra vitriolica restitare, reliquum vero omne per se et sine omni menstruo, nisi aqua sola, in liquorem salinum abiisse. Quis talia videndo non obstupesceret, et prae gaudio philosophico non extra se raperetur? Collectos hinc omnes liquores destillatos cum sublimatis siccis, alembico subdita, leni calore a phlegmate inerte liberabamus, et in fundo cucurbitae remanens liquamen spissius frigido aeri expositum in glaciem concresecbat. En tibi rursus faustissimi euentus praesagia! aquam siccam, sperma lunae, gluten aquilae, salem nostrum ammoniacum, sulphur naturae, salem fusibilem et omnia reliqua arcani philosophici et materiae lapidis proximae, imo clavis referantis amica nomina. Iam dum ad manus erant ex utroque luminum solis et lunae praeparatae calces, ad album nimirum et rubrum, quas aquilae nostrae deuorandas in ouis

philosophicis obiiciebamus, sed frustrato eheu! successu; aquila enim nostra nec rostrum nec ungues mouebat, et corpora luminarium magnorum eclipsin subire philosophicam recusabant. Spes ergo concepta vacillabat, nondum tamen penitus decollabat: alia via opus vrgendum erat. Accepimus mercurii currentis vncias duas, huic in retorta addebamus vncias sex mercurii nostri ceu philosophici, spem alentes fore, vt si igne intensiori tandem hi diuersi mercurii vrgerentur, in vnum concretum salinum coeant, et ita demum genuinum mercurium philosophicum duplicatum nobis sistant, auro et argento magis homogeneous, et sic solutioni praestandae aptiorem. Sed ecce! nouum spectaculum nobis omnino ingratum: mercurius currens adhuc currens cum mercurio nostro philosophico transcendebat, nil omnino in fundo retortae relinquens. Mercurius tamen vulgaris deprehendebatur auctior et plumbeo colore decoloratior, menstruum vero liquidius, quod cum affusa aqua calida penitus a mercurio separassemus, hunc inueniebamus iam duplo sui pondere auctum, sed inertem, lentum et vix dignum, qui vulgaris mercurii locum et pretium subeat. Cecidit hinc quidem nostra spes lapidificandi; raritas tamen experimentorum impensis erat nobis dignissima. Vltcrius ergo salem istum ammoniacum, communi per omnia analogum, experiendo vellicabam, visurus, an et communia salis ammon. sistat producta; quem in finem alcali fixum ei immiscui, et praeter expectationem spiritum et sal volatile vrinosum, ei quod ex regno tam animali, quam vegetabili extrahitur, per omnia suppar accepi. Vltcrius inquirere, ob alios labores substiti, alias etiam indolem acidi, quod alcali volatile istud minerale sibi innexum tenuit, ope olei vitrioli ex restitante in fundo sale neutro exploraturus fuissim. Quod si STAHLIVS Nostras, solers et acutus, rimandae vltcrius huic experientiae, si forte ipsum adhuc lateat, manus et ingenii vires admouerit, non dubito, pulchra adhuc proditura, quae nos ad intimiora horum trium regnorum manu ducere possint. Si quid veri coniicio, tria haec regna non adeo sibi aduersa et dissita sunt, quin facili negotio vnum in alterum transmutetur. Imo fidem meam liberare possum experimentis, iam dudum me ex regno animali et vegetabili fecisse mercurios currentes, sicuti iam ex subiecto minerali sal volatile vrinosum prodiit, quod in experimento priori sine dubio ad augmentum mercurii vulgaris mineralis contulit. De effectu medico, quem D. SCHNEIDERVS sibi ex tinctura sua antimonii spondere, et vltcrius aperire velle promittit, non multum ipsi et mihi promitto:

integra enim et superficialis solutio huius vitrioli, ob constringentem nimis efficaciam, nisi iusto tempore et caute adhibeatur, plus damni, quam emolumenti aegrotis ferre apta nata est. Destillatum vero meum in morbis acutis et infectiuis ob vim anodynam et simul expultricem, nunquam non erit proficuum. Vitriolum tamen crudum adhuc, sicut et ipsa eius terra mortua, multum valet in extergendis et consolidandis vulneribus et vlceribus cacoëthicis, quibus et ipsum destillatum, tam interne, quam externe, apprime proficuum est.

CHRIST. GODOFR. STENTZELII medicina theoretico-practica, *vid. Hebd. I X. p. 72.*

Praesentis opusculi Cel. Dom. Autor theoriam et praxin medicam coniunctim traditurus, hanc sibi normam dicendorum praefixit, vt explicato hominis statu naturali, rationem simul morborum, remediorum et medendi methodi haberet. Quum vero tam multa tamque diuersa sint, quae nobis salubrium et insalubrium notitiam suppeditant, et genuinum eorum ad sanitatem tuendam, et morbos curandos, vsum edocent; repudiata, in docendo aeque ac discendo medicinam, omni prolixitate, praecepta mandat aphorismis, aptis, concinnis et elegantibus, qui necessaria tantum complectuntur, ac experientia et ratione suffulti, ad scopum rite obtinendum sufficiunt. Has instituti sui rationes in praefatione ipsius opusculi, quod Perillustri Domino de LOSS dedicatum voluit, paucis exponit. Neque vlli dubitamus, quin non auditores solum, quorum in gratiam ista inprimis adornata sunt, grato agnoscant animo hanc Auctoris nostri industriam, sed et omnes in vniuersum, quotquot in vnam veluti summam collecta legere desiderant, quae de vno eodemque argumento, ad theoriae et praxeos necessarium vsum, scire necesse est. Absoluit autem Cel. A. noster omnem tractationem suam XX. capitibus, praemissis prolegomenis, in quibus *de origine, incremento, sectis et subsidiis medicinae* succincte atque erudite differit. Capite I. *de homine, huiusque physiologica et pathologica distributione* agit, p. 11. Cap. II. *de corpore humano in genere* tradit, p. 15. anatomicam prius corporis distinctionem exhibens, docet, quibus vnaquaeque pars circumscribatur terminis, et quas in se partes inclusas contineat; inde morbos potiores, inibi possibiles, enumerat: huic anatomicae physiologicam adiungit diuisionem in solidas et

et fluidas partes ; vtrarumque rursus morbos, horumque media et curationem generalem recenset. Cap. III. *de chylo et canali alimentorum* tractat, p. 28. indicatis primo, quid nomine chyli veniat, et quid ad eius indolem conferat cum quantitas, tum qualitas alimentorum, ipsum chylicationis negotium expendit, eumque in finem canalıs alimentorum, quem oesophagus, ventriculus et intestina constituunt, fabricam et actionem considerat. Nimirum breuiter summatimque ea complexus, quae circa deglutitionem, et secundum, et praeter naturam, accidere solent; seorsim etiam ventriculi munus explanat, ex eius indole regulas diaeteticas elicit, inde morborum eiusdem indicem sistit, atque porro ad illorum curam progrediens, praecepta primum generalia praescribit, deinde speciatim emeticorum vsum discutit, declarando, quibus illa conditionibus noceant, prosint; quibus ex varii generis emeticis pro varia mali origine vtendum, et qua tandem methodo propinentur. Hinc vltcrius dictum canalem prosequutus, intestinorum fabricam, distinctionem et functionem examinat, et quo viae chyli feræ ducunt, sequitur. Atque huic naturalis status considerationi illam quoque praeternaturalis subiungit, explicatisque morbis, heic oriri solitis, primariis, ipsam simul eorundem medelam tradit, et sigillatim de anthelminticis, carminatiuis, purgantibus et eccoproticis, hydragogis, cholagogis, melanagogis, panchymagogis, colicae item, diarrhoeae et dysenteriae cura instruit. Patet hinc, qua ratione et quo ordine procedat Cel. A. in tradendis aphorismis suis: consimili vero modo reliqua pertractat argumenta capitum subsequentium, quorum adeo titulos allegasse sufficiat. Agit autem cap. IV. *de sanguine huiusque circuitu atque instrumentis*, p. 93. Cap. V. *de febribus*; p. 129. Cap. VI. *de scorbuto variisque illius speciebus*; p. 160. Cap. VII. *de obstructione, inflammatione, tumore, scirrho, ulcere, cancro, gangraena et sphacelo*; p. 180. Cap. VIII. *de lymphâ et illius secretionem*; p. 201. Cap. IX. *de succo neruo, cerebro, cerebello et spinali medulla*; p. 211. Cap. X. *de sensu, iisque, per quae sentimus, organis*; p. 244. Cap. XI. *de respiratione et huius instrumentis*; p. 288. Cap. XII. *de transpiratione insensibili et sensibili*; p. 301. Cap. XIII. *de corporis nutritione*; p. 312. Cap. XIV. *de lactis secretionem*; p. 322. Cap. XV. *de secretionem bilis*; p. 328. Cap. XVI. *de lotii secretionem*; p. 336. Cap. XVII. *de fluxu menstruo*; p. 344. Cap. XVIII. *de liquoris genitalis secretionem*; p. 350. Cap. XIX. *de succi pancreatici et similibus liquorum secretionem*; p. 355. Cap. XX. *de homine nascendo*; p. 359. ad cuius calcem index rerum et verborum adiectus est,

COMMERCII LITTERARII

AD

REI MEDICAE ET SCIENTIAE
NATURALIS INCREMENTVM
INSTITVTI

Hebdomas decima quarta.

Norimbergae a. d. II. APRILIS clb lccc XXXII.

I.



Göttingae summe reuerendus Dom. Doct. et Prof. HEVMANN ad Orationem *de vita ac meritis* JOH. IOVIAN. PONTANI in solenni Panegyri habendam inuitauit programmate *de eloquentia Medici* conscripto. Ad hoc thema explicandum ansam sibi praeuuisse, ait laudatissimus et omni eruditionis genere praestantissimus Dom. Autor, illud CELSI de HIPPOCRATE *iudicium*, quo in praefatione eum adpellat *Virum et arte et facundia insignem*. Plenius in hoc peregre regio scripto exponit D. A. quae celeberrimus olim Lipsiensium Medicus, JOH. BOHNIVS, in suo *de officio Medici* libro, et quidem *Cap. IV.* tribus saltem verbis habet. Requiri nempe omnium maxime a medico, ut in cathedra non tantum aut scriptis facundiam suam exferat, (quam Dom. Autori eloquentiam publicam nominare et priuatae opponere placet) verum etiam in confabulationibus et conuersationibus familiaribus verba compta faciat, sermonesque concinnos instituat: quod quidem eo minus in dubium vocare licet, quo frequentius obseruare datur, quod ingens verbis grauibz suauibusque potentia, in animi affectibus varie moderandis, et ipsa aegrotantium valetudine redintegrandi, subest. Quare non sine ratione veteribus erat dictum: *in verbis magnam inesse virtutem*. Et multi medicorum in exemplum allegari possunt, de quibus iure praedicari potest, se affabilitate sua infirmis melius consuluisse, eosque a morbis magis liberaffe, quam longa ac multa medicamentorum propinatione, quos inter nominare licet PHIL. JOACH. VADIA-
O NVM

NVM et JOH. CRATONEM. Lingua certe prompta atque disertata apud aegrotantes tantam habet vtilitatem, vt vix crederes, quantam medicus ea sibi parare possit confidentiam, adeo vt aegrotus illum pro altero agnoscat Aesculapio: hinc PLINIVS in Histor. Natural. Lib. XXIX. Cap. I. *vt quisque, ait, inter medicos loquendo pollet, illico fit imperator vitae nostrae necisque.* Aliter contra de medico, apud LAERTIVM Lib. VIII. §. 35. sonant verba: *callendae arti satis idoneum quidem: in scribendo autem et loquendo languidum esse.* Maxima aegrotantium pars eiusdem indolis est, ac Aristoteles, qui morbo decumbens medicum se inuisentem ita alloquebatur: *noli me putare veteranum ciliarium aut agasonem, quin aperte mihi expone causam morbi.* Probe cauendum tamen prudenti medico est, ne eloquentia sua in garrulitatem aut ventositatem circulatoribus dignam abeat, eoque illud incurrat, quod in prouerbio dicitur: *medicus garrulus aegrotanti alter est morbus.* Sub finem pereruditi huius scripti, allegat Dom. A. quosdam et lingua et calamo celebres medicos, et inter veteres meminit HIPPOCRATIS et GALENI, inter recentiores autem et adhuc superstites nominat, omni honoris titulo exornandum D. JOH. GODOFR. BERGERVM, Vitebergensem Professore diu celeberrimum, cuius *Physiologiam medicam*, b. D. BVDDEVS tanta conscriptam esse testatur verborum elegantia atq; ornatu, vt reliquis in hoc genere dubiam fecisse palmam videatur.

II. *Parisiis* scribunt, in secundo *novae Chirurgorum Academiae* conuentu, Dominum de la PEIRONIE, qui chirurgus Regis primarius est, et instaurandae huic academiae plurimum operae dedit, litteras Comitum de MAVREPAS societati praelegisse, quibus illa, Regis nomine, iubetur, hebdomadis cuiusque die quoque Jouis, a tertia ad quintam vsque horam, conuentum suum cogere. Dominum du VERNEY, jun. peractis aliis, incrementum huius academiae spectantibus, tractationem *de tumore quodam ex dilatata vena nato*, recitasse. Eandem porro academiam praemium, sub anni proxime futuri auspiciis exhibendum, numum nempe aureum, pretio ducentas libras aequantem, ei proposuisse, qui, ex academiae iudicio, sequentium problematum optimam dedisset solutionem: *cur scilicet alii tumores penitus exstirpandi, alii vero tantum aperiendi sint; quatenam etiam circumstantiae in utraque operatione cauterium antehabendum ferro suadeant, et quatenam huius selectus causae sint?* Atque hocce praemium quibuscunque, quarumcunque etiam nationum, chirurgiae cultoribus, solis academiae membris exclusis, ad trigesimum vsque Septembris exponi, quo

quo tempore elapso nullam amplius acceptum iri eorundem solutionem.

III. Altorfio accepimus D. D. IO. HENR. SCHVLZE Professionem anatomes et chirurgiae, nec non Graecae et Arabicae linguae dimisisse, vt Clementissimae vocationi ad medicinam, philosophiam, eloquentiam et antiquitates in Regia Fridericiana docendas obsequium praestare possit. Ita maturabit iter vt ante proximas ferias Halam perueniat, seque ad suscipiendum et incoandum nouum munus comparare possit.

D. D. GEORG. ERH. HAMBERGERI Aneurysmatis spurii dissecti historia.

Studiofo cuidam, ante festum Michaelis a. p. vena secatur basilica dextri brachii, sed adeo infaulte, vt arteria quoque subiacens simul laederetur. Hoc an chirurgus statim cognouerit, affirmare nequeo; illud tamen certum est, quum tumor in flexura cubiti nucis auellanae magnitudinem haberet, a chirurgo consilium esse datum, vt studiosus arcam paruam lapidibus oneraret, et manu dextra frequenter agigaret; quo facto indies tumor euasit maior, ita vt circa festum Martini, quo tempore aegrotus Cl. Dom. Consil. Aul. TEICHMEYERI auxilium implorabat, iam ouo anserino esset aequalis. Hic Vir Cl. ex pulsu in tumore deprehendens aneurysma adesse, absque sectione curationem vix sperari posse pronunciauit, hoc vero remedii genus aegroto tunc repudiante, alia quidem per vnam alteramque septimanam, sed absque successu, tentata sunt. Aliquot diebus post, nescio quo fato, medicastro, omni scientia medica destituto, traditur aeger; iste pro fungo habens tumorem, emollientia adplicat. Sic increuit tumor, sub enormibus doloribus, ad insignem magnitudinem. Medicafter, suppurationem ex voto factam credens, cauteria potentialia duo applicat, quorum alterum, hora XI. nocturna diei XXI. Dec. cutem perforauit, sed loco puris tanta sanguinis erupit quantitas, vt aegrotus et adstantes, haemorrhagiam timentes lethalem, denuo ad Cel. TEICHMEYERVM, tanquam ad sacram anchoram confugerent. Hic, sedata haemorrhagia, altero die Exc. Dom. HILSCHERVM atque me, ad visitandum aegrotum, in-

uitauit. Tumor tunc in sui medio, circa flexuram cubiti, latitudinem 8. vel 9. digitorum, longitudinem vero pede maiorem, habebat, latitudine enim sensim decrescente, paululum vltra medium humeri ascendebat, et vltra medium cubiti descendebat; cutis circa flexuram cubiti fusca apparebat. Consilio inito, sequenti die, XXIII. nempe Decemb. horis matutinis sectionem instituere decreuimus, quae sequenti modo peragebatur. Interiori et superiori humeri parti, proxime supra tumorem, itemque exteriori, duos cylindros ex linteaminibus conuolutos, quorum diameter minimum duobus, longitudo quinque digitis aequalis erat, ita applicui, vt minimum internus, tota sua longitudine, arteriae incumberet: obuoluto linteamine aliquoties duplicato, filum cannabinum crassius (*Klafter-schnur*) bis laxè circumduxi, quod baculo ligneo contorxi. Explorato intus, ope styli aperturae per cauterium factae immissi, tumore, Cl. TEICHMEYERVS sectionem cutis instituebat, initio facto a dicta apertura, quae in cubito haerebat, et a flexura cubiti minimum tres distabat digitos. Continuata sectione in linea recta vsque ad condylum humeri internum, eadem ob tumorem in humero adhuc per quatuor digitos, secundum longitudinem humeri, in parte eius interna, extendebatur. A medio primae sectionis, versus condylum humeri externum, nouam sectionem instituere animus erat, sed non nisi per duos digitos continuari poterat, tendo enim musculi bicipitis ibi proxime cuti adhaerebat, et ab ossibus minimum tres distabat digitos, adeo vt nulla eius cum radio connectio, etiam post sanguinis coagulati euacuationem, obseruari potuerit. Sectione sufficienter facta, sanguis fluidus quidem, sed qualis ex venis prodire solet, effluxit, quo fluxu breui cessante, Cl. TEICHMEYERVS sanguinis congrumati et paululum foetidi minimum libras duas, partim digitis cavitati immissis, partim leni pressione externa, expressit. Adparuit tunc globus ex carne membranofus, superficiei inaequalis, arteriae adhaerens, diametri duorum digitorum. Hunc exploraturus, digitis paululum compressi, ex aegroto quaerens, num dolorem perciperet, quod cum aegrotus negaret, fortius pressi, et sic non solum ab arteria successiue secessit, sed et in tribus locis ruptus, sanguinem coagulatum dimisit. Omnibus sic ablatis, nuda arteria, non dilatata, cerni poterat, sed nullam eiusdem laesionem obseruare licebat, donec, laxata paululum humeri strictura, sanguis floridus cinnabarinus, per angustum foramen magno impetu profiliret. Cognito sic loco laesionis, humerus denuo constringebatur, et Cl. TEICHMEYERVS frustulum vitrioli cal-

calcinati loco laesionis adplicabat : huic imponebatur charta emporctica masticata , tota regio pulueribus stypticis conspergebatur, reliqua cavitās linteamine carpto , puluere styptico consperso, replebatur , chartae masticae splenia minora , dein successiue maiora, imponebantur , donec sufficiens altitudo adesset , vt fasciae circumduci potuerint. His quoque decenter applicatis , in lectum reponnebatur aeger , sed , laxata strictura humeri , vbiuis per fascias sanguis floridus arteriosus erumpebat. Denuo hinc humero constricto, fascias et splenia separaui , et solam chartam masticatam , liquore styptico impraegnata , ex communi consilio adplicui , commendante Excell. HILSCHERO ad hunc vsum , prae reliquis , liquorem stypticum DIPPELII , reliqua incuruato prius paululum brachio , eodem ac antea modo , facta sunt. Aegro in lectum reposito , et laxata strictura humeri , nihil per fascias effluebat , fasciis vero liquor spirituosus , ex spiritu matricali et aqua Anhaltina , affundebatur. Breui post lenis et mollis tumor in manu et digitis adparuit , digitos tamen aegrotus melius post operationem , quam ante eandem , mouere poterat. Pulsus , qui ante operationem celer erat , post eandem parcus quoque euasit. Cura aegroti studiosis medicinae , qui operationi adstiterant , commendabatur , vt nempe qualibet hora epithemata humida , ex herbis balsamicis in vino coctis , adplicarent , et , quolibet bihorio , fascias supra dicto liquore spiritoso conspergerent , atque medicamenta bezoardica et traumatica , ab Exc. TEICHMEYERO tradita , decenti tempore exhiberent. Proxima nox absque somno fuit , altero die sitis vrgebat , pulsus erat celerior atque magnus , et tumor brachii , tam infra ligaturam quam supra eandem , maior atque durior , venae sectio hinc in altero brachio instituebatur , et constrictio humeri omnis perfecte remittebatur. Altera nocte per aliquot horas dormiuerat aegrotus , foetor circa fascias percipiebatur , pulsus adhuc erat celer , sed tumor brachii minus durus. Vesiculae quoque quaedam pellucidae in dorso manus et cubito erumpebant. Nocte tertia rursus per aliquot horas aegrotus somnum viderat , insomniis tamen agitatus. Sequenti die XXVI. nempe Dec. vesiculae ouo columbino aequales in vola manus videbantur , in quibus , post apertionem , gelatinosa materia deprehendebatur , aeger vero foetorem brachii vltius ferre non poterat. Eodem igitur isto die mane constricto prius paululum humero instrumento isto , a Dom. PETIT inuento , et a Dom. Garangeot , in suo tractatu de instrumentis chirurgicis , descripto , Gal-
lis Tourniquet dicto , remouebam fascias atque splenia , et efflue-

bant, tam sanguinis, quam materiae purulentae iunctim circiter vnciae quinque. Cutis, quae post sectionem flaccida erat, iam succo plena turgebat, optimi erat coloris, nisi quod alterum labium vulneris, ad tendinem vsque bicipitis facti, nigricaret. Dom. Consil. Aul. TEICHMEYERVS, chartam masticatam, arteriae adhaerentem, cum ultimo splenio arteriae adprimebat, vt tanto tutius cavitatem a sordibus purgare possem, qua purgata, totam chartam masticatam circum circa colophonio subtilissime puluerisato conspersi, cavitatem proximam linteamine carpto, eodem colophonio consperso, reliquam vero cavitatis partem, linteaminibus carptis, spiritu matricali impraegnatis, repleui, impositis denique dicto modo spleniis, fascias adeo laxae circumduxi, vt circumvolutae tantum viderentur. In lectum aegro reposito multum laxavi stricturam humeri, et nulla subsequuta est haemorrhagia. Vola quoque manus emplastris saturninis aliisque decenter tractabatur. Epithemata humida seponebantur, et fasciae tantum liquore spirituofo conspergebantur. Sequenti nocte aeger sat bene dormiuit, sub insomniis tamen. Quinto a sectione die tumor brachii notabiliter imminutus erat, et aeger non solum digitos, sed et carpum mouere poterat. Quinta nocte sat quiete dormiuerat aeger. Sexto die denuo abstuli fascias cum spleniis atque linteamine carpto, charta masticata firmiter adhuc arteriae adhaerebat, quam dum Excell. TEICHMEYERVS digito arteriae adprimebat, totum vlcus a sordibus purgaui, partem nigricantem, quae sese separauerat, a reliqua carne forfice amputaui, chartae masticatae ambitum colophonio conspersi, reliquae vero cavitati balsamum atque essentiam oculorum populi illiniui, eamque linteamine carpto, liquore dicto spirituofo impraegnato repleui, spleniis atque fasciis decenter, lenissime tamen, obduxi. Tendo bicipitis tunc in membranam expansus adparebat. Sexta et septima nocte optime quieuerat aegrotus. Septimo die cibum appetebat, alium vero quam haecenus, iuscula nempe, non exhibuimus, et materia purulenta copiose per fascias prodibat. Octauo die, trigesimo nempe Decembris, foetor erat enormis, et, ablatis linteaminibus, non solum tendo bicipitis nigricans atque corruptus ex musculo tantum pendebat, quem Excell. TEICHMEYERVS forfice amputabat, sed charta quoque masticata sponte iam ab arteria secedebat, quae vero, ob carnem recentem et bonam, circa eam concretam, nude ulterius, nisi in paucis punctis, haud apparebat, nec sanguinem fundebat, tametsi humerus vix sensibiliter constrictus esset. Totam igitur arteriam

nouo

nouo conspersi colophonio, nouam quoque chartam masticatam, liquore styptico Dippelii paululum impraegnata, loco laesionis imposui, reliquaue, vti in tertia deligatione, institui. Cum charta masticata prima vice secederet ab arteria, vestigium laesionis in eadem nullum obseruauimus, sequenti vero die, in loco laesionis particulam corneam, sub lentis magnitudine liuidam vidi, quam vero die V. Januar. cum denuo aegrum visitarem, cernere ulterius haud potui, sed tota arteria elegantissime carne tecta erat. Vitae periculo feliciter sic, adiuuante summo Numine, superato, Cl. TEICHMEYERVS reliquam consolidationem solus rursus suscepit, qui quoque in peculiari dissertatione totum casum illustrabit.

Die Erkenntnis der Weisheit, Macht und Güte des Göttlichen Wesens, aus dem rechten Gebrauch derer Betrachtungen aller irdischen Dinge dieser Welt, etc. i. e. Sapientia, potentia et bonitas essentiae diuinae ex legitimo rerum naturalium consideratarum vfu cognoscenda; ad conuictionem atheorum, et reuelationi diuinitus factae aduersantium, plurimis figuris aeneis illustrata et suppeditata a BERNHARDO NIEWENTYT, M. D. Cum praefatione Dom. CHRISTIANI WOLFII, Pot. Suecorum Regis, Hassiae Landgrauii, Consilarii aulici, et Math. ac Philos. Prof. prim. Olim iam ex belgica lingua in gallicam et anglicanam translata, et quinta vice recusa; iam vero, ob insignem operis praestantiam, ad multorum desiderium ex idiomate vernaculo in germanicum versa, atque vtilissimis Indicibus aucta per GVIL. CONRADVM BAVMANN, V. D. M. Offenbaci. *Francofurti et Lipsiae, apud Joh. Pauli, Librarium Amstelodami, loco prius memorato impressum litteris Broennerianis, MDCCXXXII. 4to maiori. Alph. V. praefat. pl. 3. tab. aen. 28.*

Immortalis huius operis mentionem hic facimus, quoniam ex operibus naturae deducta sunt, quae inibi proponuntur, adeoque plurimam eius partem absoluunt, quae ad scientiam naturalem dicuntur pertinere. Neque vero est, quod ipsa rerum pertractatarum argumenta delibemus, quum tanta sit operis huius celebritas, vt fere omnium

omnium in manibus illud versetur, quotquot penitiori naturae cognitioni litant. Sed de iis tantum in praesentiarum lectores nostros informatos volumus, quae circa nouam hanc editionem praestita fuerunt, quaeque nosse illos iuuabit. Primum autem sese nobis legentibus offert praefatio WOLFIANA, qua de commodo huius argumenti luculentissime differitur, et, qui pro varia rerum naturalium consideratione ad varia summi DEI attributa ratiocinandum sit, succincte docetur. Eadem hinc *Nieuventytianas* curas debita laude prosequitur, simulque bene meritum de Germanis, linguae belgicae ignaris, pronunciat Cl. BAVMANNVM, quod instructus boni requisitis interpretis, genuina nempe rei, quae tractatur, intelligentia, atque vtriusque linguae sufficienti notitia, hanc vtilissimam operam nauauerit, et germanico etiam indutum habitu produxerit, quod belgico primum, anglicano post gallicoque vestitum incedebat, opus. Alterum, quod huic editioni accessit, est *vitae Nieuventytianae* cursus, cuius potiora momenta breuibus is ipse recenset, qui germanica ciuitate hoc volumen donauerat; exponendo de Auctoris aetate, obitu atque ortu, speciminibus in mathesi, animo in philosophiam Cartesianam, monumentis litteratis, et opere in primis praesenti, moribus, morbo, vltimis verbis et insequenti morte. Idem porro praeclarissimi scripti huius vtilitatem expendens, quaedam adhuc annotat; et tandem de sua ipsius fide, quam in hoc opere transferendo haud dubiam vult, nos quam certissimos reddit; monendo insuper, quod huic suo labori exemplar belgico substrauerit idiomate proflans, quum nimirum multa, quae hic iam continentur, in anglicana gallicaque desiderantur. Tertio, pro commodiori libri vsu, ad oram singularum paginarum lemmata, siue breuia argumenta sunt adiecta. Quarto vocum, quae hinc inde occurrunt, earumque si non penitus, saltem vel plurimis ignotarum, dilucidatio subnexa est, ordine facto alphabetico. Atque hanc quinto triplex subsequitur index, primus hebraicorum graecorumque vocabulorum, alter locorum S. Scripturae; tertius denique rerum, hoc volumine contentarum. Caeterum vt intrinsecae libri bonitati satis hac ratione consultum est: ita ne quid etiam externae decederet eius pulchritudini, et chartae et litterarum nitore cautum est.

I Dissert. inaugur. de morbis ex immunditiis. Praef. D. D. JOH. ZACHAR. PLATNERO. Resp. JOH. GOTTLÖB. WILD. Lommaz-Mish. Lipsiae d. 4. Maji 1731. 4to. pl. 4. cum dim. Panegryn indixit D. D. MICH. ERN. ETTMÜLLER programme, quo peculiarem *scabiei* speciem exponit. pl. 1.

II. Dissert. inaugur. de morte naturali. Au&. LEOPOLD. FRIDER. LE CONTE, Montbelgardenis, Argentorat. d. 29. Nouembr. 1731. 4to. pl. 4.

COMMERCI LITTERARII
AD
REI MEDICAE ET SCIENTIAE
NATURALIS INCREMENTVM
INSTITVTI

Hebdomas decima quinta.

Norimbergae a. d. IX. APRILIS clb lccc XXXII.

I.



Etropoli scribunt, in publico, quem ipso suae Nutricis Augustissimae natali, die nempe XI. Februarii, Imperialis scientiarum Academia celebrauerat, conuentu Dominum Doctorem et Professore GMELINVM sermonem *de chemiae ortu ac progressu* recitasse, quo quid indagandae metallorum naturae chemia profuerit, quidque inde ad ipsarum particularum, corpora constituentium, cognitionem certi concludere liceat, demonstrauerit. Dominum Professore EVLERVM Academiae nomine ipsi respondisse.

II. *Londino* nunciatur celeberrimum D. D. DILLENIVM, natione Germanum, qui insignem ex *Flora Giessensi* a se euulgata, acquisiuit famam, ibique per aliquot iam annos degit, indefesso adhuc occupari studio in elaborando *Pinace magni Theatri Botanici*, cui erudito labori tria, et quod excurrit, lustra adeo impendit Cl. Autor, vt rei botanicae amatores opus olim haberent omnibus numeris absolutissimum atque perfectissimum. Diem equidem, quo confectum dabitur, accurate determinare nondum licet: breui tamen secuturum fore, pro certo haberi debet. Verum prelo antea committet Dom. Autor nunquam satis laudandus *Descriptiones plantarum rariorum Horti Enthamensis* iam elaboratas, quibus eas solum plantas exoticas, quae nemini adhuc innotuerunt, hinc in nullo, quotquot extant, operum botanicorum reperiundae sunt, indicabit. De his sane eo magis egregium ac plane singulare nobis

polliceri possumus, quo intensius quoque solertius Dom. Autorem in re botanica per multos iam annos sola excolenda desudasse, quaeque in hunc diem magis exercenda satagere eum nouimus. Implebunt autem ad centum plagulas, chartae maioris, quam regalem vocant, nitide impressas, et proximo Julio mense lucem, vti spes est, videbunt. His accedent icones ab ipso solertissimo Autore, aeri incisae et accuratissime, prout omnino coniicere licet, delineatae, quarum iam CCCXX. paratas habet, quaeque peculiare conficient volumen. *Ibidem* Dom. JEBB, nouae, quam molitur, editionis operum celeberr. ROGERII BACONIS, ordini Discalceatorum addicti, et seculo XIII. in Anglia sub *Doctōris mirabilis* encomio cogniti, sciagraphiam typis euulgauit. Noua haec editio mediocri volumen, quod in folio nuncupatur, conficiet, et in duos dispescetur tomos: quorum vnus opera BACONIS, maximam partem mathematica et chimica, olim etiam impressa continebit: alter vero scripta eius adhuc inedita: quae hucusque in variis Angliae bibliothecis sparsim latuerunt manu exarata. Permultos confidit Dom. Editor eruditos, in voluendis aut perlegendis istis, fore miraturos, si ea, quae abhinc duobus seculis tanquam nouiter inuenta praedicari coeperunt, BACONI etiam innotuisse cognouerint. Totum volumen plagulas prope CXX. si bonam partem iconum aeri insculptarum excipias, implebit. Vendetur praenumerationis adminiculo, hacque lege, vt pro exemplari chartae minoris, vnus aureus anglicus, (*Guinée*) pro alio autem maioris formae, duplum soluatur: et dimidia quidem pretii pars statim ab euulgationis huius die, id vero quod restat, eo, quo liber traditur, tempore numeretur.

III. *Neocastro Heluetorum* nunciant, Domīnum LVDOVICVM BOVRGVET, *Societ. Berolinensis Collegam*, professionem Physices et Matheseos inibi obtinuisse, eandemque auspicato nunc ingressum esse oratione, *de Matheseos et Physicae faris* pererudite habita, quam ad iteratas intelligentium preces luci publicae propediem exponet. Cuius Cl. Viri iam eximium in scientia rei naturalis documentum prostat, quod vel nuperrime *de formatione salium et crystallorum, generatione item et mechanismo organico plantarum et animalium, etc. vna cum commentatione telluris theoriam spectante*, gallico idiomate publicauit.

IV. *Regiomonte* curatissimam vasorum corporis lacteorum dilucidationem a JOH. CHRIST. BOHLIO perfectam, proximique typis sub hoc titulo exscribendam referunt: *γαλαξία corporis ani-*

animalis, occasione experimenti Gedani de ductu thoracico capti, examinata a JOH. CHRISTOPH. BOHLIO, M. D. Cuius scripti Cl. Auctor, vt ex nouis litterariis legere est, inuenta quaedam de villis intestinalibus et ipsa administratione anatomica in variis partibus dubia eruisse, diuersorumque problematum physiologicorum nodos ita, vt assensum mereantur, euoluisse praedicatur; quum praeterea noui huius inuenti aetatem ab Arabibus inceptam ad nostra rerum tempora deduxisset. Rarioris cuiusdam ductus thoracici, quam operi huic annexuit, figuram praesens ipse Gedani describendam curauit, quum non modo ductus illius, sed et totius lymphaticorum systematis iniectionem sua ipsius methodo felicissimoque successu perficeret. Jam dudum vero idem Cl. Auctor firmae voluntati, *vitae ac fatorum* FR. RVYSCHII edendorum, plurimumque nunc elaboratorum, non defuisset: nisi grauiorum rerum, quibus cum conflictatur, conditio eidem isto conamine interdixisset. Nihil nimirum aliud, quam quod fide summohuic Viro data in se receperat, efficere connitetur, quippe cuius per quadriennium a manu fuit, non alia quam liberorum parentisque necessitudine coniunctus, ita, vt varias rerum, huic Viro propriarum, certasque rationes, quae auribus fere numquam aliorum haustae sunt, cognitae omnino perspectasque habere praesumatur.

V. *Ex Litteris Dom. JOH. CONR. GMELINI, Pharmacopoei Tubingensis ad D. D. EHRHARDVM d. 8. Jan. a. c. datis.* Nuperrime casus fortuitus *sperma mercurii per compendium obtinendum* offerebat. Ordinarius illud parandi modus ita se habet. Recipe aluminis vsti, nitri depurati, cinnabaris antimonii ana vnciam vnam, haec puluerisata solebam retortae committere, et huic vitrum cylindricum orificii amplioris (vulgo ein Zucker-gläßgen) aptare, atque deinde ex arena ope ignis per gradus prolicere albicantes quasi nebulas, drachmam vnam circiter liquoris siue spiritus, si mauis, fundentes. His euanescentibus augebam ignem ad summum gradum per horae spatium. Tribus horis elapsis totus processus absoluebatur. Fracta retorta in fundo monstrabat materiem albicantem ponderis vnus vnciae cum semissa, globulis quibusdam mercurii permixtam, quos pro mercurio reducto asseruauit. Circa medium et collum retortae sublimata adhaerebat materia mixti coloris, nunc lutei nunc cinnabarini. Huic collectae atque in cucurbitam minorem inditae superaffundebam aceti destillati vncias circiter duas, quod ad ebullitionem coctum, per filtrum traieciebam. Post refrigerationem aceti ad fundum

descendebat, lateribus adhaerebat atque superficiei supernatabat, praecipitatum quoddam album, rarum atque leuissimum. Residuo in fundo cucurbitae relicto denuo affundebam acetum destillatum, et reliqua peragebam vt antea, quae toties repetebam, vsque dum acetum nil amplius extrahebat. Vltimum praecipitatum minus albescebat priori. Omnia haec praecipitata denique colligebam, ope filtri ab aceto separabam, atque ad solem exsiccabam, hacque ratione *sperma mercurii* ad drachmas duas obtinebam. Quae post extractionem remanebant, cum iis in retorta residuis pro reuiuificatione asseruabam. Vt autem nouam et breuioris viae methodum addam, scias illam me inuenisse in *turpethi mineralis* praeparatione occupatum. Soluebam scilicet mercurium viuum in aqua forti, huic solutioni, aqua pluuiali destillata (quam in omnibus hisce operationibus reliquis praefero, vtpote a peregrinis et heterogeneis particulis liberam) probe dilutae (experientia enim circa reliqua praecipitata me docuit, quo plus diluuntur, eo subtiliora euadunt) instillabam liquorem terrae foliatae tartari optime saturatum, quo summa animi voluptate videbam *sperma mercurii* ex candidissimis atque micantibus particulis conflatum, quod aqua pluuiali destillata vltius edulcoratum in calore temperato atque lenissimo exsiccabam. Quum autem pondus me edocebat totum nondum praecipitatum, atque illud, quod filtrum transibat, ad manus adhuc esset, ex hac, praeuia deliberatione, ope salis enixi ipsum *turpethum minerale* hoc modo insuper acquirebam: addebam nonnihil spiritus vitrioli, sed nulla subsequeretur alteratio, superaddito vero oleo tartari per deliquium, praecipitatum acquirebam turpethum elegantissimo colore citrino praeditum, id ipsum quod quaesiueram. Notandum autem est, ne nimium olei tartari praedicti accedat, alias praecipitatum non citrinum, sed rubrum arcano corallino similem colorem exhibebit, quod mihi contigit, postquam aquam tertium decantatam atque filtratam denuo oleo tartari impraegnabam.

VI. Quum rerum naturalium scrutatores nondum consentiant, cuiam regno naturae *ambra grysea* adscribenda, vndeque ortus illius deriuandus sit, Dom. GVOLFG. FRID. DIETERICVS, Pharmacopoeus Norimbergensis celebris, operae pretium esse ratus fuit indicare, sibi a mercatore quodam (cuius nominis immemor est) iam ante aliquot annos oblatum fuisse magnum frustum ambrae, vna ex parte ambram genuinam, ex altera vero integros apum alueolos exhibens. Pretium ingens, quo aestimatum fuit, obstabat, quo minus

nus illud sibi compararet, propriisque oculis intueretur. Fortasse alii pleniorẽ eius notitiam habent, vel possessorem indicare, sicque antiquum errorem corrigendi occasionem suppeditare possunt. Interim laudato Dom. DIETERICO valde probabile videtur, materiam ab apibus congestam ope aestus solis, salsedinis maris, aliorumque accedentium, in talem massam, qualem ambra exhibet, transmutari posse, quam opinionem conceptam ipsi confirmant complura experimenta aliaque obseruata ex ambrae perlustratione sibi oborta, quae alio tempore, atque peculiari forsã scripto cum eruditis ille communicabit.

GEORGII CLACII, Med. D. Halen. gründlicher Bericht von den balsamischen confortirenden Polychrest-Pillen und wahren Vniuersal-Tinctur etc. i. e. Solida instructio de balsamico - confortatiuis Pilulis polychrestis et vera Tinctura vniuersali, quae, vt depurans et naturam roborans medicamentum, in quibuscunque fonticis et pertinacibus morbis, externis etiam immedicabilibus exulcerationibus, cancro, fistulis, vlceribus scorbuticis (Salz-flüssen) lippitudinibus summam exserit efficaciam. Subiuncta proluxior informatio de rationali et securissima methodo medendi Hecticae et Phthisi. Cum valde desideraretur publicata et notabilibus exemplis confirmata. Hal. Mageb. 1731. 4to pl. 12.

Tria hoc schediasmate laudantur medicamenta, nimirum: *Pilulae balsamicae*, quarum vncia dimidia imperiali; *Tinctura vniuersalis*, cuius vncia dimidia ducato; et *Panacea*, cuius drachma in 12. doses diuisa, similiter ducato, venditur. Eadem vero de pilulis hisce proluxius hic praedicantur, quae seculo hoc nostro puluerulento-pilulari toties iam de pilulis Becherianis, fertilissima nempe similium matre, Stahlianis, aliisque innumeris fere, ebuccinata sunt, quarum pleniorẽ historiam meditatũr D. D. J. C. GOETZIVS. Dosis earum maior quidem, quam iam iam memoratarum, forsã autem mole minores erunt. Saepius etiam cum eorum vsũ sociandus commendatur puluis quidam ruber Dom. Autoris, prout nempe et Ill. STAHLIVS, ac post illum alii, puluerem suum rubrum pilulis suis adiungunt. Speciatim denique in impuritibus venereis mer-

curium suum fixum suamque tincturam vniuersalem eis associat, qua ratione sine omni alio remedio et sine saluatione radicitus eas tolli asserit. *Tinctura vniuersalis* omnibus proprietatibus verae medicinae vniuersalis in depurando corpore et roborando vigore naturae gaudere, vniuersum corpus penetrare, balsamum sanguinis ab omni impuritate et heterogeneis per homogeneitatem, puritatem et fixitatem suam clarificare dicitur, quarum nempe et principii sulphuris separatiui ope cum simili sanguinis principio combinata insigniter separat et depurat, sicque actiones vitales viresque promouet. Mira inde praestare affirmatur, praeparato tamen prius per pilulas Autoris balsamicas corpore, in quibuscunque chronicis affectibus, quales sunt lepra, achores, vlcera venerea, melancholia, venena, pestis, cuiuscunque generis febres, apoplexia, hydrops, colica, epilepsia, asthma, surditas, arthritidis, podagra, contractura: porro vlcera dysepulotica, scorbutica, lippitudines et defluxiones oculorum, fistulae, canceri, vlceraque pectoris fistulosa; quin nullum tam atrox vlcus, quod non eadem et balsamo miraculoso Autoris funditus et constanter sanari queat. Ventriculum insuper roborat, et digestionem adiuuat. Quid quod nullus nominari possit morbus, cui non citissime, certissime et tutissime medeatur separatoria sua et depuratoria virtute, morbis inprimis chronicis et habitualibus, in quibus omnibus aliis praecellit medicamentis. Sola tamen excipiuntur hectica et phthisis; his enim expugnandis secum alia et probata Autori suppetunt media, de quibus suaque in illis methodo digressionem prolixiori agit. Cum vero fusius iam eam in *Novis Litterariis Lipsiensibus et Balticis, Actis Medicis Berolinensibus, et ipso nostro Anni prioris Specimine XLII. p. 329.* quin peculiari tractatione explicauerit, ei hic supersedentes, quae vltius de tinctura hac vniuersali notanda, recensemus. Dosis nempe eius gutt. X. XX. XXX. in vino Mosellano, aut alio aegritudini adaequato liquore, mane ieiuno ventriculo, et vesperi somni tempore, post solum sumtum trihorio ante iusculum, deglutientiae a minori dosi in chronicis inchoando, et ad maiorem successiue progrediendo, eamque ad reconualescentiam vsque continuando, vitatis aliis medicamentis, et subiunctis diaeta laudabili, pilulis balsamicis, ac denique, pro ratione morbi, panacea Autoris. Haec enim, asserente eo, certissimum in conuulsionibus puerilibus, variolis mali moris retrogressis, affectibus pectoris infantum, catarrhis suffocatiuis, et contractura scorbutica est remedium. Cum his vero si quis conferre voluerit similes a Dom. Autore in *Actis Medicis Berolinensibus Decad. II. Vol. IV. p. 94. seqq.* sulphuri antimonii aurato tributos

tos effectus, dosin etiam eius considerauerit, aliqua forsan ei lux circa Panaceae huius naturam affulgebit. Interim e ducentis notabilioribus insignis horum remediorum efficaciae exemplis facile adducendis tantum e personis honoratioris conditionis vna a cancroso vlcere periculoso, secunda ab vlcere cruris duodecennali, tertia a contractura diuturna, quarta ab hydrope, quinta ab epilepsia, sexta ab vlcere pectoris fistuloso, septima a surditate, octaua ab arthritide et insigni oculi defluxione, pluresque aliae ab his et aliis chronicis morbis et febribus liberatae allegantur. Ne quis autem nasutulus ex tincturae sapore vulgarem eam antimonii tincturam esse aestimet, tum peculiaris eius effectus, tum conditio prohibent. Copiosum quippe in ea purumque principium separatiuum per subiectum omnibus creaturis homogeneum et optimum, praesertim hominum balsamum vniuersale, singulis momentis spirando attractum, hic autem visibile redditum, concentratum, et ad summam puritatem et fixitatem deductum, ita modificatur, vt sub forma salina in omni liquore solubile, et cum spiritu vini tartarifato, vnde proprie eius sapor, in fixiori sua forma extrahi, sicque massae humorum, praesertim autem sanguini stricte sic dicto, applicari aptum euadat. Quapropter vnum ducatum centies se redempturum promittit, si quaecunque alia tinctura antimonii vulgaris eadem praestiterit. Monet denique, medicinam hanc vniuersalem nullatenus empirice, non habito respectu ad motus et materiam peccantem, aut sine omnibus aliis medicamentis, adhiberi; sed tunc plerumque, vbi motus naturae salutes ad materiam peccantem subigendam et eliminandam non sufficiunt. Ideoque vt, qui ea cum fructu vti voluerint, exactam sui morbi historiam transmittant, hortatur. O inuidendam itaque nostri, prae caeteris, seculi sortem, vbi infensissimi humanae sanitatis vitaeque hostes potentissimis facile debellantur et profligantur armis, vt potiori adeo iure de similibus, quam de salua olim, quaeri possit: *Cur moriatur homo, cui salua crescit in horto?* sed finimus hanc recensionem cum illo Poetae: *Non equidem inuideo, miror magis.*

Morbi mense Martio Norimbergae frequentius obseruati.

Morbi a systematis neruosi ac transpirationis alterationibus oriundi, et mense superiori annotati, adhuc grassantur. Febres catarrhales non omnes amplius aequae benignae sunt. Variolae denuo, quamuis saltem sporadice occurrunt. Grauidae complures terminum gestationis opinione longius proferunt.

Observationes meteorologicae per mensem MARTIUM
Anni 1732. Noribergae habitae a Dom. JOH. GABR.
DOPPELMAIERO Math. P. P.

Dies styl. corr.	Barometrum.			Ther- mom.	Ventus.	Tempestas.
	Ped. Paris.	Ped. Lond.	Pedis Rhin.			
	dig. lin. scr.	dig. lin. scr.	dig. lin. scr.	gr. part.		
I.	27. 0. 2.	28. 8. 2.	27. 11. 7.	3. 0.	O.	serena
II.	0. 7.	8. 5.	11. 11.	1. 0.	NNW.	serena
III.	2. 0.	9. 7.	28. 1. 4.	1. 1. cal.	W.	ser. subf. nub.
IV.	26. 10. 10.	7. 0.	27. 10. 2.	4. 0.	N.	seren. nub. plu.
V.	27. 0. 7.	8. 5.	11. 11.	4. 2.	NNW.	serena subser.
VI.	26. 10. 10.	7. 0.	10. 2.	2. 0. tr	NO.	pernub. nub.
VII.	10. 3.	6. 5.	9. 7.	1. 0.	NW.	serena.
VIII.	11. 7.	7. 7.	10. 11.	2. 0.	N.	pernub. pl. subf.
IX.	27. 1. 0.	8. 8.	28. 0. 4.	6. 0.	NW.	nubila, pluvia.
X.	26. 11. 5.	7. 5.	27. 10. 9.	2. 0.	W.	pernub. et plu.
XI.	11. 7.	7. 7.	10. 11.	0. 0.	W.	seren. subf. plu.
XII.	27. 1. 11.	9. 6.	28. 1. 3.	1. 0.	NW.	serena.
XIII.	26. 8. 0.	4. 5.	27. 7. 2.	3. 0.	W.	plu. subf. c. niue.
XIV.	5. 6.	2. 3.	4. 8.	5. 0.	W.	nub. plu. c. niu.
XV.	10. 6.	6. 7.	9. 10.	8. 0.	NNW.	nub. plu. et nix.
XVI.	27. 0. 9.	8. 6.	28. 0. 1.	10. 0.	NW.	subf. plu. et nix.
XVII.	26. 10. 6.	6. 7.	27. 9. 10.	11. 0.	W.	nubila et plu.
XVIII.	10. 7.	6. 8.	9. 11.	8. 0.	N.	nubila subnub.
XIX.	11. 2.	7. 3.	10. 6.	5. 0.	NW.	nubil. et plu.
XX.	9. 2.	5. 5.	8. 5.	3. 2.	W.	pernu. nu. subn.
XXI.	4. 11.	1. 7.	3. 11.	4. 2.	W.	pern. plu. et nix.
XXII.	4. 4.	1. 2.	3. 5.	9. 0.	NO.	nub. nix et plu.
XXIII.	4. 2.	1. 0.	3. 2.	10. 2.	NNW.	nubil. cum niue.
XXIV.	7. 2.	3. 7.	6. 3.	12. 2.	NNW.	nubil. cum niue.
XXV.	8. 0.	4. 5.	7. 2.	12. 0.	NW.	subf. nu. pl. nix.
XXVI.	5. 11.	2. 6.	5. 0.	11. 0.	NO.	nub. et plu.
XXVII.	7. 8.	4. 2.	6. 10.	6. 2.	W.	nub. et plu.
XXVIII.	10. 1.	6. 3.	9. 4.	5. 0.	N.	nubila subn.
XXIX.	27. 0. 2.	8. 2.	11. 7.	4. 0.	NNO.	ser. subser.
XXX.	0. 7.	8. 5.	11. 11.	3. 0.	N.	serena.
XXXI.	0. 4.	8. 3.	11. 8.	0. 2.	NNO.	subser. serena.

COMMERCII LITTERARII
AD
REI MEDICAE ET SCIENTIAE
NATURALIS INCREMENTVM
INSTITVTI

Hebdomas decima sexta.

Norimbergae a. d. XVI. APRILIS clb lccc XXXII.

I.



Nnus fere est, ex quo Dominum de CHIRAC ad primariam Christianissimi Regis Archiattrorum dignitatem euectum esse retulimus; (*vid. Spec. II. p. 11.*) quem vero nunc ad Calendas Martias anno aetatis LXXI. fatis concessisse suis rerum Parisiensium nuncii nobis memorant. Nimirum attentatus fuerat d. XXVII Februarii defluxione quadam in pectus, cuius vim nulla saepius ite-

ratarum venaesectionum brachii pedumque instituta ratio impugnare poterat. Dignum laude virum, et peritissima medicarum chirurgicarumque rerum experientia, et singularis morum humanitas, aliorumque commodis inseruiendi studium, sincerique fides animi mori vetant. Quam reliquit haereditatem centenis aureorum Ludouicianorum (Louis d' Or) millibus; et quod excurrit, aestimant. Defuncti munia, quibus sexagesies mille librae quotannis indultae sunt, nemini adhuc alii collata legimus.

II. *Ex Litteris* D. D. JOH. SEB. ALBRECHT, *Coburgo d. 8.*

Mart. ad D. D. GOETZIVM. Tandem vero communico. Tecum quaedam cum succo Belladonnae facta experimenta, occasione casus tragici *in Comm. Litt. Spec. XLII. p. 332.* relati. Firmum enim, quod ego quidem iudico, suppeditant argumentum, quanto rerum naturalium effectus in corpore viuo differant ab iis, quos instituta per commixtionem corporum fluidorum extra corpus viuum experimenta proferunt. Quippe per hunc succum in corpore viuo sanguini motus fermentatiuo-rarefactius imprimitur, ita vt, quum accedente vi elastica vltra terminos vasa extendantur, in extremas illo-

Q

rum

rum partes copiosius impellatur. Id quod non solum intumescencia, temulentia, atque alia, quae succum hunc imbibentibus contingunt, neque ab ebriorum statu quicquam abhorrent, et ipse sanguis ante os spumescens; sed acetum etiam, quod expertissimi iam dudum medici pro antidoto comprobarunt, vasa contrahens et spumescenciam sanguinis fermentatiuam compescens, satis eloquuntur. Jam vero facta cum succo extra corpus viuum experimenta aliter sese nobis ostentant. Neque est quod miremur, quandoquidem in viuo plures ille alterationes et mutationes ex admixtis aliis liquoribus, gastrico, bilis, pancreatico, prius subit, quam in chylum atque hinc in sanguinem deducatur. Quid? quod partes etiam solidae motus eiusmodi varie commutant, quod tamen extra corpus viuum nequicquam fieri poterit. Tantum vero abest, vt, quam breuibus descripsi, sententiam vlli obtrusam velim, vt potius aliorum iudicio maturiori examinatum totus relinquam.

Experimenta facta cum succo Belladonnae

d. 22. Septemb. 1731.

I. Succus baccarum recentium, maturarum, expressus, coloris purpureo-violacei (*Kirschbraun in etwas dunkelblau*) mixtus cum aceto vini optimo, statim coagulatur, obscuriore reddito colore, nulla apparente actione fermentatiua. II. Hoc coagulum si agitetur, aut spatula lignea fortius prematur, resoluitur in floccos nantes in sero coloris purpureo-violacei, supernatantibus in superficie particulis albicantibus instar feri aut pinguedinis. III. Idem succus mixtus cum solutione cinerum clauellatorum statim, sine vilo coagulo, sine vlla actione, turbatione, sedimento, abit in colorem elegantissime caeruleum linthea eodem colore elegantissime; ast sine duratione tingens; exsiccata enim colorem magis dilute viridescentem oculis obiciunt. IV. Succus baccarum earundem cum sanguine columbino calente adhuc mixtus, eundem statim mutat in coagulum obscurum, durum, instar parenchymatis (v. g. hepatis) quod veteres dixere, renitens. V. Idem fit si prius cum bile, et tunc demum cum sanguine misceatur, sed citius abit in putredinem quasi. VI. His coagulis 4. 5. affusum acetum vini, reddit illa magis obscura, nigricantia, tristia, lurida, in sero bruno natantia, separatis itidem particulis albicantibus, quasi sebaceis, in superficie liquoris, et ipso coagulo diuulso conspiciendis. VII. Coagula vero illa 4. 5. superfusa solutione cinerum clauellatorum, de duritie acquisita multum re-

remittunt redeunte colore laete rubicundo, feri colore vero mutato in virido-coeruleum cum acquisito lentore viscido.

III. *Hamelii* Domin. LVDOVICVS SCHVMACHERVS Pastor ibidem senior schediasma publicauit in 4^{to} pl. 1¹/₂. quo Physico huius ciuitatis Domin. ALBERTO FOERSTERO, summos Medicinae honores capienti, gratulatur, et hac occasione Elegiam quandam ex 72. distichis in laudes vicinarum *acidularum Pyrmontensium* compositam, haftenus vero in MSto delitescentem publici iuris facit. Autor eius est JANVS BESSA a FVSIS celebris Mathematicus seculi prioris, qui per decennium in semet ipso vires huius fontis expertus est.

D. D. JOH. CHRISTOPH. GOETZII obseruatio de partu gemellorum inaequalis perfectionis.

Femina XXXVI. annorum, vegetioris animi atque corporis, plurimum liberorum mater, mense Martio anni nuperrime elapsi puellam enixa est perfectam et sanam, teneriorem tamen, cuius primum motum hebdomade decima tertia aut quarta, grauiditatis sensit, quamque ex hoc tempore XXIII. adhuc septimanis vtero gessit. Aquae praecedentes fuerunt perquam parcae, leues ac limpidae; secundinae tenerrimae, qualis et funiculus vmbilicalis, admodum brevis et exiguus. Ab initio grauiditatis ad finem vsque ardore epigastrii et scrobiculi cordis afflicta est. Abdomen primis mensibus inaequaliter tumuit; sinistro hypochondrio prae dextro multum magis eleuato, et linea quasi in medio distinctum. Post primum autem perceptum motum aequaliter et insigniter tumuit, et in dextro inguine peculiaris exortus tumor est, pugnum aequans, sursum et deorsum mobilis, et herniae metum incutiens, cum rarae et vagae alicuius motitationis sensu. Primo absoluto partu lochia perparca, pro more quidem suo fluxerunt, dolores autem insignes per illum et sequentem diem continuarunt, quos pro solitis alias sibi doloribus post partum habuit; effluentibus etiam denuo, hora post exclusum foetum dimidia, largis, luridis, e viridi flauescantibus aquis. Tertio die mane ad desidendum stimolata, sellaeque perforatae insidens, animaduertit, tumorem inguinis dextri, cum insigni dolore, atque ad lipothymiam fere vsque, auelli; per inguen tractu suo doloroso progredi; et tandem per pudenda egredi. Cu-

ratius perscrutans cum adstantibus, quidnam hic subsit? en! molam, seu concrementum vterinum, conchae analogum, reperiit membranaceum et tenacissimum, quod vi diuulsum exhibuit inuolucra subtiliora cum simili funiculo vmbilicali foetus iisdem obuoluti. Masculus ille fuit, vita carens, omnibus membris perfectus, sed pedis longitudinem vix aequans, admodum gracilis, e viridi liuescens, capite grandiori, vnguibus manuum pedumque conspicuis; cuius brachia vltra capitis vtrumque latus extensa, crura ad dorsum reflexa cernebantur. Illico autem, successiue licet, in tabum collucuit, vt, post horam transactam, figura eius vix amplius cognosci potuerit. Quapropter a nasutis mulierculis, me ordinario medico horum omnium nescio, sine mora sepulturae committebatur. Prior natu puella, superatis XIII. septimanis, similiter exspirauit. Mater vero ad hunc vsque diem belle valet, nullis aut tumore, aut aliis molestiis residuis, solum si excipias ardorem praecordiorum, nonnunquam adorientem. Id denique adhuc notandum, foetorem aliquem cadauerosum, e faucibus ascendentem, ipso gestationis tempore saepius ab hac femina fuisse obseruatum, quem tamen neque maritus, neque alii, cum illa versantes, obseruarunt.

Vernunft-mäßige Untersuchung des Bads zu Baden
etc. h. e. rationalis disquisitio thermarum Badensium earumque proprietatum et effectuum. Auctore JOH. JAC. SCHEVCHZERO, Med. D. Math. P. Acad. Imp. N. C. Adiuncto, Socc. Regg. Angl. et Pruss. membro. Cum et sine figuris. Tiguri litteris Marci Rordorfii 1732. 4to. pl. 8 $\frac{1}{2}$. titul. et Ded. pl. $\frac{1}{2}$. cum tab. 2. in fol. (conf. Comm. litt. Hebd. XIII. p. 99.)

Viris de re naturali bene merentissimis, vni D. D. JOH. HENR. ERNDTELIO, Augustissimi Poloniarum Regis atque Electoris Saxoniae Archiatro; alteri D. ALBERTO SEBA, Amstelodamensium Pharmacopoeo famigeratissimo, hasce paginas inscripsit clar. Dom. Autor. Pauca in prooemio de causis praefatus, quae animum induxerunt, vt hanc materiam sumeret exactius perscrutandam, primam atque praecipuam esse fatetur sui ipsius, quo flagrat, desiderium miracula naturae penitus experiundi, siue, quod hominem chri-

christianum magis decet, infinitam benignissimi Creatoris in operibus a se conditis, praedicandi atque concelebrandi potentiam et sapientiam. Alteram coepti instituti rationem esse balnei huius foterii famam, inde a Romanorum temporibus, efficacissima virtute sua, quam in sanis pariter atque aegrotantibus innumeris comprobata dedit modis, sibi conciliatam, hinc per totum orbem celebratissimam. Accedit imperfecta omnium, quot de his thermis prostant, descriptionum elaboratio, qua vix corticem tetegisse, nedum nucleum quaesivisse, Editor animadvertitur. Ceteris magni momenti rationibus non parum addidit ponderis ea, quae celeb. Dom. Autori inest, animi integritas studiumque aliis inferuendi, praesertim iis, qui eodem ac ille funguntur munere, veramque ingredientium huius balnei qualitatem illis exponendi, eosque praeterea ad firmanda aut melioranda animi sui sensa excitandi, eo fine, ut sanis aequae ac aegrotantibus salutare quisque consilio, quovis modo succurrere possit. Sub finem Dom. Autor benevolum lectorem circa icones monendum vult, eas Augustae Vindelicorum ad picturam authenticam Dom. Füslii, artis pingendi egregie gnari, Tigurini, aeri accurate incisas esse. His praemissis, Dom. A. ipsam thematis tractationem eleganter conscriptam, orditur ab ineffabili atque immensa supremi Numinis bonitate, qua nobis mortalibus non vitam tantum, verum etiam media, tum ad illam in statu integro servandam, tum a variis aegritudinibus afflictam atque periclitantem, redintegrandam facientia, atque extriplici naturae fonte largiter haurienda, benignissime concessit: cui immortales ut habeamus gratias, laudesque sempiternas dicamus, nostrae esto pietatis atque obsequii. Sicubi autem haec infinita DEI clementia abundantissime aduertenda est atque cognoscenda, certe in Helvetiae tractu mirari illam decet ac venerari, utpote quo montes hiant fontibus dulcissime scatentibus, et aquas ab iis stillantes crystalloque puriores, per multos vallium anfractus, instar amnium largissime profluere sinunt. Quem fortunatum Helvetiae statum iuxta et alias, quibus illa abunde gaudet, felicitates optime comparari posse censet Dom. A. cum illo, quem Moses *Deuteron. XI. 10-12.* populo DEI terram sanctam inhabitaturo, praedicat atque commendat: de quo autem alibi, plenius se egisse indicat. Hos inter diuites aquarum thesauros, quos Helvetia vberim non voluptatis sed publici usus gratia, in se habet reconditos, iure numerantur minerales et foteriae aquae: de quarum salubritate et praestantia, antequam seorsim loquatur D. A. generalia quaedam de thermis et aquis mineralibus praelibare consultum duxit momen-

ta. Maximam morborum, quibus Helvetiae incolae tentari solent, partem, ab aere frigido, humido et mutabili ortum trahere monstrat, quibus addit victum huiusmodi incolis proprium, a quibus circulus sanguinis non parum turbari, multum etiam visciditatis atque obstructionis inde generari necesse est; quibus autem sanitatis detrimentis, tempestive arcendis et prohibendis nullus salutarior atque certior modus praeter usum aquarum mineralium, partim in balneis, partim in potu adhibitarum, haecenus nequid excogitari, neque efficacior deprehendi. Ut autem usus earum prosit, non tantum requiritur, ut ad morbi indolem probe attendatur et cognoscatur, verum etiam ipsius, quod adplicandum est remedii, notitia pateat: Atque illud heic loci aqua audit, cuius particulas ingredientibus accurate noscendas chemia edocere equidem debet; ast non sola haec praestare valebit experimentis suis per ignem factis, nisi coniuncta ubique fuerit sano ratiocinio atque iudicio probe subacto. Quibus neglectis, error ut plurimum committitur in disquisitione aquarum facilis atque familiaris, quo vel nimium adscribitur particulis aqueis quod tamen calori earum rectius debetur, vel minerae in illis quaeruntur, nunquam inibi extantes; adeoque entia in cerebro finguntur, in rerum natura nullibi reperiunda. Legitimum praeterea thermarum usum pendere monstrat D. A. in recta adplicatione agentis ad patiens, remedii ad morbum. Neglecto etenim discrimine temporis, morbi, subiecti, huiusque aetatis, sexus, vitae generis, fit ut experimenta per mortes fiant, et quadrata misceantur rotundis; His praecauendis autem medicus ingenuus et cordatus studeat, sedulo consignandis et salutaribus et sinistris thermarum effectibus, iisque descriptioni suae, quam edere animo habet fideliter inferendis; aut quod melius esset, notandis observationibus, singulari studio circa necessarias aetatis, sexus, anni temporum, morbi circumstantias, habitis, et ratiociniis ex Philosophia moderna, medicina item mathematico-mechanica desumptis, corroboratis. Jure igitur heic inuehit Dom. A. in negligentiam eorum, qui prope thermas habitant, et per multos iam annos medicinam ibi fecerunt, nihil tamen scriptis consignant. Pergit hinc Dom. A. prolixè afferendo ea, quibus aquae minerales prae aliis se commendant. Prius autem, quam hoc agit, nodum hic euoluendum esse censet, scrupulumque illis eximendum, quibus subnasci potest, si viderint canales, per quos aquae ducuntur, ut plurimum terra quadam incrustatos, hincque talia etiam in ventriculo euenire posse aut debere sibi persuadentes, usum earum damnant. Sed easdem particulas ter-
reas

reas, a quibus salinae et sulphureae antea ipsis bene mixtae, nunc per exsiccationem in aura auolarunt, tantum abesse monstrat D. A. ut ventriculum obtegant, ipsique obsint, ut potius digredientium et absorbentium medicamentorum vices subeant, et ventriculo praeparando egregie inseruiant atque prosint. Commendant se praeterea aquae minerales eo, quod inter simplicia optimo iure referri, multoque certius adhiberi queant ac medicamenta ex pluribus, quandoque sibi contrariis, composita. Gaudent porro praee aliis medicamentis, ex herbis aut spirituosiss volatilibus praeparatis, hac praerogatiua, quod durabiles existant, nulli corruptioni obnoxiae sint et quouis anni tempore haberi queant: quum illa ex aduerso procedentibus annis vires suas amittant; et certa tantum anni tempestate colligi et parari debeant. Quoad quantitatem in usu attendendam, aquae minerales praee aliis potionibus medicamentosis arte paratis, hoc quoque habent, quod sine fastidio vel nausea ad plures mensuras potari possint; eoque magis conducant in quantitate assumptae, quo plus requiritur ad eluendas et expurgandas fordes in ventriculi et intestinorum plicis pertinacius haerentes. Habent et hanc praee aliis virtutem, ut intus propinatae, et extus adhibitae, in morbis praesertim chronicis, quos *cruces medicorum* D. A. nominat, salutarem praeebeant effectum, morbosque profligare valeant, longo quidem usu, ast sine ullo, vel aegrotantium incommodo, vel medici opera multum impendenda. Denique et illud aquas minerales non parum commendare debet, quod sanis praeseruando, aegrotantibus medendo optime conducant. His aquarum mineralium, quibus generatim gaudent, proprietatibus et viribus expositis, nunc ad thermas et aquas soterias Badenses redit D. A. speciatim de iisdem explicaturus; atque primo *de ciuitate Badensi* eiusque antiquitatibus refert, quae primordia ipsius, incrementa, simul et varia, quae ob variorum dominiorum vicissitudines, bellaque inde gesta, perpeffa est decrementa, usque ad illud, quo foedus cum sociis Helueticis iniit, tempus, attinent. Secundo *de Comitatus Badensis* territorio, iurisdictionibus, reipublicae forma etc. quaedam ex archiuis depromta enarrat. Tertio *de situatione thermarum*, domiciliis balneorum, aliisque aedificiis publicis, item diuisione balneorum sermonem instituit: postea in causas caloris thermarum physicas inquit, simulque mineras in aquis Badensibus contentas eruit, easque sulphur, alumen et nitrum esse indicat, ita sibi inuicem mixta, ut quintam partem alumen, decimam nitrum, et reliquum sulphur conficiant: quanquam haec mixtio ita praecise affirmari nequeat, dum collatis experimentis pluribus

ribus annorum interuallis factis, varietas quaedam euinci possit. Subnectit varia experimenta ex duodecim praecipuis aquarum receptaculis, varie capta, quae in adiecta tabula exposuit, distincte perquam consignata, vt conuenientia illorum hinc adpareat: sunt autem facta cum solutione gallarum, succo violarum, solutionibus aluminis, veneris, iouis, lunae; iniectione salis tartari atque solutionibus mercurii sublimati et sacchari saturni. Pergit clar. Dom. A. in hoc negotio, quo qualitates aquarum et thermarum Badensium vltius exploratas exhibet, in auxilium vocatis experimentis ponderatione et coctione earum, sedimentorum analysi, et euaporatione, factis, e quibus tandem obtinuit sal, cuius accuratam suppeditat descriptionem, quoad figuram externam et vires, quas, interne sumtum, ad indolem salium neutrorum, in corpore humano exserit; de quibus testantur D. D. CONRADI GESNERI experimenta in se ipso facta et heic allata. Huius salis comparisonem instituit cum sale Sedlicensi, Anglicano et communi, eamque in peculiari tabula sistit. Et postquam de aquarum, e fontibus in balnea quotidie fluentium quantitate certe stupenda computum fecit, ad virtutes thermarum sigillatim enumerandas se accingit, morbosque cuius aetati sexuique proprios nominat, quibus profligandis vsus earum potenter prodesse valet. Subiungit Dom. A. modum iis recte vtendi, qui in praeuia corporis praeparatione consistere debet: meminit insuper congrui anni temporis, item diei, horarum, et quot cuiusuis aetatis vel temperamenti subiectis pro infessu sufficiant, praescribit: ordinem certum in iis seruandum monet, et quomodo balneandum, quodque regimen circa res non naturales seruandum sit, fideliter aperit. Epilogum faciunt piae ac supplices ad DEVM preces atque vota: quibus postremo loco, *praecepta siue leges communes balneandi*, 11. distichis latinis concinnata addit.

LIBRI NOVI.

I. Traité de l'organe del' Ouie, i. e. tractatus de organo auditus, continens structuram, vsum et morbos omnium partium auris. Auctore D. DV VERNEY, Academiae Scientiarum socio, Consiliario et Medico Regis ordinario, nec non Professore anatomiae et chirurgiae in horto regio plantarum. Noua editio *Lugduni Batavorum* apud Joh. Arn. Langerak 1731. 12^{mo} pl. 9. cum dimid. c. tab. XVI. Prima editio prodibat Parisiis apud Steph. Michalet 1683. in 12^{mo} In latinam linguam a b. D. TOB. WINCKLERO, Antistite Norimb. ad D. Mariae versa anno sequenti Norimb. impensis Joh. Ziegeri imprimebatur in 4^{to}.

II. Dissert. inaugur. de affectibus aut defluxionibus catarrhosis Praef. D. D. LEONH. FERD. MEISNER Resp. ANTON. IGNAT. WECKHER. Morau-Iglau. Pragae 1731. 4^{to} pl. 16.

COMMERCI LITTERARII

AD

REI MEDICAE ET SCIENTIAE
NATURALIS INCREMENTVM
INSTITVTI

Hebdomas decima septima.

Norimbergae a. d. XXIII. APRILIS clb lccc XXXII.

I.



DE *Chemia Boerhaaveana* typis exscribenda bibliopolae nostratium Germanorum certare secum videntur, inuitati forsan gloria nominis *Boerhaaveani* iam inter gentes celebratissima. Iis enim, quorum *Hebdomade VII. p. 40* mentionem fecimus, nunc quoque *Lipsiae Casparus Fritschius* accedit, qui tamen caeteris hac de causa praefendus est, quod, dum non sibi solum, sed et rerum medicarum studiosis hinc prouisum vult, praeter ea, quae ad ipsam operis rationem pertinent, commodioris etiam vsus eiusdem curam gerere pollicetur. Litteras, nouis inscriptas typis, chartae simul puriori curabit imprimendas; totumque opus in tres sectiones aequales distinctum absoluet. MSSCC. chemicorum graecae latinaeque linguae rariorum index aucto numero prolegomenis inferetur: neque minus, quoniam gentium codices manu exarati lateant, curatissime designabitur. Omnia porro loca, quae ex historia commentariisque Academiae Scientiarum Parisiensis, *quarta* forma editis, passim allegantur, ad Belgicam editionem, *duodecima* publicatam, reducta deprehendentur, quum ea et in pluribus Germanorum bibliopoliis, et pretio multo viliori proftet. Utque caetera sileantur, quae in ipsa hac editione Lipsiensi beneuolo lectori sese demum offerent, non postremum locum emendatus correctusque ordo indicum obtinebit. Neque vero tantum *Boerhaaveana chemia*, sed quaecunque huius auctoris rerum medicarum opera, nouo Belgarum studio promulgata, lucem hanc aspicient, lectorum oculis, indulto Regis Polouiarum et Saxonum Electoris priuilegio munita sese sistent.

R

Ve-

Venibunt ex promissis Fritschii modico iustoque pretio : cuius rei causa tria illa chemiae volumina, octauae formae, quae iam intra mensem prelo eximentur, duobus thaleris imperialibus licebunt.

II. In Actis Eruditorum Lipsiae 1731. publicatis (vid. Hebd. IV.) porro continentur: *Mens. Julio*, XXII. Commentarii academiae scientiarum Imperialis Petropolitanae Tom. II. p. 297. *conf. Specim. XXXV. p. 275. seqq.* XXIII. Recueil de literature, de philosophie et d'histoire, h. e. collectanea litteraria, philosophica et historica. *Amstel.* apud Franc. Honoratum, 1730. 12. mai. pl. 8. p. 343. Quem tractatum propterea allegamus, quod epistolam continet Ill. LEIBNITII de barometris. *Mense Augusto*: XXIV. FRANCISCI TORTI, Phil. et Med. D. Mutinensis, in patrio Lyceo Professoris primarii, Sereniss. Raynaldi I. Mutin. Reg. Mirand. etc. Ducis medici, a consiliis Quatuor-virorum publicae valetudinis, et Soc. Reg. Londinensis sodalis, therapeuticae specialis ad febres periodicas perniciosas. Editio altera auctior. *Mutinae* ap. Barthol. Solianum, 1730. 4. alph. 3. pl. 5. p. 371. (Prima editio, cui titulus: therapeutice specialis ad febres quasdam perniciosas, inopinato ac repente lethales, vna vero china china, peculiari methodo ministrata, sanabiles. *Mutinae* ap. Barthol. Solianum 1712. 4. alph. 4. pl. 4. in his ipsis Actis A. 1716. p. 220. recensetur.) In hac editione quaedam addere, plura delere, Auctori visum est: vnde huius auctioris editionis moles priori minor euasit. XXV. Febrium continuarum, quae A. 1729. Vratislaviae grassatae sunt, recensio JOH. GODOFR. HAHN etc. p. 372. (*conf. Spec. XXVI. p. 202.*) XXVI. Elementorum medicinae physicomathematicorum Tom. I. Auctore JOH. FR. SCHREIBER etc. p. 375. (*conf. Spec. L. p. 397.*) XXVII. FRANCISCI MARIANI, Viterbiensis, de Etruria metropoli, quae Turrhenia, Tursenia, Tuscania, atque etiam Beterbon dicta est, in varios Auctores castigationes. Additur de Episcopis Viterbiensibus parergon. *Romae*, ex typographia Hier. Mainardi, 1728. 4. alphab. 1. pl. 17. tabb. aen. 2. p. 382. cuius tractatus ideo hic mentionem facimus, quoniam aquarum calidarum perniciosarum atque salubrium rationem simul habet p. 386-389. *Mense Septembri*: XXVIII. Nonnulla historiam litterariam medicam spectantia producuntur ex P. de COLONIA Histoire litteraire de la ville de Lyon, i. e. historia litteraria ciuitatis Lugdunensis, vna cum bibliotheca Auctorum Lugdunensium, tum sacrorum tum profanorum, pars altera seu posterior, *Lugduni in Gallia* apud Franc. Rigalettum, 1730. 4. maior. alph. 4. pl. 16. tab. aen.

aen. i. p. 393. Quorsum etiam pertinent XXVIII. Memoires pour servir a l'histoire etc. h. e. commentarii historiae celeberrimorum in rep. litteraria virorum inseruientes. Accedunt catalogi librorum a singulis scriptorum, de iisque iudicia. Tom. X. XI. XII. et XIII. *Lutet. Paris.* ap. Briassonium, 1730. 8. alph. 4. pl. 14. p. 399. XXX. JOH. PHIL. BREYNII etc. historia naturalis cocci radicum tinctorii etc. p. 406. (*conf. Spec. LII. p. 413.*) XXXI. Noua litteraria ex Hispania; quorum in numero sunt: 1) Anatomia compendiosa, i noches anatomicas, por el Dr. D. MARTIN MARTINEZ. En *Madrid* por Lucas Antonio de Bedmar. A. 1717. 4. 2.) Medicina sceptica, i cirugia moderna con un tratado de operaciones Quirurgicas. Tomo I. por el Dr. D. MARTIN MARTINEZ medico honorario de la familia del Rei nuestro Sennor, Professor de anatomia etc. Segunda impressiõ annadida con una apologia del R. P. M. FR. BENITO FEIJOO. En *Madrid* por Geronimo Rojo. A. 1727. 4. 3) Medicina sceptica. Tomo segundo. Primera parte apologema en favor de los medicos scepticos. Segunda parte apologema contra los medicos dogmaticos en que se contiene todo el acto de fiebres por el Dr. D. MARTIN MARTINEZ. En *Madrid* A. 1725. 4. *sine typographi nomine.* 4) Anatomia completa del Hombre con todos los hallazgos, nuevas dotrinas, i obseruaciones raras hasta el tiempo presente, i muchas aduertencias necessarias para la cirugia segun el metodo con que se explica en nuestro Theatro de Madrid, por el Dr. D. MARTIN MARTINEZ. En *Madrid* por Bernardo Peralta, A. 1728. 4. 5) Filosofia sceptica. Extracto de la Fisica antigua, i moderna, recopilata en dialogos, entre un Aristotelico, Cartesiano, Gassendista, i Sceptico, por el Dr. D. MARTIN MARTINEZ. En *Madrid* A. 1730. 4. *additur character naturalis Martinezii.* 6.) Lithostatica, o theorica, i practica de medir piedras preciosas, compuesta por D. DIONYSIO MOSQUERA, artifice de obras de oro, i tasador de Joyas. En *Madrid* por Francisco del Hierro, A. 1721. 4. 7) El mundo engannado por los falsos medicos. Discursos del Dr. JOSEF GAZOLA Verones, medico Cesareo i academico aletofilo. Obra posthuma traducida fielmente del Toscano. En *Valencia* por Ant. Bordazar, A. 1729. 8. Recusus hic libellus A. 1730. *Hispani*, nunc tertium imprimitur *Valentiae*. Qui versionem hanc Hispanicam adornauit, GREG. MAIAN-SIVS, idem quoque auctor est dedicationis ad medicos, praefationis ad lectorem, et censurae libelli. p. 432. *Mense Octobri.* XXXII. Amoenitates litterariae, quibus variae obseruationes, scripta item quaedam anecdota, et rariora opuscula exhibentur. Tom. XII.

XIII. et XIV. *Lips. et Francof. ap. Dan. Bartholomaei et filium*, 1731. 8. alph. 2. pl. 17. Tomus XIII. elogium illustris nobilisque Viri LVCAE SCHROECKII, Augustani, etc. continet. p. 467. XXXIII. *angenehme, curiöse und nützliche Nachrichten von physical- und medicinalischen, auch dahin gehörigen Kunst- und Litteratur-Geschichten. i. e. miscellanea physico-medico-mathematica, collecta a D. ANDR. ELIA BÜCHNERO* etc. p. 483. (*confer. Hebd. VI. p. 48.*) *Mense Novembri nihil. Mense Decembri* XXXIV. *Philosophical Transactions, h. e. Transactiones philosophicae, quibus referuntur molimina, studia et labores virorum ingeniosorum nostri temporis in variis orbis partibus. Volumen XXXIII. pro annis 1724. et 1725. Londini ap. W. et J. Innys*, 1726. 4. alph. 2. pl. 14. tabb. aen. 13. p. 552. De iis, quae ad A. 1724. referuntur, acta haec anno superiori exposuerunt p. 411. seqq. atque adeo hic tantum recensentur, quae ad An. 1725. pertinent; ex quibus haec nobis memoranda veniunt: N. 386. *pro mensibus Januario et Febuario*, 1) JOH. RANBY, chirurgi, variae observationes ex sectione ostreae. N. 387. *pro mensibus Martio et Aprili*, 2) PAVLI DVDLEII *historia naturalis balaenarum, ac imprimis eius speciei, quae vulgo sperma ceti appellatur.* 3) JOH. RANBY de ductu excretorio glandulae renalis *Valsalvae.* 4) MAVRITII ANTONII CAPPELER, Medici Lucernensis, *prodromus crystallographiae, qui Lucernae 1723. 4. prodiit.* N. 388. *pro mens. Maio et Junio*, 5) ISAACI RAND *catalogus quinquaginta plantarum exoticarum, societati Regiae oblatarum.* 6) NETTLETON *observationes de altitudine barometri in diuersis eleuationibus supra superficiem terrae.* N. 389. *pro mens. Julio et Augusto*, 7) CAROL. (forte CASP.) NEVMANNVS de camphora ex nostrati thymo. 8) GEORG. GRAHAMI *experimenta, ope acus magneticae inclinatoriae A. 1723. instituta.* 9) JOSEPH. ATKINSON *descriptio tumoris singularis.* 10.) DESAGVLIERII *experimentum de globorum plumbeorum cohaesione.* 11) STEIGERTAHLII *descriptio naeui materni singularis.* N. 390. *pro mens. Septembri et Octobri*, 12) JOH. PHIL. BREYNII *dissertatiuncula de agno vegetabili Scythico, Boranetz vulgo dicto.* 13) JOH. BROWN *animaduersiones quaedam in ea, quae de camphora docet NEVMANNVS.* 14) JOSVAE WASSII *descriptio effectuum fulguris singularium.* 15) MVSSCHENBROECKII *epistola ad DESAGVLIERIVM, qua describit experimenta de viribus magneticis.* 16) HVXHAMVS de variolis anomalis epidemicis. N. 391. *pro mens. Novembr. et Decembr.* 17) NEVMANNVS de falso et fallaci experimento probandi spiritum vini gallici

lici. 18) ROB. PAYNE descriptio symptomatum productorum a furca per anum infelici casu in intestina immissa. 19) DAN. TVMERVS de infectis duobus in casibus per vrethram emissis. XXXV. Semestre prius instituti nostri p. 558.

III. *Ex Litteris D. D. GEOR. FRIDER. GUTERMANNI ad D. D. JOH. CHRISTOPH. GOETZIVM datis.* Transmitto liquorem paratum ex reliquiis ciborum, cum variis accedentibus e C. H. sanissimo, pane praecipue nutrito, humoribus remixtis. Processum ipsum proxime traditurus. Cum sit ex censu salium volatilium, sudoremque moueat hoc medicamentum, facile cognosces, Vir Cel. hoc materiae podagricae ad articulos depositioni atque per cutis spiracula eiectioni fauere. *Carlii* vero liquor, si recte memini, testibus duobus Comm. Litt. (quod Memmingae diu iam in bibliopegae manibus, adeoque iam non ad meas est) speciminibus ad classem acidorum spectat, motusque, vti excedentes, ita quoque placidos atque necessarios suspendere potis est, ceu sedatium, quo titulo ipsi quoque Exc. D. Auctori venit. Ex omnibus quidem antarthriticis probatissimum mihi videtur decoctum Viennense, quod largiter potum tam fixae, quam vagae, debellat paucis diebus paroxysmum, sed idem diuturnam post se relinquit membrorum lassitudinem atque debilitatem, ita vt doloribus licet ablatis, lectum tamen deserere nequeant impotentes. Sed neque hoc quamuis ex praescripto strenue vsurpatum arthritidem plene tollit, ante annum enim, et quod excurrit, obseruavi in viro iuueni, qui ex itinere, tempestate nebulosa, pluviosa et frigida facto, vagam contraxerat, paucis post potum decocti Vienn. diebus repetiisse dolores, qui quidem adeo acerbe, ac ante vsu decocti, atque tam diu ipsum non cruciarunt, quasi impetu ac viribus causae morbificae fere infractis. Duravit etiam ab vsu huius potus sudor continuus diurnus nocturnusque, corpus vere colliquefaciens itidem molestissimus, quem iulapiis, dein emulsionibus, et temperantibus imo et subadstringentibus ad preces aegri refrænare oportuit. Praetor huius loci, senex 66. annorum, 14. filiorum et 3. filiarum, omnium superstitem, parens, vir admodum venerabilis, parente podagrico natus, veneni instar medicamenta quaecunque, si podagrae opponenda commendantur, auersatur, contentus scarificationibus bimestribus ac venae sectione vernali et autumnali in metacarpo: nam obesitas et in brachiis et in pedibus venas visui tactuique dudum iam subduxit. Is satis regularem experitur podagram, ac fere aequo cito sine vllis remediis conualescit, neque diae-

tae et vel parumper sollicitae sese adstringit tam in animi motibus, quam in cibo et potu. Podagram suam etiam praesentem adeo non curat, ut nunquam a nundinis Francofurtensibus illa arceri se passus, sed potius artubus adhuc tumidis standi ambulandique impotens in rhedam deportandus cursuque publico vehendus illuc fuerit, praetendens, semper euanuisse podagram, priusquam Francofurtum perueniret. Dum haec scribo nunciatur mihi b. obitus filii ipsius natu maximi, annor. 43. mercatoris Augustani. Is pariter ante tredecim iam annos podagram tulerat, sed ante annum ad eam deuincendam potui aquae fontanae, pauxillo vino maluatico correctae, haecenus sese dederat, hoc mense vero morbo acuto caput potissimum infestante correptus fuerat. Pridie demum parens impense doluit de eo ipso, quod filius hic podagrae tam impatiens fuerit, causamque morbi praesentis in suppressam eandem, et forte non vane, reiecit. Hoc potus genus, si recte coniicio, medicus quidam, qui Poterii observationes admiratur, ipsi commendauit, conf. si placet, *Poter. oper. c. not. Hoffm. pag. 389.*

Praxis Stahliana, das ist, Herrn Georg Ernst Stahls, Königl. Preussischen Hofraths und Leib-Medici, Collegium Practicum, welches etc. i. e. Domini GEORGII ERNESTI STAHLII, Consil. aul. et Archiatri primarii Regii Borussiae, Collegium Practicum, quod partim ab ipso in calamus dictatum, partim ab eiusdem tunc auditoribus e dissertentis ore singulari cum studio calamo exceptum olim fuit. Nunc autem e latino in germanicum translatum idioma, et permultis annotationibus ac ratiociniis confirmatum et illustratum, ad praescriptum etiam Dom. Autoris secunda hac editione plurimum auctum et emendatum, editus a D. JOH. STORCH, alias HVLDERICO PELARGO, Medico aulico Principis, et Physico ciuitatis Isenacensis. Lipsiae impens. Caspar. Jacob. Eysselii 1732. 4to. Alph. 8. pl. I. cum dim.

Prodiit nimirum prior utilissimi huius operis editio anno 1728. alph. constans 7. et pl. 9. ut ita insigne eidem accessisse augmentum vel ex iis pateat, quae in D. D. I. C. GOETZII *Histor. Script. Stahl. Supplem. I. p. 190. n. CCLXXXI. et p. 210. n. V.* iam recensita. Est au-

autem Collegium Therapeuticum speciale D. D. STAHLII l. c. p. 180. n. XIX. indicatum, & praeter prolegomena et praecognita practica, sex absolvitur sectionibus, quarum I. agit *de sanguinis vitiis indeque pullulantibus variis morbis*, et quidem membro α) de sanguinis abundantia; β) de haemorrhagiis, vbi articulus 1) de haemorrhagia in genere; 2) de haemorrhagia narium; 3) de haemorrhagia post dentium euulsionem; 4) de Haemoptysi; 5) de vomitu cruento; 6) de fluxu haemorrhoidali; 7) de mictu cruento; 8) de mensium fluxu nimio; 9) de haemorrhagia vteri; 10) de sanguinis fluxu e cruribus seu varicibus, tractat. γ) de sanguinis euacuationum promotione. δ) de congestionum sanguinis medicatione. ϵ) de sanguinis defectu. ζ) de inflammationibus. η) de febribus in genere, nimirum artic. 1) de febribus contagiosis; 2) de febribus malignis; 3) de febribus acutis benignioribus; 4) de febribus biliosis, ardente, cholericis; 5) de febribus acutis simplicioribus; 6) de febribus compositis; 7) de febre hectica; 8) de febrilibus symptomatibus; 9) de febribus intermittentibus. Sect. II. *de feri vitiosi correctionibus et medicationibus* membr. α) de cachexia; β) de tumoribus hydropicis, artic. 1) de ascite; 2) de oedemate; 3) de anasarca. γ) de catarrhis, artic. 1) de grauedine et coryza, et generatim tussi; 2) de tussi humida; 3) de catarrho suffocatiuo. δ) de scabie; ϵ) de lue venerea. Sect. III. *de motuum vitiis*: membr. α) de motibus spasticis et convulsivis; β) de motuum defectu: artic. 1) de paralyti; 2) de apoplexia; 3) de lipothymia et syncope; 4) de methodo et cautelis circa anodyna. Sect. IV. *de sensuum internorum vitiis*: membr. α) de laesionibus memoriae; β) de phantasia, seu deliriis: artic. 1) de phrenitide et deliriis phreneticis; 2) de deliriis melancholicis; 3) de rabie canina seu hydrophobia. Sect. V. *de puerperarum curatione*. Sect. VI. *de infantum cura*. Constat autem haec praxis thesibus a D. D. STAHLIO in calamus dictatis; his singulis subiectus est discursus Dom. Autoris, easdem fusius explanans, atque ab auditoribus suis calamo exceptus; et hunc denique sequuntur annotationes D. D. STORCHII potissima, tum thesium, tum discursus, momenta vltcrius illustrantes, confirman-tes et supplentes. Jure vtique suo locupletissimus praxeos medicae promus condus dici potest, in quem cl. D. D. STORCH omnia, quaecunque ad medicum pium, eruditum, solidum, dextrum et exercitatum formandum conferre, eumque in difficillimis etiam casibus instruere queant, e probatissimis cuiusvis aevi scriptoribus et ipsa sua diuturna et felici praxi, indefessa opera, limato iudicio, et eleganti ordine collegit et concentrauit, vt ita bibliothecae instar medico-
pra-

practicae inferuire, et non solum veteranis practicis multo vsui esse, sed et in limine constitutis vix ac ne vix quidem deesse queat. Testatur etiam vel sola prioris editionis celerior, quam sperari poterat, consumptio, non displicuisse eruditis hunc laborem; quapropter commodissime secunda eius adornata editio est; quam insigniter quoque emendatam et auctam ipsa autopsya docet. Accesserunt scilicet ipsius Ill. D. D. STAHLII monita quaedam, ea, quae b. D. D. JOH. KANOLDVS ex ipsius Autoris ore hausit et consignauit; vel sola XV. plagas explentia; plura ex utroque Collegio Casual. D. D. STAHLII, et permulta denique, tum ex aliis scriptis praestantissimis, tum ipsius D. D. STORCHII multiplici et felici experientia; in calce vero addita est instructio de sale cathartico amaro Creuzburgensi, de quo iam *Commerc. huius Litter. Specim. XXXII. p. 250. n. III.* egimus. Cum caeterum cl. D. D. STORCHIVS aliquot iam abhinc mensibus nos certiores reddiderit, annum suum Medico-practicum V. et VI. sub prelo tunc sudare, nulli dubitamus, quin nundinis hisce vernalibus illud reliquerint. Vltiora autem de laudatissimi huius scripti annis quatuor prioribus, aliisque huius Autoris lucubrationibus, reperiri poterunt in superius citata D. D. J. C. GOETZII *Hist. Script. Stahl. p. 170. et Suppl. I. p. 210.* sub nomine PELARGVS. Quod superest vitam a clementissimo Numine ac vires Illi precamur, vt concinnandis perficiendisque pluribus argumenti similis, hoc est, utilissimi, scriptis, praesertim autem illi de morbis et cura infantum, sub finem huius praxeos Stahlianæ promisso, vacare possit.

LIBRI NOVI.

I. *Traité des Operations de Chirurgie etc. i. e. tractatus de operationibus chirurgicis, fundatus in mechanismo organorum hominis, et theoriae ac praxeos auctoritate maxime munita. Locupletatus curationibus valde peculiaribus, nec non figuris aeneis, repraesentantibus encheireses operationum, per RENATVM JACOBVM CRESCENTIVM de GARENGEOT, artium et chirurgiae magistrum, demonstratorem regium in rebus chirurgicis, et membrum societatis Regiae scientiarum Londinensis. Secunda editio reuisa, correctæ et aucta ab Autore. Tomus I. Parisius in vico S. Jacobi apud Huart 1731. 12. pag. 476. c. tabb. 5. Tomus II. pagg. 468. cum Tab. 3. Tomus III. pagg. 472. cum Tabb. 11.*

II. *Dissert. inaugur. qua febris tertiana ob Empyema e vomica pulmonis rupta in cavitatem pectoris dextram effusum, indeque pulmonem huius lateris compressum, penitusque ab officio remotum, mortem post se relinquens exponitur. Praef. ABRAH. VATERO. Resp. JOH. EPHR. MVTILLET. Vitemb. mens. Mart. 4to. 1731. pl. 4. cum dim. c. fig. 1.*

III. *Specimen med. inaugurale sistens stupendum abdominis tumorem. NICOL. WILLIVS Müllhusino Helu. Basileae d. 10. Jul. 1731. 4to. pl. 5. cum dim. cum tab. aen.*